


BOHLALE THULANONG

LE TUMELO

 Ke a go leboga, Ngwanešu Neville. Morena a go šegofatše. Moso, moso. Ngwanešu . . .

² Moso, bagwera. [Yo mongwe o re, “Moso, Ngwanešu Branham.”—Mor.] Thabile go ba morago ka ntlong ya Morena!

³ Ke sa tšo leletša morago kua, dinakwana di se kae tša go feta, go rapelela modiredi wa go tšofala. Gomme o sa tšo idibala, boka. Ga go phošo e hwetšwago go yena. O no ba mokgethwa wa go tšofala wa Morena. Tseleng go theogela mo, Sathane o lekile go mpabjiša, go hlatša, le nna. Ke rile, “Re ya go no rapelela seng sa rena.” Yeo ke nnete. Ya. Kafao, e be e le Ngwanešu Coggins. Re mo tseba gabotse kudu, mo ka tabarenekeleng. O tšwa godimo ka Carolina. Gomme o be kudu, a babja kudu, go no—go no ema le go idibala. Eupša ga go bonale go ne selo sa phošo ka yena, e sego mmeleng. Kafao, e no ba diabololo a leka go mo leka. Kafao, ke moleki yo mogolo, gomme ke yo mokaone, le yena.

⁴ Le kwele kanegelo ka kgaetšedi wa go tšofala yo a ilego kerekeng, a sa bolele selo sa sebe ka le ge e ka ba mang. Ba rile, “O nagana eng ka diabololo?” O rile, “Gabotse, ke lenaba le lekaone.” Kafao seo ke se a lego—se a lego.

⁵ Re thabile, mosong wo, go ba ka ntlong ya Morena gape, beke ye, re letile go Tla ga Morena Jesu.

⁶ Gomme bjale, ke be ke eya go bolela ka thuto, mosong wo, “Go šireletšwa ke Madi,” gomme go bonagetše o ka re Moya wo Mokgethwa o bile mohuta wa go fetola monagano wa ka ka yeo. Gomme ke ne thuto ye nngwe, ya go ruta. Gobane, ka gona, morago, ke boletše, bošego bja go feta, “Gobaneng A fetola monagano wa ka ka thuto ya mohuta woo, ‘Go šireletšwa ke Madi?’” Le kwešiša moo sehlogo se bego se tla ba, “Israele ka tlase ga madi, e matšha go ya go tšhepišo,” le a bona. Gomme nka e bolela, nako tsoko ye nngwe.

⁷ Kafao ke eletšwe, ka go toro ye ke bilego le yona mo, e sego telele go fetile. Gomme nna, ka torong ye, ke be ke swanetše go be ke boloka Dijo ka tabarenekeleng, le a bona, mo ka torong ye. Ke ba bakae ba e elelwago, dibeke di se kae tša go feta, ke bile le toro? [Phuthego e re, “Amene.”—Mor.] Ga se ka kgonagano go le fa tlhathollo ya yona. Gomme ge e ka se ntšee botelele kudu, ke tla no le botšha, ge le nyaka go kwa. [“Amene.”] Go lokile.

⁸ Ga se gantši mo ke lorago e ka ba eng se se nogo go ba le tlhaologanyo e ka ba efe ka go sona. Ke, ka mehla, ke ya malaong

thari, gomme morago ka phafoga. Gomme ka ba le letšhogo goba go lapa, o a lora, morago wa ya go robala le go lora, morago wa phafoga. Le tseba ka mo go lego, motho wa letšhogo boka nna.

⁹ Gomme ke be ke le ntle le Ngwanešu Wood le Ngwanešu Sothmann, gomme Morena o be a sa no fa batho...go tla godimo...tlase...Gomme mo e be e le ka Tucson, Arizona. Gomme Morena ka go phethagala feela, ka go taba ye nngwe le ye nngwe, a efa ditoro ditlhathollo.

¹⁰ Bjale, le a bona, ge e ka ba mang a efa, a mpotša ka toro, tsela e nnoši nka kgonago go fa tlhathollo, ke bona toro yeo godimo. Gomme ba bantši ba lena mo ba a tseba, gore ba bangwe ba lena ba mpotša dilo, tšeo le se go la mpotša tšohle ka yona, ka torong. Eupša ge ke e hweditše, godimo gape, ke hweditše se o sego wa mpotša. Le a bona? Gomme kafao o swanetše go e bona godimo gape, gomme nako yeo O a go botša. Kagona, dinako tše dingwe e a ripa. Dinako tše dingwe go bothata, go a ganetšega go motho. Eupša o swanetše go ba therešo, gobane ke Lentšu la Morena. Le a bona? Gobane, ba letetše yeo. Gomme Ga le tsoge...Morena o ntoketše, go Le dira ka mehla e be nnete.

¹¹ Gomme kafao bošego bjoo ke—ke ile go robala, gomme ka lora, nnamong. Gomme ke naganne ke be ke...Moisa yo ke bego ke fela ke itiana mosako le yena, mengwaga ya go feta. Bontši, lena batala...

¹² Ke be ke no nagana ka Ngwanešu Roy Slaughter, a eme ka mo mojako. O bile le yona, ke a thanka yo mongwe wa maloko wa kgalekgale mo, ka kerekeng. Ngwanešu Slaughter, ke a thanka, o thwi tikologong ya yo mongwe wa maloko a kgalekgale. Gomme ke no—ke no...

¹³ Ge ke be ke sa bolela ka yena, go ne dintlha tše ntši tše botse ka Roy Slaughter tše batho ba sa tsebego ka tšona. Yeo ke nnete. Ke ngwanešu wa ka, gomme bokaone ke mo fe sehlopha se sennyane sa matšoba bjale, goba lehlogedi, go feta kgare ka moka ge a sepetše. Yeo ke nnete. Go ne dintlha tše ntši tše kaone. Ngwanešu Roy o bile ngwanešu wa kgonthe go nna, yena le lapa la gagwe, ba phela ntle kua, gomme o šometše lapa le lennyane lela ka maatla, gomme o godišeditše sehlopha se sekaone sa bana. Ke tseba basetsana bohle ba gagwe le bašemane ba gagwe, gomme ke rerile poloko ya mošemane wa gagwe yo monnyane ge a hwile.

¹⁴ Gomme ke a elelwa, nako ye nngwe mo, re bile le mothaka a šoma kerekeng. Gomme mo...Gomme o be a swanetše go e dira, feela bjalo ka mmetli. Re be re se ne tšhelete ye ntši. Gomme o be a eya go bea bokagare bjo ka mo. Gomme yo mongwe o tlile mmogo yo a bego a nyaka mošomo, gomme ga se a ke a o dira. Gomme a dula tikologong, o tleleimile o šomile seripa sa iri, goba se sengwe, gomme a gobala leoto la gagwe. Gomme ka gona yena, feela go lekanela go tliša molato kgahlanong le

kereke, le go re sua ditolara tše dikete tše lesome. Gabotse, re be re se ne selo. Re be re sa tsebe selo ka yona go fihla ba šetše ba ne kahlolo. Le a bona, ba suile. Mo—mo monna, o be a se ne inšorense, gomme kafao ka gona e wetše godimo ga rena. Re be re se ra swanela, go lefa.

¹⁵ Gomme nka se tsoge ka lebala bošego, re dutše thwi mmogo, morago ka *mola*, moo Roy a ilego fase ka potleng. Ya kgale. . . Ntshwarele, Ngwanešu Roy. Ya kgale, ya lenkgeretla puku ya potla, gomme a goga ntle ditšheke tše a bego a ne natšo go tšwa go gogeng leraga ga gagwe, dilo tša go swana le tšeo. O rile, “Gabotse, Ngwanešu Bill, ke tla bea ye go yona.”

¹⁶ Evelyn a yo monnyane wa kgale, kgaetšedi wa gagwe, go molaleng o dutše thwi mo, felotsoko bjale. O, “Ngwanešu Branham, ntlo ya ka ye nnyane ya kgale, e boleng bja ditolaro tše makgolotharo feela, eupša re tla no bea yeo go yona.” Le a bona? Woo ke wa mmapale, wa kgonthe materiale, ge o bolela le nna. Seo se ka pukung ya ka, seo se ka kgonthe.

¹⁷ Ke a elelwa nako yeo, moragorago gannyane go tšwa go seo, ke ka kopanong ya ka ya pele ntle. Ke be ke le ka St. Louis, ka go e tee ya dikopano tše kgolo tša ka tša pele. Gomme thelekramo ya tla ka gare, “Mosetsana wa ka yo monnyane o robetše mo ntlheng ya lehu. Ngwanešu Slaughter. Etla ka pela.” Ke nno sepelela godimo, ka thoma go bea diaparo tša ka ka gare ga sutukheisi. Ke tšohle tše di bego di la fao go yona. Ke be nka se mo gane. Gomme ra tla mo. Ka tla gae, ka tsena ka kamoreng. Baoki, tlase, bookelong kua, ka bookelong bja Katoliki ka New Albany, ba be ba hlobogile mosetsana yo monnyane wa gagwe. Feela ge re tsene ka kamoreng, Morena Jesu a mo fodiša. O be a le fao, le a bona. Le a bona?

¹⁸ Gomme boka borotho godimo ga meetse, bo tla boela go wena letšatši le lengwe. Go tloga thutong ya ka; eupša go ya morago mathomong.

¹⁹ Gomme ke be ke fela ke itiana mosako. Gomme go be go le mothaka mo ka toropongkgolo ye. Mothaka wa go šokiša o nwa gampe bjale. Yo mongwe wa bašemane ba gagwe o go sephodisa. Smith, George Smith, ba mmitša, “Metsotswana-tshela Smith.” O be a ntlahlela mosako, ge re be re. . . pele Golden Gloves e thoma. Re be re le ntle mo ka go mmušo. Gomme ka go yeo, gobaneng, o be a le motho wa serebelane nkilego ka mmona. O be a no ntia, gomme ke be ke tla no ya go dikologa moyeng. Gomme ke boa morago. Ke rile, “Ga wa swanela go ba serebelane kudu ka yona. O a bona?” Ke rile, “O ntšha mohemo go tšwa go nna.”

²⁰ O rile, “Ke a go botša, Billy,” o rile, “ga go kgathale o hlahlilwe gabotse bjang, gomme o ne boitemogelo bjo bokae bja ramabelo, gomme o tiile gakaakang, bakeng sa bogolo bja gago, goba e ka ba eng boka yeo,” o rile, “mohlatloša ka pela o emiša madi ge o iteilwe ka mokgwa woo.” [Ngwanešu Branham

o phaphile diatla tša gagwe gatee—Mor.] Gomme o rile, “O ka no ntlhoya bjale, eupša ge o tsena ka kua mosakong, wenamong,” o rile, “o tla e leboga.” O rile, “Mmele wa gago o aga seo, go tla morago ka potlako. Ge o itiwa, o tla no wa godimo, le go robala fale le go tšea go bala. Eupša ge mmele wa gago o agilwe le go kgona go emelana go mehlatloša,” o rile, “gona, ge o o itia, go mehlatloša e go itia ka maatla,” o rile, “gona ge o . . . o ka kgona go tla morago ka potlako,” o rile, “morago go maoto a gago gape. Ge o ketoletšwe ka ntle ga mosako, tabogela morago ka gare.” O be a sa tšwa go fetša go nketola thwi ka ntle ga mosako. Kafao o rile, “O swanetše go no dira seo. O a bona?” Gomme o nyakile go mpolaya. O be a le e ka ba diponto tše masometharo goba masomenne boimaima go mpheta. Gomme o be a kgona. . . O be a le molwi gomme ke be ke no ba moithuti, kafao o be nyakile a go mpolaya. O rile, “Eupša o tla leboga seo ge o tsena ka mosakong.” Ke hweditše ntle gore e be e le therešo.

²¹ Ka gona, ke kwele disatšene tšela ka sešoleng ba hlahla bona bašemane, gomme makgwakgwa. Ba be ba tla hloya satšene yola. Eupša ge go etla go lwa, ba be ba mo rata, ka baka la tlhahlo ya makgwakgwa.

²² Yeo ke tsela ye ke lekago go hlahla Bakriste. “Le se ke la kota go tloša moriri wa lena. Le se ke la apara meikapo. Le se ke la dira se.” E hwetše makgwakgwa. O tla nteboga ge ke etla go—go bofelu bja tsela. Le a bona? Tlhahlo, le a bona, go hwetša tlhahlo yela gabotse. Eupša a re—a re beng thwi le Lentšu. Le ka no ba makgwakgwa, la ripaganya diphapano tša dikereke tša maina diripana, eupša o tla e leboga ge o etla tlase go ya bofelong bja tsela. Le a bona? O eme ka Puku.

Kafao, mosadimogatša, o tšere, o bile le seatla sa gagwe ka go sa ka, gomme ra sepelela godimo.

²³ Gomme George Smith bjale, o, ke a thanka, ke monna wa hlogo ye pududu. Ke a thanka o šupa goba seswai, mengwaga ye lesome go mpheta. Gomme o be a le morago ka mosakong, gomme o be a katana. Gomme mathaka a maswa a a tlogo godimo, bašemane ba magetla a magolo a dipapatla, ba be ba sa kgone go emelana naye, le gatee. Ba no . . . O be a no ba swielela ka metsotso. Gomme mothaka yo moswa o rile, “Nka kgona go swiela mokgalabje yola. Ke a tseba nka kgona.” Kafao yena, mothaka yo mogolo ramabelo mogolo, o tabogetše ka mosakong kua. Ga se a fetša seripa sa motsotso. O tlile morago ntle, o rile, “Ga ke tsebe e tšwa kae, eupša ka nnte ke monna.”

²⁴ Gomme feela nako yeo, ke lebeletše mosadimogatša wa ka, ka torong, gomme ka re, “Mosadimogatša, o a tseba, o mphile tlhahlo ya ka ya pele.”

²⁵ Gomme ka gona, le a tseba, ditoro di a segiša. Ke tlile fase go le—le lewatle le legolo, gomme meetse ka kgonthe a be a kgapukana. Gomme raseketswana. . . Bjale, Meda o be a se ne

nna nako yeo, mosadimogatša wa ka. Gomme ka gona, ka go se, ra—ra raseketswana o tllile godimo kua, gomme a nneela seketswana sa dintlhana e ka ba dikgato tše pedi le seripa, dikgato tše tharo botelele. Gomme o rile. . . E be e le se se sešweu ka kgonthe, e no ba polasitiki, le bošweu. O rile, “Seketswana sa gago sese.”

“Oo,” ke rile, “Nka se kgone go kgabaganya, bakeng sa seo, ka go seo.”

²⁶ O rile, “Gabotse,” o rile, “seo se tla kitima dimaele tše masometlhano ka iri, godimo le fase ka tsela *ye*.”

²⁷ Ke rile, “Se ka no, godimo le fase lebopong, eupša se ka se ke ntle *kua*. O a bona?” Ke boletše.

²⁸ O rile, “Gabotse, eya le bona.” Gomme ke lebeletše, gomme mo go dutše Ngwanešu Wood, le Ngwanešu Fred Sothmann, baena ba babedi ba be ba ne nna bošegong bjo ka go lora toro. Gomme ba be ba dutše ka seketswaneng sa dintlha se setala se ne ditlabelo ka go sona, ditlabelo tša go kampa, ditente, le go ya pele. Gomme ba be ba dutše kua. O rile, “Eya le bona.”

²⁹ Ke rile, “Ebile ga se boradiketswana.” Ke rile, “Ke tseba seo.” Ke rile, “Ke nna raseketswana. Gomme ke—ke tseba ka seketswana sa dintlhana, go se swara. Eupša,” ke rile, “ba, ba ka se tsoge. Ba ka se e kgone. Nka se ye ka mokgwa woo, go le bjalo.”

³⁰ “Gabotse,” o rile, “ba a go rata.” Le go re, “O reng o sa ye morago godimo mo le go boloka godimo?”

³¹ Kafao, ke ile morago. Gomme lefelo le lennyane moo re bego re le ntle go lona, lefelo le lennyane la go bitšwa Klondike, e ka ba dimaele tše masomenne go tloga go e ka ba tlhabologo efe, bobolokelo botee bjo bonnyane bja balemirui le dilo. Go be go lebega o ka re e be e le ka Klondike, gomme go tllile gwa ba tabarenekele ye. Ke be ke eme thwi mo. Ke be ke biletša ka gare, mekgobo ye megolo ya dijo tše botsebotse nkilego ka di bona. Diradiše, di lebega boka, dikgato tše tharo botelele; le dithenipi, le ditala, le matapola, le se sengwe le se sengwe.

³² O rile, “Boloka bontši bja tšona ka gare.” Le a bona? Gomme ke be ke eme kua, ke no di boloka ka gare.

³³ Gomme ke ila ka phafoga. Ga se ka kgona go e kwešiša. Ke ile ka nagana e be e no ba toro, le go no tšwelapele. E ile ya tshwenya Ngwanešu Wood le ba bantši ba bona. Kafao, tlhathollo e be e le ye. Ke ile ka swanela go leta, go no swana le ge ke le boditše makga a mantši. Dilo di swanetše go direga pele o ka kgona; dilo tše di itšego tše di e tlišago ka mothalong. Tlhathollo e be e le ye. Ba. . .

³⁴ Re be re letile mošwamawatle. Ngwanešu Miner Arganbright, mogwera wa ka wa hlogo ya kgomo, o be a eya go lefela ditshenyegelelo tša mosadimogatša wa ka le tša ka,

go etela Palestina. Gomme re be re eya go ya ka Switzerland, gomme go ya pele go theogela ka Afrika, le go ya ka lesolong ka June. Gomme mosadimogatša wa ka, le Rebekah, le bona, ka nnete ba be ba kgahlegile go tseba gore ba be ba eya go kgabola Jeremane, Engelane, Fora, le Palestina. Ba be ba swanetše go leta kua go fihla ke phetha lesolo la Afrika, ka gona go ba topa godimo tseleng go boa. Gomme bohle ba be ba le ka tlase ga tetelo ye kgolo. Le nkwele ke re, “Ge Morena a rata,” ka mehla. “Ge Morena a rata, ke nepile go tšela lesolo lela mošwamawatle. Ga ke tsebe tlwa ga bjale.” Kafao ke be ke le letile.

³⁵ Eupša sese e bego e le sona. Mna. Smith yo, George Smith, yo e bego e le mohlahlhi wa ka wa pele ka kua, gomme o be a feta go ka emelana le e ka ba mang wa batho ba baswa ba bego ba le ka nageng lethono, ke go lweng ga gagwe. O be a le mohlahlhi wa ka wa pele, ka go mothalwa wa thapelo. Le a bona?

³⁶ Makga a mantši, ke tliša batho godimo, go na le dipono. Letang. Ya. Ye tee *ye*, pono. Ye tee *yela*, pono. Ga se ya tsoge e šomile gabotse. Bjale, ge la pele ke be ke thoma ntle, ga se ke tsoge ke lese motho. . . Ntle le ge ke hweditše se sengwe ka mothalong, seo se bego se no se be gabotse tlwa, gomme O nkemišitše, Yenamong, le a bona, le go mpotša ka sona, ke be ke eya pele le go rapelela batho. Gomme, nna, di—di dipoelo e be e le makga a lekgolo, gobane ke ya go. . . Ke be ke tla rapelela makgolo a mane goba a mahlano a batho ka bošego botee. Ka tsela ye, mohlomongwe masomepedi tlhano goba masometharo, mohlomongwe e sego bontši bjoo. Mohlomongwe dipono tše lesome goba lesometlhano, gomme ke. . . le swanela go nthwalela ntle, go nyakile.

³⁷ Go ya morago go selo sa go swana gape, le a bona, morago go tlhahlo ya ka ya pele. Morago go tšohle, ga go selo lebaleng se ka tsogege sa emelana le Lona, goba go kgona, le a bona, gobane ke Lentšu. Ga se kereke tsoko ya leina. Ke Lentšu. Le a bona?

³⁸ Gomme ka gona, fao, ka gona le lemoga karolo ya go latela morago ga fao, Meda o tlogile go tšwa torong. Ge ke etla lewatlang, e be e le: go ya mošwamawatle.

³⁹ Bjale, Ngwanešu Arganbright o mpiditše, bošego bjo bongwe, a kgahlegile gohle, gomme o rile, “Ngwanešu Branham, e tla ba maikhutšo a matee a magolo. Ngwanešu Shakarian o be a bile le tlhaselo ya pelo, kafao dikopano tša mošwamawatle di khantshetšwe ntle.” Gomme ba. . . Kopano ya Switzerland, o be a nnyaka ke ye kua bošego botee feela, gomme ke be ke swanetše go ba le kopano ya bošego botee bjoo. Gomme ka moka e be e eya go ba maikhutšo, go no tlhetlha go dikologa godimo ga naga. Oo, e, bjale, e lego ye botse kudu; Ngwanešu Arganbright e no ba yo mokaone, wa Mokriste, mogwera wa ka wa hlogo ya kgomo le lapa la ka.

40 Gomme, eupša, le a bona, se sennyane, seketswana sa dintlhana se sešweu sa polasitiki se a bego a nnyaka ke ye ka gare, e be e le Lentšu la Modimo. Gomme ga go thero ya go lekanela ka go lona, go mpiletša go kgabaganya lewatle. Ke rile, “Huh-uh, e sego leo. Feela bakeng sa leo? Huh-uh.”

O rile, “Gona eya, eya le bona, boka ba eya.”

41 Ke rile, “Ga se boradiketswana, bareri. Nna ke modiredi. Ge ba ile, e tla ba maikhutšo, go felela, ka ditlabelo tša go kampa ka go sona.” Eupša nka se e dire. Ke e ganne. Kafao fao e be e le tlhathollo ya—ya toro. Le a bona?

42 Gomme ka gona Mna. Arganbright o nteleditše, mašego a se makae a go feta, le go mpotša gore—gore ko—ko. . . Nnete, re kwele gore dikopano tša mošwamawatle di khantshetšwe, ka baka la Ngwanešu Shakarian. Gomme ka gona ga go ne. . . Kua, e tee ka Switzerland, ke be ke ne bošego botee feela. Gomme ke. . .

43 Meda o ile a swanelwa ke go mpotša, pele, gore o be a sa nyake go ya. Kafao ke ile ka mo leletša, go tšwa Florida, bošego bjo bongwe, goba Georgia, le go mmošša. Ke rile, “Ngwanešu Arganbright o leditše le go re re swanetše go tloga ka la masomapedi a Mei.”

44 O rile, “Yeo e tšwele. Yeo e tšwele.” Le a bona? “Bana ba tšea meleko ya bona nako yeo. Nka se kgone go ya.” Le a bona, o ile a swanelwa ke go e gana, yenamong, gobane o be a le yo a akareditšwego. E be e le maikhutšo a gagwe. Gomme e be e le fao.

45 Ebile le ditoro, se sengwe le se sengwe, ke sa polelo. Se sengwe le se sengwe se na le se sengwe felotsoko. Kafao, ditoro di ne ditlhathollo.

46 Bjale, go tla morago. . . Nka no bolela gore le kwešiše, gomme se se a gatišwa. Mo tseleng, go tla gae. . .

47 Feela pele ke be nka ya ntle kua, ke ba bakae ba elelwago ke e bušetša mo, Segalontšu sela se tlile go nna, ka kamoreng mosong wo mongwe ka morago ga pono, le go bolela ka, go bolela ka sephente, le ka yona e tlemilwego, le go se boife le ge e ka ba eng? [Phuthego e re, “Amene.”—Mor.] O rile, “Se boife.” O rile, “A Ga ka netefatša go ba le wena kae kapa kae o yago?” O rile, “A Ga ka netefatša go ba le wena maetong a gago a go tsoma?” A le elelwa ge ke le boditše ka se ke bego ke eya go se hwetša, pele ke tloga, le tšohle tšeo? [“Amene.”] Le a bona? O rile, “A Ga ka netefatša go ba le wena?” Nako yeo Segalontšu se sebose ka kgonthe se tlile, se rile, “Bogona bja Jesu Kriste bja go se tsoge bja šitwa bo ne nago kae kapa kae o yago.” Gomme ke a tseba, ka seo, re ya godimo go se sengwe. Ga ke tsebe ke eng. Ga ke kgone go bolela.

48 Go tleng gae, bošego bjo bongwe, goba letšatši le lengwe, goba feela pele ga go tla gae, ke wetše ka ponong. Gomme ke bone

baisa ba bannyane, ba basese, ba be ba lebega boka bašemane ba bannyane, goba se sengwe, ba rwele dikepisana. Gomme re be re eme, re tsoma. Gomme ke be ke thuntše ya šihlankga, bera ye kgolo ya go lebega botsotho. Gomme nako yeo ba retologile go dikologa gomme ba ile go nna, ba rile, “Eupša go ne se sengwe se a gakantšha ka kopano.”

⁴⁹ Ke rile, “Ga go kgathale kgakanego ke eng, ge ke be ke swanetše go ya, kae kapa kae e bego e le, ke tla ya go le bjalo, le a bona. Ga go kgathale.” Gomme pono ya ema. Ga ke tsebe moo ke kae. Eupša, ye e godimo ga theipi. E ya go direga. Le a bona? E nong go elelwa, e ya go direga. Ke pono.

⁵⁰ Kafao, bjale, Lamorena la go latela, ke ya go ba ka Tennessee, Morena ge a rata, Mokibelo wa go latela bošego le Lamorena, le Ngwanešu M. E. Littlefield, ka, oo, ka metsemošate wa church of God godimo ka Cleveland, Tennessee. Ngwanešu M. E. Littlefield, ka kerekeng ya gagwe, ye ke mo gafetšego yona mo, mengwaga ye mebedi goba ye meraro ya go feta, ka Cleveland, Tennessee, Mokibelo wa go latela bošego le Lamorena mosong. E no ba tirelo ya Lamorena mosong feela, ka Lamorena. Gomme mpheng nako, lapa la ka le ya godimo le nna, gomme re boa morago. Ke mo tshepišitše, go tla godimo le go rera gape ka kerekeng ya gagwe. Leo ke Lamorena la go latela.

⁵¹ Ka gona, Lamorena la go latela, Ngwanešu Arganbright o ya go ba mo le Ngwanešu Rowe, raditplomata yola wa Washington, yoo a bilego, o diretše ka tlase ga dipresitente tše tharo goba tše nne. Ba tlile go ba mo ka Lamorena leo, gomme ka seswantšho se seswa. Ke nyaka yo mongwe le yo mongwe a leke go ba mo, ge go kgonega, bakeng sa nako yeo. Ke nyaka go ba mo, nnamong.

⁵² Lamorena la go latela ke Paseka. Re letetše kopano ye kgolo mo, Paseka. Morena ge a rata, ke nyaka go ba mo Lamorena la Paseka. Bakeng sa . . . Gomme re ne tirelo ya go hlaba ga letšatši, bjalo ka mehleng. Kolobetšo, lena bohle le yago go kolobetšwa, Leineng la Morena wa rena Jesu, e ba mo bakeng sa Lamorena. Gomme e letetšwe, goba go bolelwa, lebakana la go feta, ka gore ga re ne sekgoba sa go dula, re ka no tšea Boy’s Club, e dudiša makgolo a šupa goba a seswai, feela godimo mo, thwi tikologong, tlelapo ye mpsha go rarela sekhutlo mo, go tla morago tlase mo bakeng sa tirelo ya kolobetšo ka morago. Le go boela morago godimo kua, gore yo mongwe le yo mongwe a kgone go ba le madulo a boiketlo bakeng sa moso wa Paseka. Re ya go leka go lebelela ka yona, beke ye, le go hwetša ntle.

⁵³ Ka gona tirelo ya go latela, e thoma go tloga nako ye go ya pele . . . Ke tloga mo ka la masomepedi- . . . ka la masomepedi tlhano goba masomepedi tshela la kgwedi. Gomme ka gona la šupa . . . la tshela, la šupa, la seswai, le la senyane, le la lesome, ke ile kgole morago godimo go . . . ka ntle ga Van- . . . goba

Victoria Island, moragorago magareng ga Maindia tsoko, mo o swanetšego go ya ka seketswana, go fihla go bona.

⁵⁴ Mogwera wa ka yo monnyane wa moromiwa, ngwanešu, ke be ke na le yena lehlabula la go feta go leeto la go tšoma. Gomme go tšwa legaeng la go ratega, yena le mosadimogatša wa gagwe. Gomme matsogo a gagwe, se sengwe le se sengwe, sohle ga sa butšwa, mafelo a go fapana. Gabotse, seo ke se e bego e le sona. E be e le go tšwa go matsetse, ditšhikidi le dilo, le a bona, tšeo ba phelago go tšona ntle kua, moo ba bego ba swanetše go phela ka le ge e ka ba eng, magareng ga Maindia ale. O be a tlišitše ba bangwe ba bona godimo kopanong, kgoši. Bohle ke Makatoliki, bohle ka go direga. Gomme Moya wo Mokgethwa o ile go theoga go kgabola kua le go topa ntle kgoši yela, le bohle bao ba bego ba na le yena, le go fodiša yo mongwe le yo mongwe thwi fao ka kopanong. Gabonolo ba nno tšhuma lebopo lela, godimo le fase, ka diketswana tša bona di eya ntle. Ke barei ba dihlapa ba bagwebi, godimo le fase lepong. Gomme Ngwanešu Eddie o a bitša, gomme ke ne maikutlo a manyane go ya, le a bona, go ya godimo kua.

⁵⁵ Gomme ka gona re tloga kua, le go ba le mosepelo wa letšatši le tee go tloga kua, le go ba le mašego a mabedi goba mašego a mararo ka Fort St. John. Moo ke tsela godimo ka tselalephefo ya Alaska. Gomme mašego a mabedi kua.

⁵⁶ Ka gona, go tlang gae, gomme go . . . Ke a nagana ke la šupa, la seswai, la senyane le la lesome la June. Bjale, lefelo šele mo le ka kgonago go ya bohle, go dikopano tše mo, e tla ba Southern Pines. Le tseba ngwanešu yo a filego sengwalwa godimo se sekaone bjalo mo, e sego telele go fetile. Etse gape, o nthometše dikgatišobaka tše dingwe gape. Ke be ke swanetše go be ke tlile natšo. Ke tla ba le tšona mo Lamorena la go latela, Morena ge a rata. Gomme moo ke ka Southern Pines, e ka no ba, oo, go otlala diiri tše tshela goba seswai go tloga mo, Southern Pines, Carolina Leboa. Goba, ke Carolina Borwa? Carolina Leboa. Ya. Yeo ke nnete. Ka gona, nnete, ka gona re tla tloga mo ka la lesome.

⁵⁷ Gomme ka la lesometee le la lesomepedi, le Ngwanešu Bigby ka Columbia, Carolina Borwa. Gomme yoo ke monna, Mopresbyterian yo a ngwadilego athekele. Go nna, e ntiteile bokaone kudu go feta e ka ba eng ba kilego ba e ngwala ka nna. O be a le Mopresbyterian, ngaka ya bokgethwa. Gomme o tlile ka Chicago gomme a ngwala athekele. Ka . . . Ke a lebala e be e le eng bjale. E be e le ye botse ka kgonthe. Ke nayo felotsoko, le ka gare ga kgatišobaka. Se sengwe ka “Mopresbyterian, a kopana ka Pentecost,” goba se sengwe go swana le seo, “moprofeta wa pentecostal go Mopresbyterian,” se sengwe. Gomme e tla ba le yena.

⁵⁸ Ka gona, bošego bja go feta, re beditše Ngwanešu Roy Borders, yo a šetšego a le ka Lebopong la Bodikela. Gomme go

na le ba bangwe ba batho ntle kua ba dikereke tša bontši bja masometharo tlhano le masomenne go dirišina ka dikopanong; Sedalia, California; le godimo ka Grass City, gomme go tloga fao. . . goba Grass Valley, a ke re. Gomme go tloga fao, go ya pele Oregon; go ya pele godimo ka—ka Washington.

⁵⁹ Gomme ka gona Ngwanešu Arganbright, go tlang ka gare, re a ya, re beakanya bjale, bekeng ya mafelelo ya Julae, go ba ka Anchorage, Alaska, go beakanya lefapa kua la Banna ba Kgwebo ba Bakriste, go latela tsošeletšo ya e ka ba a tshela goba matšatši a seswai ye ke holofelago go ba le yona, yela ye thata, ya makgwakgwa Alaska. Le tseba ka fao e lego, feela baepi le borameepo. Gomme kolobe le mae di tura e ka ba ditolara tše tharo le disente tše masomethano poroto. Ke—ke lefelo la makgwakgwa ka kgonthe, eupša ba hloka Ebangedi.

⁶⁰ Bjale, se ke ikemišeditšego go se dira, ke, dilo tše ke di rutago godimo mo, go boloka godimo Dijo tše le go di ntšhetša ntle, ke nyaka go ya bjale. Ga ke ne tlhahlo ya thwi go ya le ge e ka ba lefelong lefe, eupša ke a ya, go bjala dipeu, di rometšwe felotsoko, thomile.

⁶¹ Mosadimogatša wa ka, o mo felotsoko. O hweditše lengwalo go tšwa go mohumagadi godimo mo ka Illinois letšatši le lengwe. Le nno tuka ka soulong ya pelo ya ka. Mohumagadi yo o rile, “Kgaetšedi Branham,” o rile, “ga go pelaelo eupša gore makga a mantši, le go theoga go kgabola, ge e sa le o nyalwa, gore o swanetše go tlaišega kudu, Ngwanešu Branham ge a sepetše, go ba le bana bao.” Gomme o rile, “Bana, nnete, ba llela tatabo le go ya pele.” Gomme o rile, “Ke tseba se o se rago, gobane ke ne monnamogatša wa go ratega, nnamong.” O rile, “Eupša, ke go botša seemo sa ka.”

⁶² O rile, “Ke—ke bile le dikaro tše nne tše kgolo, mengwaga ye mene ya go feta.” O rile, “Ke tšea e ka ba, diokobatši tsoko tše lesomenne goba lesometshela ka letšatši.” Gomme o rile, “Ke tšea ditšhwana tša Lexron tše tharo tša go fapana, le go ya pele, ka beke.” Gomme o rile, “Ke bea mkgobo wa dipilisi tša boroko, gomme selo sa moragorago, le go homotša megalatšhika. Gomme tšona ditšhwana, ke tšea bontši bja tše pedi, bobedi bja dipilisi tša boroko bošego, gomme ga ke kgone go robala.” Gomme o rile, “Ngaka ya ka o mpoditše gore ke ye lefelong la digafa pele nka se kgone go boa. Go ka ba le kholofelo gore nka kgona go boloka monaganano wa ka.” Gomme o rile, “Gomme ga go selo ka lefapeng la dihlare le ge e ka ba kae se ka kgonago go nkgwatha.”

⁶³ Gomme o rile, “Ke lebeletšepele go ipolaya, ke a go beakanya, go tlogela monnamogatša wa ka wa go ratega le mosetsana wa ka yo monnyane.” O rile, “Re dula ka Kansas. Ke a e rata, ka gobane ke bona leroro le a butšwa, gomme ke nagana ka puno.”

64 Ke nagana o be a le Momethodist. Gomme o rile moo... Gomme ka gona, godimo ka go kholetšhe ya Methodist ka Bloomington, Illinois, ba topile pampiri, gore ke be ke eya go ba kua, dikgwedi tše lesometee tša go feta. Bontši bja lena le elelwa kopano ya Bloomington. Le be le le kua.

65 Gomme o rile, “Monnamogatša wa ka o ntšere, le bagwera tsoko, gomme ra tloga.” Gomme o rile, “Morena o tsebile ke be nka se se kgotlelele letšatši le tee gape.” Bokgolo bjoo o be a ile. Gomme o rile, “Ke bile motho wa pele. Morwa wa gago, Billy Paul, o mpha karata. Gomme bošegong bjoo, ge wa gago—wa gago monnamogatša a bitša dinomoro, ke bile wa pele ka mothalong, go rapelelwa.” Gomme o rile, “Ka pejana ge ke etla sefaleng,” o rile, “o mpoditše bophelo bja ka le go mpotša tše ke di dirilego, le e ka ba eng tšohle ka yona, gomme a re, ‘GO RIALO MORENA, go fedile.’” O rile, “Wona motsotso woo wa lebelobelo, ga se ka ba le bohloko bjo bongwe.” O rile, “Ke be ke imela diponto tše masomešupa le metšo. Ke imela lekgolo le masometshela le metšo bjale.” Gomme o rile, “Kgaetšedi Branham, ge o le bodutung,” o rile, “ke tseba ka mo o ikwang, go abelana monnamogatša wa gago le lefase, le dilo boka tšeo. Eupša,” o rile, “e no elelwa, mosadimogatša ntlo yo monnyane wa Kansas o lokologile lehono, gobane o ratile go fa Morena šedi.”

66 Ke laeditše Billy. Ke rile, “Billy, ke go nyaka o romele le godimo go kholetšhe yela ya Methodist.”

O obeleditše godimo le go tšea mokgobo, a re, “Bala a mangwe a a.”

67 Ke rile, “Ke a tseba. Ke a tseba a makatša, eupša le tee le le lekane. Se se nno bea lefelo.”

68 A le kwele seo? “‘Ditšhila! Ditšhila!’ Meoya ye mebe e mo rakile,” le a bona, go tšwa monaganong wa gagwe go felela, “ntle ka mabitleng. Ge Jesu a tlile, O lokolotše mathopša.” Gomme Jesu ke Lentšu. Kafao, tšea Lentšu, gomme Le tla lokolla mathopša.

69 Mo ke a bolela, ke tšea nako ya ka godimo, ke tšea nako ya lena godimo, le bontši go bolela.

A re inamišeng dihlogo tša rena.

70 Morena, bjalo ka ba ba hwago, re a tseba ga re ne nako ye ntši go feta go bolela. Ge ke lebelela ntle godimo go se sennyane se, sehlopha sa baeti sa dipelo tša go swarwa ke tlala sa go tšwa tšhemong, go tšwa temong, ba bangwe ba bona ba tšwa mešomong ya setšhaba, go tšwa go šoma. Gomme ba bangwe ba bona ba oletše go kgabaganya dithaba, maganata, le mašemo le dirorobja, le go kgobokana mo, gona ba swanetše go ema. Eupša ke baeti. Ga se ba lefase le. Ba no ba mo bjalo ka mabopaki, bjalo ka mabone ao a beilwego thabeng, a fago Seetša ka setšhabeng moo ba phelago. Gomme ka gona ge ba etla mmogo, go tla go

neelwagape, le go tšhatšhwa ka Lentšu, ba a ema, ba kerempha maoto a bona, gomme ba—ba batšofe le baswa, go swana.

⁷¹ Ba a Go rata, Morena. Ke ka baka leo ba lego mo. Mang kapa mang o a tseba motho a ka se tle, le go otlela dimaele, le go ema go bapa le maboto, a itshamile, le maoto a kerempha, go no tla go bonwa. Gomme le sehlopha se, Morena, re—re batho ba go diila. Ga re tle ka seaparo se sebotse. Re tla mo go Go rapela. Morero wo motee ka pelong ya rena, maikemišetšo a matee le maikaelelo a matee, ke Wena, Morena.

⁷² Ke a rapela, Modimo, gore O tla ba putsa wa go huma. A nke go se be yo motee a fetago go kgabola mejako ye, lehono, eupša yo a tla bago le Bophelo bjo Bosafelego. “Gona ditapišego tša tsela di tla bonala e le lefeela, ge re fihla bofelong bja tsela.” Ge ba babja, ba fodiše, Morena.

⁷³ Gomme bjale re nno bolela ka dikopano tše dingwe, goba ntle le go tseba ka nnete, gona ke a ya, ge e le thato ya Gago, go no gaša Dipeu. Di tla tla godimo, ge Di ka wela mobung wa maleba. Ke a rapela, Morena, gore O tla Di šupetša mobu woo wa maleba.

⁷⁴ Go robetše mo sefaleng, goba phuluphithi, ke swanetše go be ke rile, mo mosong wo, ke disakatuku, diphasele tše nnyane. Go ra gore batho ba a babja, ba a hloka. O Modimo wa Legodimo, Yo a tsošeditšego Kriste godimo go tšwa bahung le go Mo neela go rena ka go letšatši le la mafelelo, ka sebopego sa Moya wo Mokgethwa, a nke Yena Yo e lego motlalagohle a lebelele fase; motsebatšohle, a tsebago dilo tšohle; mokgonatšohle, ramaatla ohle. A šetše godimo ga diphasele tše nnyane tše. Gomme a nke tšona, ge di kgwatha balwetši le batlaišegi, a nke Moya wo Mokgethwa o phediše thapelo yela go ditsebe tša Modimo, gomme a nke ba fodišwe semetseng.

⁷⁵ Morena, nagana ka mosadi yo monnyane yola wa go šokiša. Ke sa tšwa go tšopola bopaki bja gagwe, “Ntle kua ka Kansas lehono, o thabile, ga go bohloko. Ga go ngaka e ka kgonago go hwetša e ka ba eng sa phošo ka yena. Ga go sa ne mahloko, ga go sa ne diokobatši, ga go sa ne dipilisi tša boroko; o robala gabotse le ntle le go hlobaela. Se sengwe le se sengwe se gabotse.” O Morena, therešo, ge O etla, se sengwe le se sengwe se gabotse nako yeo. Re Go leboga ka seo.

⁷⁶ Bjale, Tate, ge re retologela go Lentšu, šegofatša Lentšu la Gago. A nke Le se boele go Wena le le feela, eupša a nke Le phethe seo Le se reretšwego le go gafelwa go sona. Go la Jesu Leina re a se kgopela. Amene.

⁷⁷ Bjale, a le kgona go kwa gabotse, yo mongwe le yo mongwe? Morago ka morago, go lokile? Ke efe ye kaonekaone, ge ke bolela ka mokgwa *wo*, goba go bolela ka mokgwa *wo*? Godimo *mo*, lehlakore le godimo mo go kaone? A go kaone go lena morago kua? Go lokile, ke tla goga wo go dikologa mo, kgauswiuswi gannyane gona.

⁷⁸ Lamorena la go feta, ke beke, ke—ke bile thari gannyane, ke bile le tirelo ye telele kudu. Ga ke rate go ba ka tsela yeo. Gomme bjale, gatee ka lebakana, go ka se nthswenye nthathana, ge yo mongwe a dutše fase, a bona bao ba emego, a nyaka go fetola mafelo le bona, lebakana le lennyane, go ba khutšiša. Yeo e tla ba tiro ye kaone kudu ya Bokriste. Gomme bjale, bjale, mohlomongwe, ka—ka Paseka ye, re ka no ba le lefelo le lengwe go swara ti—ti—ti tirelokgolo.

⁷⁹ Bjale re nyaka go phetla, mosong wo. Bohle lena mašole tšeang ya lena—ya lena Tšhoša bjale, gomme re ya go hlakiša ntwa go lenaba. Re be re fela re opela pina ye nnyane le a tseba.

Ntwa e hlakile, O lešole la Mokriste,
Sefahlego le sefahlego ka kgakganongkgolo.

Le kwele pina.

Ditlhamo di a pekenya, mebala e ela,
Go nepa le go fošagala di swarane lehono.

Le a bona? Yeo ke nnete.

Ntwa e a kgatlampana, eupša se lape,
Tia gomme tiiša ka maatleng a Gagwe;
Ge Modimo a ne rena, folaga ya Gagwe godimo
ga rena,
Re tla opela pina ya mofenyi mafelelong.

⁸⁰ Yeo ke nnete. Re nyaka go phetla bjale go, pele, go bala palo ya Lengwalo le hwetšwago ka go Mokgethwa Johane 10, ditemana tša pele tše tlhano.

Ruri, ruri, Ke re go lena, Yo a sa tsenego lešakeng la dinku ka mojako, eupša a namela ka tsela ye nngwe, wa go swana ke lehodu le mohlakodi.

Eupša yo a tsenago . . . ka mojako ke modiši wa dinku.

Moletamojako o a mmulela; gomme—gomme dinku di kwa segalontšu sa gagwe: gomme o bitša dinku tša gagwe mong ka leina, gomme a di etapele go ya ntle.

Gomme ge a beile pele dinku tša gagwe, o sepela pele ga tšona, gomme dinku di a mo latela: ka gobane di tseba segalontšu sa gagwe.

. . . mosetsebje di ka se mo latele, eupša di tla mo tšhaba: ka gobane—ka gobane ga di tsebe segalontšu sa basetsebje.

⁸¹ Bjale, thuto mosong wo, yeo ke kgethilego go ruta ka yona lebakana le lennyane, ke: *Bohlale Thulanong Le Tumelo. Bohlale Thulanong Le Tumelo.*

⁸² Bjale, go ne methopo ye mebedi feela, goba ka methopo ye mebedi, ye re swanetšego go phela. A le be le tseba seo? Bjale re . . .

⁸³ Ke na le Mangwalo a mantši a ngwadilwe fase mo. Gomme ke le nyaka . . . Go molaleng re tla šupa go wona, ge re eya mmogo. Gomme—gomme ke tla leka go tšwa ka pela ka mo go kgonegago. Le go se leke go . . . Go no e bea ntle, gore le kgone go e tšea go tloga moo go ya pele. Le a bona?

⁸⁴ Eupša go ne methopo ye mebedi feela ye re ka kgonago go goga bophelo bja rena go tšwa gona. Gomme o motee wa yona ke bohlale, gomme wo mongwe ke tumelo; gomme ge re nagana se bohlale bo se tšweletšago, gomme ka gona se tumelo e se tšweletšago. Eupša, methopo ye mebedi yeo, re ya morago mosong wo le go e topa godimo bakeng sa thuto ya sekolo sa Lamorena, le go e tliša godimo go tšwa Beibeleng; le go laetša se e lego, le se e yago go se dira, le se e se dirilego, ka thušo ya Morena.

⁸⁵ Bjale, tumelo le bohlale. Bjale, sa go thoma, re tla hlokomela, gore, ka go Genesi, tema ya 1, re hwetša gore—gore tumelo e tsebišitšwe, le bohlale bo tsebišitšwe. Gomme, lehono, yona methopo ye mebedi e sa tsebišwa go morafe wa batho. Re hwetšwa ntle, gore, Modimo e be e le Mothomi wa tumelo, go dumela, go batho go dumela le go tshepa Lentšu la Gagwe. Gomme Sathane ke mothomi wa bohlale, go leka go dira batho go amogela bohlale bja gagwe, le go ba gogela kgole go tloga go tumelo ye e lego ka go Lentšu la Modimo. Methopo ye mebedi yeo.

⁸⁶ Re e hwetša go se tlwaelege kudu gore Genesi, tema ye ya peu, e thoma ka tsela yeo. Gomme re a bona gore dilo tšohle tše re nago natšo, lehono, setlogong di thomile ka go Genesi, gobane lentšu *Genesi* le ra “mathomong.” Gomme ge re bona dilo tše re lego tšona, lehono, tsela ye di lego, di ile tša swanela go ba le mathomo felotsoko. Le tla swanelwa ke go kitimiša se sengwe le se sengwe morago go ya mathomong.

⁸⁷ Gomme mogopolo wo monnyane šo go wena. Se sengwe le se sengwe se se bilego le mathomo, se ne mafelelo. Eupša ke dilo tše di sego tša ke tša ba le mathomo, tše di se nago mafelelo, dilo di nnoši tše e lego tša Gosafelego.

⁸⁸ Kagona, ke rata go botšiša potšišo. Re ka tsoge ra kgona bjang go dira kgopolo go tšwa go “bomorwa bja Gosafelego bja Modimo”? Ge A be a le Morwa, O bile le mathomo. Ge A be a le Morwa wa Gosafelego, go ka kgonega bjang A be Morwa gomme a be Gosafelego? Kagore, *morwa* ke—ke setšweletšwa sa se sengwe. Eupša, ge A be a le—A be a le, a ka se kgone go ba Morwa wa Gosafelego. Ga go selo se sebjalo, “Morwa wa Modimo wa Gosafelego.” Gobane, ge A—ge A se a tsoge a ba le mathomo, gona A ka se tsoge a eba selo eupša Gosafelego. Eupša, ge A be a le Morwa, O bile le mathomo, kafa A ka se kgone go ba Morwa wa Gosafelego.

⁸⁹ E be e le Modimo wa Gosafelego a bonagaditšwe ka go Morwa. Uh-huh. Le a bona? Modimo wa Gosafelego, gobane Modimo ke selo se nnoši e lego sa Gosafelego.

⁹⁰ Gomme tsela e nnoši ye re ka tsogego ra phela ke ka gobane re na le Bophelo bjo Bosafelego. Mmele wo o a hwa, dikarolo tšohle tša rena di a hwa. Eupša karolo ye e lego Gosafelego ke Modimo, gomme ga e kgone go hwa. Bjale, bjale, Lentšu, Beibele, ke la Gosafelego, gobane Ke Modimo ka sebopego sa Lentšu. Gomme se se bego se le ka go Modimo, ka menaganong ya Gagwe, pele go be go le Lentšu le le boletšwego, e be e le Modimo. Le a e bona? [Phuthego e re, “Amene.”—Mor.] E be e le Modimo. Kagona, ka go kgethelwapele, rena ba re lego; re re “rena,” ke a tšhepa ke mmogo le lena lena bao le kgethetšwegopele; le be le le di—di dilo tše di bego di le le Modimo ka go Gosafelego.

⁹¹ Gomme ka gona, ge o le ngwana wa Modimo a tswetšwego gape, wena o, gomme o na le Moya wo Mokgethwa ka go wena, o diponagatšo tša Lentšu la Modimo le le boletšwego pele Le be le ka ba Lentšu. Le swanetše go ba monagano pele le ka kgona go ba Lentšu. Lentšu ke monagano wo o boletšwego. Gomme menagano e be e le ka go Modimo, gomme ka gona re be re le ka go Modimo ka go Bokagosafelego, gomme re boletšwe go ba gona ke Lentšu. Oo, ke eng. . . Ka Lentšu lefe? Lentšu *le*, Lentšu la Modimo.

⁹² Bjale, Modimo ke Mothomi wa tumelo. Sathane ke mothomi wa bohlale. Ka gore, Modimo o file bana ba Gagwe ba pele Lentšu la Gagwe, le go ba botša ba swanetše go dumela Le; le go bea lehu, karogano, kotlo, ge ba šitwa ke go Le dumela.

⁹³ Gomme Sathane o tla go dikologa le go leka go neela Efa, bohlale, “O tla ba bohlale, go tseba go nepagala go tšwa go go fošagala, boka Modimo.” Bjale, le a bona, sa go thoma, le bona thwi ka pela gore bohlale bo tšwa go diabololo. Seo se a tla, a ga se? Eupša ke ditherešo. Bohlale bo tšwa go diabololo. Ke yena mothomi wa bohlale.

⁹⁴ Bjale, ka nnete, eng kapa eng yeo diabololo a nago nayo, ke phapošo ya sa setlogo. Sebe ke phapošo, phapošo ya toko. Bootswa ke phapošo ya—ya tiro ya semolao. Maaka ke phapošo ya therešo.

⁹⁵ Gomme ka fao bo—bo bohlale bjo ke le nyakago le otlolלה go bjona ya, pele re thoma. Go ne bohlale bja Modimo, bohlale bja Modimo, ke, go dula le Lentšu la Gagwe. Eupša Sathane, ka bohlale bja gagwe, o lekile go phetla Lentšu, kafao bjo ke bohlale bjo ke bolelago ka bjona.

⁹⁶ Go na le bokaalo bjo bo itšego bja tumelo bjo bo yago le Sathane. Gore o—o amogele Sathane, o swanetše go dumela Sathane, kafao go ne tumelo ye e fapošitšwego go selo se se fapošitšwego. Gomme e ka ba eng ye e ka lekago go phetla Lentšu la Modimo, go Le dira go bolela se sengwe Le sa se, ke moya wa

go fošagala, le a bona, go neela bohlale kgahlanong le bohlale bja Modimo. Kafa, re ya go bo bolela bjalo ka bohlale, gomme e sego tumelo ya Sathane.

⁹⁷ Bontši bja batho bao ba dumelago bjoo, ba hlokofetše, gomme ba a dumela, feela ka tumelo yohle ba nago nayo, gore ba ne nnete. Le a bona? Le swanetše go hlokomela. Lepae le ngangega ka ditsela tše pedi bjale. Eupša, o, bona ba . . . Tsela e nnoši go ba le nnete, ke go tla morago go Lentšu la setlogo. Moo ke mo se sengwe le se sengwe se theilwego, godimo ga Lentšu.

⁹⁸ Bjale, re a hwetša gore maphakga a mabedi a, goba methopo, ke: wo motee, bohlale; gomme wo mongwe, tumelo. Gomme a a thulana seng sa ona ge e sa le go tloga tlholong, ka serapeng sa Edene.

Bjale, go ne bana ka mahlakoreng ohle.

⁹⁹ Bjale, ke eng—ke eng bohlale bjo re boelago ka bjona? Se sengwe se se ka se dumelego gore Lentšu le lohle ke Therešo. Ke se sengwe se se tla tlošago go tšwa go Therešo, se itlhagiša sonamong bjalo ka tsebo ya godimodimo, bohlale bjo bontši. Gomme ge bohlale bja mohuta woo bo etšwa go Sathane, bana ba gagwe ba phela ka bohlale bjoo.

¹⁰⁰ Gomme ge tumelo ya Modimo e tlile ka Modimo, gomme Modimo ke Lentšu, bana ba Modimo ba phela ka tumelo. Beibele e rile, “Moloki o tla phela ka bohlale”? [Phuthego e re, “Aowa.”—Mor.] Tumelo! “Moloki o tla phela ka tumelo.” E sego se a ka kgonago go ithuta, eupša se a ka kgonago go se dumela. Go lokile.

¹⁰¹ Bjale, bjale re hwetša ntle. A re tšeeng bohlale, pele. Bohlale bo ne go fa mabaka. Tumelo ga e ne go fa mabaka. Eupša bohlale bo ne go fa mabaka. A re nong go thoma go phetla ka Beibeleng, gomme a re phetleng go Genesi bjale, tema ya 3 ka go Genesi, le go no ruta se.

¹⁰² Bjale re dira eng, re leka go dira eng mosong wo? Go latela se Morena a se boletšego, “Bea Dijo godimo.” O ya go Di hloka, le lengwe la matšatši a. “Bea Dijo godimo.”

¹⁰³ Bjale, Genesi 3:1, a re baleng bjale, re bone ka mo bohlale bo nago le go fa mabaka.

Gomme sephente e be e hlalefile kudu go feta diphoofole tšohle tša naga tše MORENA Modimo a di dirilego. Gomme ya re go mosadi, Ya, a Modimo o rile, (ke a dumela, go bolela Lentšu), Le se ke la ja mohlare wo mongwe le wo mongwe wa serapa?

Gomme mosadi o rile go sephente, Re ka ja dikenywa tša mehlare ya serapa:

Eupša . . . dikenywa tša mohlare wo o lego gare ga serapa, Modimo o rile, Le se ke la e ja, (go tsofola Lentšu), e bile le se e kgwathe, gore le se hwe.

104 Bjale, tumelo e swareletše go Leo. Le a bona? Bjale šetšang.

. . . sephente e rile go mosadi, Ka nnete le ka se hwe:

105 Lebaka, go fa mabaka. “Modimo o lokile kudu. Modimo o ne kgaogelo kudu. O le rata kudu.” Le kwa diabolo wa kgale wa go swana lehono. “Modimo o lokile kudu go ka dira se. Modimo a ka se dire se. Modimo a ka se otle.” O tla dira feela tlwa se Lentšu la Gagwe le rilego O tla se dira. Le a bona?

106 “Ka nnete le ka se hwe.” Le a bona? O leka go dira eng? Go mo dira a fane mabaka le yena. Mo motsotsong wo o fanago mabaka le Lentšu la Modimo, nako yeo o loba tumelo. Le a bona? O se be le “ee, bo aowa, mohlomongwe bjalo.” Dula thwi le Lona. Le a bona? Efa o bile le go batamela ga maleba, eupša o theeditše go fa mabaka ga gagwe.

107 Go no ba batho ba bantši lehono ba ba nago le tsebo ya maleba, ba ba tsebago gore Lentšu le le swanetše go ba Lentšu la Modimo, gomme Ke Lentšu la Modimo, eupša ba ema le go dumelela moithuti tsoko wa seminare go ba fa mabaka go tšwa ka go Lona, go ya kgole le Moya wo Mokgethwa, go ya kgole le dilo tša Modimo. “Go fa mabaka, re swanetše go go lahla fase.”

108 Bjale, tema ya 4.

Ka gore . . .

Ke ya go le botša gobaneng Sathane a boletše. Ke tla bala temana ya 4, pele, morago yona ya 5.

Gomme sephente e rile go mosadi, Ka nnete le ka se hwe—hwe:

Ka gore Modimo o tsebile gore ka matšatši a le se jago, nako yeo mahlo a lena a tla bulega, gomme le tla swana le badimo, la tseba botse go tšwa go bobo.

109 Le a bona, o mo fa lebaka. “A o tla nyaka go lekana le Modimo? Tšea . . .” Ka mantšu a mangwe, “O nyaka ka kgonthe go loka le Modimo? Tšea keletšo ya ka. Ntheetše. Modimo ga a re Seo. O be a no se ke.”

110 Ge o ekwa seo, eya kgole go tloga go sona. Yeo ke nnete. Ke go tswinya ga sephente. E kwagala e hlakile. Eupša o se fe mabaka, le gannyane. E no e dumela, se Modimo a se boletšego. Bjale, ge mo . . .

Gomme ge mosadi a bone gore mohlare o be o lokile bakeng sa dijo, . . .

111 Le bona se e bego e le? Go feng mabaka ga gagwe go mo tlišitše go tseba gore e be e le nnete, e be e le therešo.

. . . gomme o be o kgahla mahlo, gomme mohlare wa go kganyogega . . .

112 “Go dira yo motee go ba le tumelo”? [Phuthego e re, “Aowa.”—Mor.]

. . .go dira yo motee go ba le tsebo, go dira yo motee go hlalefa, . . .

113 Le bona se o bego o le? Sathane a neela tsebo, tsebo ye e bego e le kgahlanong le Lentšu, “e tee e dirago yo motee go hlalefa.”

. . . o tšere kenywa . . . gomme a ja, gomme gape a fa go monnamogatša wa gagwe le yena; gomme a ja.

Gomme mahlo a bona bobedi bja bona a bulega, gomme ba tsebile gore ba be ba sa apara; gomme ba rokaganya matlakala a mogo mmogo, gomme ba itirela dithethwana bonabeng.

114 Bjale, ke eng e e thomilego? Go fa mabaka. Le a bona? Tumelo ga e ne go fa mabaka. Ga o fe mabaka, le gatee. O a dumela. Ge o rapelelwa, gomme wa amogela Lentšu la Modimo bakeng sa phodišo, o se fe mabaka le maikutlo a gago. O se fe mabaka le selo gape. Ga go go fa mabaka go yona. Modimo o boletše bjalo, gomme seo se a e rarolla.

115 Oo, ka mo ke ratago go ema mo metsotso e se mekae, le go khutša go seo, le go tšea sehlogo go tšwa go sona. Nka se kgone go se dira, le go rera tše, e ka ba ditemana tše masomenne goba masometlhano ke natšo di ngwadilwe fase mo. Eupša go fa mabaka . . .

116 Ge Morena a efa pono . . . Ke tla no le botša, tsela ya ka mong ye nnyane ya bogotlane. Morena o fa pono ya se sengwe se eya go direga, gobaneng, ga ke tshwenyeye ke eng e lego kgahlanong le yona.

117 Gomme elelwang, se sengwe le se sengwe se ka neelwago, go fapana, Sathane o tla se dira. O tla leka go fa mabaka, “O ka se kgone go se dira.”

118 Mohlala, seo ke sa tšwago go se tsopola metsotso e se mekae ya go feta, ka go ya . . . Bjale, se se be se le mohuta wa go tšwa mmileng wa go itiwa. Feela pele mme wa ka a ile. Gomme Morena o tsebile ke be ke sa ye go kgona go boloka dipeelano tšeo le baena bale, ka go ya go tsoma. Gomme a fa pono, le go nthoma tsela yohle go ya ka British Columbia.

119 Gomme ge re fihla kua, mohlahli o rile, “Ga se ka ke ka tsoge ka bona ntlhasilibere. Ke phetše mo bophelo bjohle bja ka. Gomme ntle le fao, re ya thwi godimo ka go naga ya dinku, godimo ga dipere. Ga go ntlhasilibere. Ga go . . . Ga o ye go e hwetša godimo kua.” Le a bona? Le a bona? Go leka, le a bona, go leka go tloga go ya kgole; go fa mabaka.

120 Sathane o rile go nna, “E tla ba, o nno—o nno se kwešiše pono.”

121 “Eupša ga se ke. E ya go ba. GO RIALO MORENA.” Gomme ge tshepe e nakadimaphakga e etla godimo, gomme re hweditše yeo, e bego e le ka ponong, bjalo ka ge bohle le tseba.

122 Ka gona o rile, mohlahlali o rile go nna; ngwanešu yo mokaone kudu, go ba le yena bjale ka dibekeng di se kae, Mokriste yo moswa. O rile, “Ngwanešu Branham, ngwanešu wa ka o bile le dihwahwa. Gomme o nametše godimo ga pere yela letšatši lela, le go mpotša go dira selo se se itšego, gomme tša wa ka ‘ngwanešu dihwahwa di be di tla kgaotša.” O rile, “Ge ke dirile tlwa se Moya wo Mokgethwa o go boditšego go mpotša,” o rile, “ga se a tsoge a ba le tsikitlano, go tloga letšatši leo.”

123 O rile, “Bjale ke rena ba, godimo ga thaba ye. Gomme bakeng sa dimaele tše tharo thwi fase, ebile fao ga go sethokgwa diintšhi tše nne bogodimo. Ga go selo eupša mmalewaneng wa tshepe ya dinakamaphakga, le mahlatswabolou a se makae, gomme a no fihla feela bogodimo bja diintšhi tše pedi goba tše tharo.” O rile, “Mmalewaneng wa tshepe ya dinakamaphakga le mahlatswabolou, thwi go mothalo wa dikota, gomme dipere tša rena di be di kgokilwe ka go mothalo wa dikota. Gomme bjale, go ya ke se o mpoeditšego pele re etla mo, gore, felotsoko gare ga mo le fao mošemane a emego, a apere hemepe yela ya magwadigwadi, o ya go bolaya bera ya tšhitšhiboya ya ntlhasilibera ya dikgato tše senyane.”

Ke rile, “Seo ke GO RIALO MORENA.” Le a bona?

E be e le eng? Sathane a leka go ntira go gosedumele seo.

124 Re ile ra thoma go theoga thaba. Bokgauswiuswi ge re be re fihla, o tšwetšepele a re, “Ngwanešu Branham, re no ba e ka ba maele go tloga go yona bjale.”

Ke rile, “A o a belaela, Bud?”

“Aowa le gatee.”

125 Re fihlile bokagare bja e ka ba seripa maele. O rile, “Re no ba seripa sa maele bjale.”

126 Ke rile, “Yeo ke nnete.” Ke rile, “E no nagana, ka go seripa sa maele!” Go rakela fase go fa mabaka.

127 O rile, “Lebelelela. Re kgona go bona se sengwe le se sengwe thwi pele ga rena. Ga go selo ntle kua.”

128 “Eupša,” ke rile, “Modimo Yo a mphilego Lentšu a ka kgona go hlola e tee kua. O se fe mabaka. E no e dumela. O se bee šedi ye e itšego go mabaka. Seo ga se ne selo go dira le yona. E no dumela se A se boletšego. Yeo ke phetho.”

129 Ke be ke eme kua, ka lebelelela godimo ga dithaba, mogohle, e no ba mmalewaneng wo mosorolwana wa tshepe ya nakadimaphakga; letšatši le theoga; dithaba, e le le lebotse. O be o kgona go bona lefelo e ka ba lefe le lennyane le ge e ka ba kae, sebakeng sa dimaele tše tharo godimo ga thaba, thwi bokagodimo ga ka. Gomme ge ke retologile go lebelelela, e ka ba dimaele tše pedi pele ga ka, goba maele le seripa, goba dimaele tše pedi, go be go eme tšhitšhiboya ya ntlhasilibera ya dikgato

tše senyane botelele. E tlile fao bjang, ga ke tsebe. Eupša o be a le fao. Le a bona?

¹³⁰ Se fe mabaka. Dumela. Ga go kgathale maemo ke a fe, se bee šedi go maemo. Dumela.

Bjale Modimo o rile, “Le—le letšatši le le jago woo, letšatši leo le a hwa.”

¹³¹ Sathane o rile, “A ke go botše se sengwe, le a bona. Bjale, Seo, seo ke. . . Oo, ya, re re Modimo o a rereša. Nnete. Leo ke nnete. Re dumela Lentšu leo. Oo,” Sathane o rile, “Ke dumela Leo, nnete ka kgonthe. Eupša, theetša, a ke go botše, O be a sa re Seo tšwa.”

O be a e ra Seo. O be a era feela se A se boletšego.

¹³² Sathane o rile, “Bjale, lebelela, ke tla go botša gobaneng A e dirile. Ka kgonthe O. . . Le a bona, ga o—ga o—ga o bohlale, bjale. Ga o ne bohlale e ka ba bofe. O a bona? O no ba bjalo ka nku, go etwapele. Ga se wena mong.” Ye ke tsela ye Modimo a go nyakago. “Ga se wa tsoge. . . Ga o ne Ph.D., bjale. O—o—o no se be le thuto go lekanela. O a bona? Eupša ke ne bohlale. Ke tla go netefaletša. Bjale, lebelela, ga o tsebe se se nepagetšego le se se fošafetšego. O a tseba go ne selo se se bjalo, eupša ga o tsebe ke eng. A ke go laetše gore se dirwa bjang.” Ke sohle a bego a nyaka go se botša mosadi yola. Ke sohle a bego a nyaka go se dira. “A ke go laetše gore se dirwa bjang.”

O rile, “Eupša re tla hwa.”

¹³³ O rile, “Ka nnete Modimo a ka se dire seo. Eupša O a tseba gore le tla ba bohlale le lena.” Le a bona?

¹³⁴ Go bea bohlale bja gagwe kgahlanong le Lentšu la Modimo. Go ne bohlale bjo ke bolelago ka bjona. Le a bona? Bohlale kgahlanong le tumelo, thulanong le tumelo. Fao go ntwa ya pele. Gomme Lentšu la Modimo le swaretše go iketla le go rereša. Ge ba tšere karolo go wa go iletšwa, ba ile ba hwa; gomme ba, e sa le go tloga fao. Le a bona? Fao ke moo, e netefaditšego thwi fao, ka godimo ga morithi wa pelaelo.

¹³⁵ Bjale re ya go e sepediša lebakana le lennyane. Bjale, ke bile le Genesi 3:1, 17, gomme bjale. . . goba 1 go fihla 7, a ke re, gomme bjale, bjale, moo bohlale bo nago le go fa mabaka. Ke ba bakae ba dumelago seo bjale? E reng, “Amene.” [Phuthego e re, “Amene.”—Mor.] Le a bona? Le re bjale. . .

¹³⁶ Dingaka di re, “Gabotse, ke tla go botša.” Bjale lebelela, tšea mosadi yo monnyane yo ke sa tšogo fa bopaki ka yena. Ngaka o re, “Ga go selo o ka se dirago. O šetše o sepetše. Ga go na le dikholofelo ka wena. Eya pele go lefelo la digafa. Mo išeng godimo kua.”

¹³⁷ O rile, “Pele nka ya godimo kua ka go ye nngwe ya disele tšela, ke tla ipolaya nnamong.”

138 Gomme nako yeo gwa reng? Modimo a tla tiragalong. Gomme ka kwalakwatšo ya gagwe, felotsoko ka lephepheng tsela godimo ka Kansas, go tšwa Bloomington, Illinois, o kwele. “Tumelo e tla ka go kwa.” Le a bona? Gabotse, monnamogatša wa gagwe o mo tšere mmogo. Ba be ka nnete e le baratani, ba ratana seng sa bona.

139 Naganang. Mengwaga ye mene, le dikarokgolo tše nne; tše lesometlhano, diokobatši tše lesometshela. Tšeo di lekane go bolaya wa go hwa. Le a bona? Le ditšhwana tšohle tšeo, gabedi goba makga a mararo ka beke. Gomme ke a tseba ye nngwe ya tšona e be e le Lexron, gomme ke lebala se ye nngwe e bego e le yona. E be e le se sengwe sa seemo sa monagano. O be a tšea ditšhwana tše, gomme, ka ntle ga seo, dipilisi tše pedi tša boroko. Gomme ebile o be a sa kgone go robala, ka tšeo. Madimabe, a babja mosegare ohle, bošego bjohle, ngwaga ka gare le ngwaga ka ntle. Go se selo se bogo se ka dirwa.

Eupša, “Tumelo e tla ka go kwa.” Le a bona?

140 Bjale, ge a fihla kua, Modimo o mmeile sefaleng, wa pele. Le a bona? Gomme ka go . . . Gobaneng, eng? Ge ke sepeletše godimo go yena, gomme ke rile, “O dira bjang, kgaetšedi?” “O dira bjang?” Ga se a ke a tsoge a kwa selo ka se. Ga a tsebe selo ka sona. Eupša ke rile, “O Mdi. *Semangmang*. O tšwa Kansas.”

141 Bjale, ka pela, seo se mo dirile go—go nagana. “Ema motsotso. Ke nno mo kwa a re, ‘Kriste o be a swana maabane, lehono, le go ya go ile. Gomme mo re netefaditše, ka Beibeleng, bošegong bjo, gore Kriste o tshepišitše go tšwelela ka matsatšing a mafelelo, ka Kerekeng ya Gagwe, gomme dilo tše ba di dirilego tlase ka Sodoma, le go ya pele,’ bjalo ka ge a rerile ka tšona.” Ye e lego thero ya ka ya go bula. “Ka gore, bjale, mo ke e bona e eya pele, thwi mo.” Le a bona? “Bjale, ee,”

142 “Bjale, o bile dingakeng tše mmalwa. O bile le dikaro tše nne.”

143 “O hwetša kae tshedimošo yeo? Yeo e tšwa kae? Yo monnyane yola, monna wa hlogo ya lefatla ga a tsebe seo. E tšwa kae?”

“Gomme tseleng ya gago go tla godimo mo, selo se se *bjalo* le *bjalo*.”

144 “E re!” Le a bona? “Bjale, seo ke tlwa a sa tšogo fetša go rera ka sona. Leo ke Lentšu.”

145 Eupša, le a tseba, Sathane o rile, “O a tseba, o amogela seo, modiša wa gago. . .” Seo ga se ne selo go dira le yona. Le a bona? Lahlela go fa mabaka kgole. Le a bona? “Eupša ngaka ya gago e rile o swanetše go ya lefelong la digafa.” Lahlela go fa mabaka kgole.

146 “Ke letile go bona se Modimo a yago go se bolela ka yona.” Le a bona? Ka gona Modimo. . . Ke be ke sa tsebe ke reng. Ka gona Moya wa e topa godimo le go e thuthupiša ntle.

147 O e dumetše. Ga se a tsoge a fa mabaka, “Ngwaga ka morago ga ngwaga, ka morago ga ngwaga, diphuhlamo tša megalatšhika, monagano o ile, dikaro le se sengwe le se sengwe, dilo tšohle tše; gobaneng, ga go hlake, go nagana nka kgona go fodišwa mo, ka motsotswana.” Eupša ga se a ke a nagana ka go fa mabaka. O nno dumela. Tumelo e e dirile, gomme o ile a fodišwa, ka pejana.

148 Ge le nyaka go mo ngwalela, gobaneng, Billy a ka kgona go go fa aterese ya gagwe. Go lokile, bjale. Bjale, tum- . . .

149 Bohlale bo tla fa mabaka. Bjale. . . Eupša tumelo ga e ne go fa mabaka. Ga e dire selo eupša go swara Lentšu. E swara tshepišo.

150 Bjale a re baleng nthathana gannyane. A re phetleng go Baroma, tema ya 4, le go bala feela gannyane. Gomme ke go fihla re sobja kgonthe nako ye e itšego, re tla no bala Lengwalo le, Baroma, tema ya 4. Gobane, ka kgonthe ke rata go bala Lentšu. Go go dira gabotse go—go Le bala. Baroma, tema ya 4, gomme a re thomeng ka temana ya 17. Theetšang.

151 Paulo, a ngwala tshwao ka bophelo bja Abraham, le a tseba, ga go selo se boletšwego ka Abraham a kitimela tlase ka Gerara, gomme ga go selo ka tshwaong, le a tseba. E no ba, “Abraham o dumetše Modimo,” Paulo, moapostola yo mogolo yola, a ngwala tshwao ka Abraham.

152 Temana ya 17, “Bjalo ka ge go ngwadilwe. . .” Ke rata seo: Paulo, a dutše le Lentšu.

(Bjalo ka ge go ngwadilwe, Ke go dirile tatago ditšhaba tše dintši.) . . .

153 “Ke dirile.” Abraham o be a le mengwaga ye masomešupa tlhano bogolo. O phetše le mosadimogatša wa gagwe ge e sa le a eba. . . bobedi bja bona e be e le ba baswa. E be e le kgaetšedi seripa wa gagwe. A se ne bana; o be a sa belegiše gomme yena o be a le moopa. Eupša Modimo a kopana le yena le go re, “Ke dirile,” lebaka le le fetilego, pele ga motheo wa lefase, nmete, “ke go dirile tatago ditšhaba tše dintši.” E sego bana ba bantši, eupša ditšhaba tše dintši. E no nagana ka yona.

. . . pele ga gagwe o dumetše, Modimo, ebile Modimo, yo a phedišago bahu, le go bitša dilo tšeo di sego gona mo o ka rego di be di le gona.

154 O se ke wa fa mabaka, le gatee. Theetšang.

. . . a bitša dilo tše di bego di se gona mo o ka rego di be di le gona.

Yoo kgahlano le kholofelo . . .

155 Nna! “Ebile go se kholofelo.” Go ka reng ge nkabe a file mabaka? “Ebile go se kholofelo.”

Yoo kgahlanong le kholofelo a dumetšego ka go kholofelo, gore a be tatago ditšhaba tše ntši; go ya ka seo se boletšwego, Peu ya gago e tla ba bjalo.

156 Ga go kgathale ke eng se sengwe se boletšwego. “Modimo o boletše bjalo, gomme seo se a e ruma.” Oo, ge Efa a ka be a dutše le seo! Le a bona? Eupša o eme, go fa lebaka, go hwetša bohlaletso. Abraham ga se a nyaka bohlaletso e ka ba bofe. O nno nyaka Lentšu. “Modimo o boletše bjalo, gomme seo se a e fetša.”

157 Le a tseba, ke rerile ka yona, dinako tše dintši. O ile le go reka maleiri ohle le dikoromo, le se sengwe le se sengwe, go ba komana bakeng sa lesea, gomme Sarah o dirile diputswana. Gomme ngwaga ka morago ga ngwaga o fetile. “Šegofatšang Modimo, re ya go ba le lona, go le bjalo. Yeo ke nnete.”

158 “Gobaneng, o,” ngaka o be a tla re, “gabotse, a ka se kgone go ba le lona. O ka se kgone go ba le lona.”

“Gomme o se ke wa mpotša. Re ya go ba le lona, go le bjalo. Yeo ke yona.”

159 “Kgahlanong le kholofelo, efela a dumela ka kholofelo.” Dikholofelo tšohle di ile, efela o dumetše ka go yona ge kholofelo e be e hwile, go yena. Kholofelo e be e hwile go phatšišo ye nngwe le ye nngwe ya saense, mothopo wo mongwe le wo mongwe wa bohlaletso. Kholofelo e be e ile, eupša go le bjalo o dumetše ka go yona. E be e le eng? Tumelo ka go yona; tumelo ka go kholofelo ge go be go se kholofelo fao. Hmm! Ke nyaka go dikadika go yeo lebakana. Tumelo ka go kholofelo ge go be go se kholofelo, efela o be a sa no dumela ka go kholofelo. Le a bona? Gobane, o rile, “O mpoeditše, ‘Dipeu tša gago di tla ba bjalo.’”

160 Bjale, temana ya 19. “Gomme a sa fokole ka go ‘bohlaletso, tsebo, o bile le grata ya gagwe.’”? [Phuthego e re, “Aowa.”—Mor.] Aowa.

. . . a se fokole tumelong, (ha, ke lona), ga se a tšee mmele wa gagwe mong bjale o hwile, . . .

161 Kholofelo e be e ile. Mmele wa gagwe o be o hwile. Theetšang, ya go latela.

. . . ge a be a le e ka ba lekgolo la mengwaga bogolo, ebile . . . go hwa ga popelo ya Sarah:

162 Kholofelo e be e hwile. Mmele wa gagwe o be o hwile. Popelo ya Sarah e be e hwile. O dirile eng? Temana ya go latela, “Yena ga se a tekateka.” Oo, nna!

Ga se a tekateka go tshepišo ya Modimo ka go se dumele (bohlaletso); eupša o tiile tumelong, a efa Modimo letago;

163 Oo, nna! Eng?

Gomme o kgodile ka botlalo gore, se a se tshepišitšego, gape o be a kgona go se dira.

164 Hmm! Ga go kgathale bjang, ga go go fa mabaka go yona, le gatee. O no tšea le—le Lentšu le go swarelela go Lona. Bjale, ge le e le Lentšu la Modimo, a le a Le dumela? [Phuthego e re,

“Amene.”—Mor.] Gona gobaneng le belaelela Lentšu e ka ba lefe la Lona, tshepišo e ka ba efe ya Lona? [“Amene.”] Le ka kgona bjang go re *Le* ke karolo, gomme *Le* ga la loka; gomme *Le* ke *lela*, kgetha ntle se o se nyakago? O ka se kgone go e dira. Eba gore lohle le lokile goba ga go selo sa Lona se lokilego. Nnete. Kafao, ka pejana ge o bona gore Ke Therešo, Le sware. O se ke wa Le tlogela, go sa kgathale maemo, ka fao ba lekago go fa mabaka, “Gobaneng, o ka se kgone.” O se ke, o se ke wa dira seo, le gatee. Dula thwi le Lona. Modimo o le tshepišitše.

165 Ge ke eya bjale go tšea go emela Kriste ga ka, gomme A mphile Moya wo Mokgethwa, Moya wa Gagwe o bea bohlatse bja Bophelo bja Gagwe ka go nna. Gona ge ke etla go hwa, Sathane o a leka, o re, “Bjale, o a bona, o be o se wa mokgatlo.” Dula thwi le Lentšu. “Ga se wa dira *se*. Ga se wa dira *sela*.” Ga go kgathale *eng*, *sela*, Sathane ga a ne go fa lebaka ka Lona. Ke Lentšu la Modimo. Dula le Lentšu. Le a bona? Le lahlela fase go fa mabaka gohle. Le a bona? Ga o ne go fa mabaka go go itšego; e no swarelela go Lentšu. Le a bona?

166 Bjale, gabonolo tumelo e tshepela ka go Lentšu la Gagwe. Le a bona? Seo ke se A bego a nyaka ba se dire. Seo—seo, bjale, le hwetša bokamorago bjale. Seo ke tlwa se Modimo a bego a nyaka morafe wa batho go se dira: go tshepela ka go Lentšu le lengwe le le lengwe A le boletšego.

167 Gomme Efa o tshepetše ka moka bontši bja Lona. Eupša selo se tee se sennyane o se amogetše, “Gabotse, ge ke etla go tlala bohlatse, mohlomongwe—mohlomongwe go be go le ka tsela yeo. Mohlomongwe go swanetše go ba ka tsela *ye*.” Le a bona? Gona thwi fao ke mo a lahlegetšwego ke maswaro a gagwe. Moo ke mo a thomilego go nwelela, thwi fao. Fao ke mo morafe ka moka wa batho o go thwi fase lebitleng, go tloga thwi fao, gobane o belatše Lentšu le tee.

168 Ba bangwe ba bona ba re, “Gabotse, ke dumela *Le* le a rereša. Ke a dumela *Lela* le a rereša. Ke a dumela Modimo o kgona go phološa, eupša ga ke dumele O a fodiša. Ke dumela Moya wo Mokgethwa, nnete, o wele ka Letšatši la Pentecost, eupša ga go lefelo moo go lego e ka ba eng ye e rego Moya wo Mokgethwa o wele, ka morago ga Pentecost.”

169 Oo, ngwanešu! Yeo ke tsela ye ba e bolelago; ba ipitša bonabeng dikereke tša Kriste. Le a bona? “Ba na le sebopego sa bomodimo, eupša ba gana Lentšu la bjona.” Huh! Uh-huh! Yeo ke yona. Le a bona?

170 O swanetše go dumela. Se fe mabaka. Dumela. Se leke go ba le bohlatse. E no dumela Lentšu.

171 Bohlatse bo leka go fa mabaka le go fa tsela ye kaonekaone. Bjale, seo ke tlwa se Sathane a se boditšego Efa. “Bjale, ga o ye go hwa. Nnete o ka se ke, gobane Modimo ke Modimo wa go loka.”

172 Yena ke Modimo wa go loka. Gomme tsela e nnoši nka kgonago go Mo tshepa, go ba Modimo wa go loka, ke gore O tla dula le Lentšu la Gagwe.

173 O ka ntetela bjang go tlala therešo mola ke se ka tlala therešo? Ge ke go botša selo se tee, ka dira se sengwe gape, lentšu la ka botse le a tekateka. Le a bona?

174 Go le bjalo, se se Mo dirago Modimo wa go loka, ke ka gobane O boletše Lentšu, gomme re ba go phela ka Lentšu leo. “Motho a ka se phele ka borotho bo nnoši, eupša ka Lentšu le lengwe le le lengwe la Modimo, le tšwago molomong wa Modimo.” Gona, Modimo o swanetše go dula le Lentšu leo. Seo ke se se Mo dirago Modimo wa go loka.

175 Bjale, ge A re, “Gabotse, Ke tla ba lesa ba fete ka *se*. Ke, Ke tla ba lesa ba dire *se*. Gabotse, *seo* se lokile. Oo, Ke, Ke tla—Ke tla sepelela godimo *mo*,” gobaneng, Yena ke moteketekiana, le a bona; Yena ga se Modimo; Yena—Yena e no ba motho wa tlwaelo. Le a bona? Eupša, go ba Modimo wa go loka, Yena o swanetše go dula le Lentšu la Gagwe. Seo se bea ngwana yo mongwe le yo mongwe. . . . Ge Yena a ka tlogela yo motee *yo* go dira bootswa, yo mongwe *yo* go nwa gannyane, gomme—gomme yo mongwe *yo* a ka kgona go aketša gannyane, yo mongwe *yo* a ka kgona go utswa gannyane, gomme yo mongwe yo a kgona go dira—dira *se*; gona go ntira go no nganga thapo, go tla ka gare?

176 Yena o ne tsela e tee, gomme bohle ba ba yago ka gare o ya ka keiti yela. “Keiti ke tsela ya meetse, gomme tsela ke ye tshese. Ga go setšhilafatši se ka tsenago ka gare.” Godimo ka go Kutollo, e rile, “Bohle ka ntle ke baloi, bommalegogwana, le dimpša, le go ya pele.” “Bašegofatšwa ke lena le dirago ditaelo tšohle tša Gagwe, gore o tla ba le tokelo go Mohlare wa Bophelo.” Yeo ke nnete. Go ne tsela e tee, yeo ke ya Modimo.

177 Ga re efe mabaka, ga go tsela ye nngwe. Gabotse, kereke ya Roma e re, “Ke rena Kereke. Beibele yeo—yeo ebile ga e swanele. . . . Gobaneng, gobaneng, Ke, o ka se kgone. . . .” Pišopo Sheen o rile, “Go leka go phela ka Yona, go be go le bjalo ka go sepela go kgabola meetse a leraga.” Le a bona? Le a bona? O ya go dira seo bjang? Le a bona? Gona, ge a nepile, gona Beibele e fošitše. Beibele e nepile; yena o fošitše. Bjale o ya go reng? Ge Lentšu la Modimo le nepile, e ba gore ke Pišopo Sheen goba—goba Beibele. E sego feela Pišopo Sheen, eupša Mor. *Semangmang*, le Ngak. *Semangmang*, le *Semangmang*. Ke be ke se ka swanela go be ke biditše leina la monna, ntle le ge a le boletše seyalemoyeng. Kafao, o e boletše ntle seyalemoyeng, kafao ke a thanka nka kgona go bitša leina la gagwe. Ngak. *Semangmang* le *Semangmang*, ba boletše *bjalo le bjalo le bjalo le bjalo*. Bjale o ya go dumela mang, Modimo goba bona?

178 “Gabotse,” e re, “Kgonthe ga e e re feela ka tsela *Ye*.” E era feela ka tsela ye E ngwadilwego.

¹⁷⁹ Gabotse, ao ke maaka a mathomo a diabolo. O rile go Efa, “Ka kgonthe E no se re seo. Ka kgonthe Modimo o lokile kudu go ka dira seo. Le ka se hwe.” Eupša ba dirile. Gomme ba tla dira, nako ye nngwe le ye nngwe. O swanetše go kopana le Lentšu!

¹⁸⁰ Bahlale bo leka go tšea tse—tse tsela ye kaonekaone, tsela ya sebjaalebjae, tsela ya botsebalegi, tse . . . tsela ye bonolonolo, go ikhwetša bjonamong tikologong.

¹⁸¹ Feela bjale, o tšea moisa mo, mohlomongwe Modimo o ya go šoma ka yena. Bjale, o nagana o swanetše go tla godimo. O swanetše a dire mosadimogatša wa gagwe a tle thwi mothalong. O swanetše go lesa diphathi tša gagwe tša dikarata. O swanetše go tlogela go ya ditansing. Mosadimogatša wa gagwe o swanetše go tlogela moriri wa gagwe go gobela ntle. O swanetše go tlogela go apara meikapo. O swanetše go tlogela go kgoga, go nwa. O swanetše go tšwela ntle ga soseate ye kgolo yela a lego ka go yona. O swanetše go ikokobetša yenamong mo aletareng. O swanetše go ema le go bitšwa lehlanya, mopshikologimokgethwa, Beletsebubu, e ka ba eng e ka bitšwago. “Ke tla ba wa bodumedi, eupša ke tla ya tlase mo, ka tšona kereke ye tlase mo. O kotobetše kudu.” Ke wena fao. Le a bona? Lebaka šeleo, lebaka.

¹⁸² Bjale re ya go fihla go ntlha ye kgolo, mo metsotsong e se mekae, go yeo. Le a bona? O ya go tseba bjang seo e lego go nepa le go fošagala, gona? Le a bona?

¹⁸³ Bjale, e leka go dira Lentšu go bolela se sengwe, tsebo e a dira. Tsebo, bohlale, bo leka go—go fa mabaka. Bohlale bo hwetša tsela ye kaonekaone. Ga go tsela ye nngwe eupša tsela ya Modimo. Bohlale bo leka go šupa ntle, go re, “Oo, gabotse, bjale, le a tseba, ga ra kgona go dira seo ka go nako ye.” Re swanetše go se dira, go le bjalo. Le a bona? Go leka go hwetša tsela ye bonolonolo. Go leka go dira Beibele go bolela dilo tše E sa di bolelego.

Bjale o re, “Oo, Ngwanešu Branham, bjale o . . .”

¹⁸⁴ Ema nakwana feela. Re tla ya morago go peu gape. E bile eng diabolo a lekilego go se dira ka bohlale? Go dira Lentšu la Modimo go bolela se sengwe Le sego la se bolela. Yeo ke nnete. O lekile go dira Lentšu la Modimo go bolela se sengwe seo Le sego la se bolela. Kafao yeo ke tsela ye e tlogo lehono, ge ba leka go dira Lentšu la Modimo go bolela se sengwe seo Le sa se bolelego.

¹⁸⁵ Gabotse, ba re, “Gabotse, ke tla go botša, Ngwanešu Branham, ga o ne tlhathollo ya go nepa.”

¹⁸⁶ Beibele e boletše, gore, “Seprofeto ga se sa tlhathollo ya sephiri.” Gobaneng? Gobaneng se se sa tlhathollo ya sephiri? Gobaneng? “Lentšu la Morena le tlile go baprofeta.” Le hlathollwa ke moprofeta. Le ka se be la tlhathollo, ya sephiri. Baprofeta ba šetše ba Le hlathollotše go wena. Šeleo lona, le ngwadilwe thwi Fao. Yeo ke tsela le swanetšego go ba.

187 Modimo o swanetše go ba le motheo tsoko wa se sengwe seo batho bohle ba swanetšego go ahlolwa ka wona.

188 Ge e le ka kereke, ke efe e lego ya maleba? E ka ba makgolo a senyane a tšona, mekgatlo ye makgolosenyane ya go fapana. [Ngwanešu Branham o a kgohlola—Mor.] Ntshwareleng. Ke efe ya tšona e nepilego? O tseba bjang o ya ka gare? Go ka reng ge o le Momethodist, gomme Baptist e nepile? Go ka reng ge o le Mopentecostal, Mapresbyterian a nepile? Go ka reng ge o le Mokatoliki, gomme Malutheran ba nepile? Go ka reng ge o le Molutheran, gomme Mokatoliki ba nepile? Le a bona?

189 Go swanetše go ba motheo felotsoko. Kafao ge Lentšu . . .

190 “Mathomong go be go le Lentšu, gomme Lentšu le be le le le Modimo, gomme Lentšu le be le le Modimo.” Le a bona? Lentšu le be le le ka go Modimo. Le be le le Modimo. Le be le le megopolo ya Gagwe ye e bego e ne le Yena, ka mehla kua. Megopolo ya Modimo e ka Gosafelego bjalo ka ge Modimo a le. Amene. Ao ga se maswi a a okotšwego, ngwanešu. Le a bona? Še e a tla. “Megopolo ya Modimo e be e le Lentšu la Gagwe, mathomong,” ke gore, “ka Bokagosafelego,” bjale, ge “mathomong” la mathomo a thoma, nako. “Mathomong go be go le Lentšu, megopolo ya Modimo, gomme Lentšu le be le le le Modimo, gomme Lentšu le be le le Modimo.” Le a bona? Megopolo ya Gagwe ke se A bego a le.

191 Ke wena, gape. Se megopolo ya gago e lego ke se o lego. Ga go kgathale se o lekago go se phela, ka se sengwe gape, megopolo ya gago ke se o lego. O ka no ya mmogo, wa dira boka moisa yo mbose, eupša ka pelong ya gago o seotswagadi le e ka ba eng e lego. Seo ke se o lego, megopolo ya gago.

192 Gomme megopolo ya Modimo e be e le Lentšu la Gagwe le le bego le le le Yena le ka go Yena, gomme Le be le le Modimo. “Mathomong go be go le Lentšu, gomme Lentšu le be le le le Modimo, gomme Lentšu le be le le Modimo. Gomme Lentšu lela le dirilwe nama.” Megopolo ya Modimo e hlagišitšwe ka mmeleng wa motho, “Dirilwe nama, le go dula magareng ga rena.” Fao ke lena.

193 Bjale, ge o ne Bophelo bjo Bosafelego lehono, o ka go Modimo. Ka Sephedi sa Modimo ka go wena, o mogopolo wa Modimo wo o hlagišitšwego. Fše! Gona, se theetše go feng mabaka le ge e ka ba gofe, go sego bjalo mphaphahlogo wa gago o tla tšewa, wa neelwa yo mongwe. Se tšee go fa mabaka le ge e ka ba gofe, le gatee. E no dumela se Modimo a rilego ke Therešo, gomme o dule le Yona.

194 Go fa mabaka, ka bohlale, go leka go dira Lentšu go bolela se sengwe Le sa se bolelego.

Bjale o re, “Bjale a seo ke therešo, Ngwanešu Branham?”

195 Gabotse, a re nong go ya morago go Genesi go hwetša ntle. A re yeng go Genesi, tema ya 3 ya Genesi, gomme re ya go bala te—te—te temana ya 4, re bone ge—ge bohlaile bo leka go dira Lentšu go bolela se sengwe seo Le sego sona. Tema ya 3 ya Genesi, temana ya 4.

Gomme sephente e rile go mosadi, Ka nnete le ka se ke la hwa:

196 Le bona seo bo se fago? Ke eng? Go leka go dira Lentšu go bolela se sengwe Le sa se bolelego. Le a bona?

Modimo o rile, “Le tla hwa.”

197 Bohlaile, bjalo ka ge Sathane a be a mo fa, o rile, “Ka nnete le ka se hwe.” Le a bona? Bo leka go dira Lentšu go bolela se sengwe, seo, “Le sego bjalo.”

198 Seo ke se bohlaile bo lego lehono. Oo, ngwanešu, ka fao re ka letaletago go seo! Diseminare, dikolo tša thutamodimo, seo ke sona sehloga sa tšona. Seo ke medubjang ya tšona, ke go leka go dira Lentšu la Modimo go bolela se sengwe seo Le sa se bolelego.

199 Ke hlohla mang kapa mang go ntaetša Thutotumelo ya Baapostola ka Beibeleng. Ke hlohla mang kapa mang go ntaetša “kopano ya bakgethwa” ka Beibeleng. Bobedi Protestant, Katoliki ba a e dumela. Ke a le hlohla go ntaetša eng kapa eng ya dilo tšeo, ka Beibeleng. Le a bona? Ke medubjang ya bohlaile bo leka go fa mabaka.

200 “Ntwa ya rena ga se ya nama, eupša ya maatla, go rakela kgole mabaka ohle, le a bona, go kgereša maitshwareletšo a go tia a Sathane.” Se segolo sela, sa matsoba, sebopša se sebotse! E sego sa go thelela kirisi; aowa, aowa, seo ke bokagare. Eupša, bokantle, sebe ke se sebotse go menagane. Le a tseba, sebe se botse.

201 Ke banna ba bakae ka mo, le basadi, ba fetilego mengwaga ye mesometlhano bogolo? Phagamišetša diatla tša lena godimo. Ga se ke . . . Ke be ke se ka swanela go botšiša basadi. Eupša ke . . . Bohle re a amogela ke therešo. Ke nyaka go le botšiša potšišo. A le a bona lehono gore basadi ba botse go menagane, go nyakile, go feta ka fao ba bego ba le, mo mokitimong, bogareng go kgabaganya lefase? Ge go le bjalo, phagamišetša seatla sa gago godimo. Nnete. Ke ba babotse go menagane go feta ka fao ba bego ba le.

202 Hwetša diswantšho tša kgale. Lebelela makgolo; dikhethe tša gagwe tše telele; maforo a moriri a lekeletše go theoga mokokotlo wa gagwe. O be a se ne kgogedi go lebelelwa.

203 Lebelelang wa sebjalebjaile lehono. Roko ye nnyane ya mohlotlwana go theoga, yeo, sebopego se sengwe le se sengwe, a ka se sepele ntle le go dira sebe. O sepela, a twanka go theoga mokgotha, ka ohle meikapo le dibotsefatši Max Factor a ka kgonago go di bea godimo ga gagwe, go nyakile. A beakantše

moriri wa gagwe boka mosetsana tsoko yo monnyane. A apere sekhethe se sennyane feela godimo, e ka ba, bokagodimo ga matolo a gagwe, ge a ka hwetša e ka ba sefe, gona. Eupša, mo lebelele, ke yo mobotsana. Sathane o tseba mokgwa wa go e dira. Ke mothomi wa botse, mohuta wo wa botse bofetšago ka sebe.

²⁰⁴ Lefase, lonamong, ke popelo. Modimo o beile kae dipeu tša Gagwe? Dipeu di bewa kae? Ka popelong. Modimo o bea dipeu. Gomme monna o dira eng? Boka bodiabolo, ka popelong, o tla dira ngwana a golofale ge a ka kgona. Seo ke se bodiabolo ba se dirilego lefaseng, go tswaka, ba dirile dibopiwa, ga go bjalo. Bokaonekaone ke tlogele yeo; nka se tsoge ka fihla go sohle se fa, se ke se ngwadilego fase. Le tseba se ke se rago. Leo ke baka le go lego tlhola ye e golofetšego e swanetšwego ke go lahlwa. Modimo o feditše ka yona. Lefase lohle le tšwele taolong. Se sengwe le se sengwe se fošagetše. Meela e tšhilafetše. Moya o tšhilafetše. Tšhila! Go a nkgala!

²⁰⁵ Moindia wa go tšofala, e se telele go fetile, o rile, “Monna yo mošweu, ga ke sa nyaka go phela botelele e ka ba bofe. Ke feditše go lwa.” O rile, “Masea a ka a kae? A a bolailwe ke tlala? Mosadimogatša wa ka o kae?” O rile, “Pele le etla mo le basadi ba lena le wisiki, le sebe, re be re phela ka khutšo. Ke mebu ya rena. Modimo o re file wona, eupša le re amoga wona. Le tla o lefa, letšatši le lengwe.”

²⁰⁶ E lebeleleng, lehono. A magolo, maganata a mabotse le dithaba di tletše ka monkgo, sebe, mapotlelo a wisiki, dikotikoti tša bjala. Lefelo le lengwe le le lengwe le tletše ka dithabene le ditšhila. Reno, Nevada, leganata le legolo lela mošola, ga se selo eupša bommalegogwana. Ditoropokgolo tše kgolo ke tšona, go fihla ebile moya le lefaufau di tšhilafaditšwe. Fao gatee dithaba tše dibotse di bego di gola, bjale e repilwe ka mehuta yohle ya se sengwe le se sengwe gape. Moo mehlare e bego e mela, e repilwe fase. Moo maganata, meetse a bego a ela ka tokologo, a tšhilafetše. Lefase ka moka le ya go ba go—go lahlwa. Lefase le ya go tšweletša ngwana wa gagwe go tšwa go peu. Le fapošitšwe, ke bodiabolo ba le kgeila godimo, ba le šoma, nnete, ke tlho—tlho tlhola ye e fapošitšwego. Modimo o tla le lahlela kgole gomme a thoma godimo gape. Yeo ke nnete.

²⁰⁷ E tla go tšwa kae? Motho yo motee a dumela e tee ye nnyane... a sedumele kgato e tee ye nnyane ya Lentšu la Modimo.

²⁰⁸ Lefase ka moka le a tsetsela. Beibele e a bolela, gore, “Le tlhago ka boyona e a tsetsela bakeng sa letšatši lela la kimollo, e letetše diponagatšo tša barwa ba Modimo.” Mehlare e katana, ka lefeela. Matšoba a leka go phadimiša tsela bakeng sa... Eupša, a a tsetsela le go lla, le go tseba gore go ne se sengwe se fošagetše. Fapošitšwe! Popelo ga e kgone go tšweletša go phethagala fao,

gobane e fapošitšwe. Mmu o a nkgā. O thuthile ka madi a go hloka molato. O na le. . . O bjalo ka. . .

209 Nka kgona go boela se sengwe, se ka ba mpapatla kudu. Le—le—le a nkgā. Modimo o rile, “Le a nkgā,” pele ga Gagwe, ditšhila kudu. Sepelela ka tshwamare, mahlapologelo, gomme go no nkgā, go tšhilafetše. Seo ke tlwa se lefase le se nkgago, le lona, boka Modimo se nkgā go lona. Tšhila, selo ka moka ke ditšhila.

210 Modimo o tla le phatlola diripana. “Ke tla hlola magodimo a maswa le lefase,” O boletše. Ee, mohlomphegi.

211 Ke eng? Popelo ya gagwe ga se ya tšweletša Mileniamo. O tšweleditše selo sa go fapoga. Gobaneng? Go leka go ba bohlale.

212 Ga ke ne selo kgahlanong le Florida. Ga ke re se go lena batho go tšwa Florida. Eupša ge ke kgabagantše ke ile ka Florida lekga la pele, le go tla morago go mothalo wa Georgia kua, ke eme kua le go re, “Bjalo ka modudi wa Amerika, ke fa karolo ya ka morago go Seminoles mo e lego ya gona.” Gobaneng, ba hlokomela dijarata tša bona bokaonekaone go feta ke dirago moriri wa ka, se sengwe le se sengwe morumo wa lefofa. Mehlare ya mopalema e ne mabone gohle godimo ga wona. Diketswana tša magareng tše kgolo tša manongonongo le dilo, ba leka go tliša Mileniamo ntle le tshokologo. Go nna, ke sehlopha sa lefeela.

213 Makga a milione go feta, bokaone ke namele British Columbia, go ya ntlhoreng ya thaba, le go lebelela go kgabaganya dithaba tše Modimo a di hlotšego, gomme diatla tša motho di sego tša ke tša tsoge tša e kgwatha. Nnete.

214 Go ya ka ditoropongkgolo tše, magae a magolo, ao, ao ga a, ao a nkgwaletšago. Ke hloile mohuta woo wa dilo. Le a bona?

215 Eupša ke a tseba gore letšatši le lengwe, letšatši le lengwe, e tla fetolwa. O tla lelekela pele ngwana wa gagwe wa go tlaišega. Lefase, le tla fetolwa, letšatši le lengwe. Go lokile.

216 Tumelo e dumela gore go ngwadilwe, le go re, “Lentšu ga le ne diphošo.”

217 A le kile la kwa badiredi ba re, “Gabotse, ke a go botša, phe—phe Phetolelo ya King James, goba Phetolelo ye ya Pušeletšo, goba *ye* mo, e no ba—e no ba phapano ye nnyane. Kgonthe, ka kgonthe e be e sa re Seo”? A le kile la kwa seo? [Phuthethe e re, “Ee.”—Mor.] Oo, nna! Lefase le tšhilafetše ka yona. Le a bona? Eupša tumelo ga e dumele seo.

218 Tumelo e a dumela, Modimo yo a kgonago go ntira, a ka kgona go boloka Puku yela ka lenaneo bakeng sa ka go phela ka yona. Ge Modimo Yo a ntirilego a eya go nkahlola, a ka se kgone go boloka Puku ya Gagwe ka lenaneo, gona Ke Modimo wa go diila kudu. Ke lena bao. Ke a dumela Lentšu le lengwe le le lengwe la Yona ke Therešo. Ee, mohlomphegi. Ye e dira eng, go dumela leo? Le nea tumelo lefelo la go phethagala la go khutša

ka go Lona. Le a bona? O ka se kgone gosedumele, gore Lentšu le hlakahlakantšwe le, ka go tsela e ka ba efe. O swanetše go Le dumela feela ka tsela ye Le lego.

²¹⁹ Ge o leka go šomiša bohlafe, go re, “Bjale lebelelang mo. Ga go hlake gore Modimo o rile le tla dira selo boka *se*.” Eupša Modimo o se dirile. Le a bona? Yeo ke nnete. Bjale, ge o re, “Gabotse, bjale, ge Modimo a dirile *se*, ge A tšere bophelo bja monna ka gobane o be a se Molefi, gomme a beile seatla sa gagwe godimo ga Areka ge E be e le kgauswi le go wa.” Ga go kgathale o be a le bontši gakaakang, O tšere bophelo bja gagwe bakeng sa yona.

²²⁰ Modimo o rile, “Balefi feela, ba nnoši, ba tla kgwatha Yeo.” O e tšere. Seo ke se sa go hudua Dafida, le a tseba. Le a bona? Molefi, e be e se selo eupša Molefi o be a swanetše go kgwatha Areka yela. Gomme Areka e be e le mo, e etla morago thwi bakeng sa tsošetšo, gomme yo mongwe ka ntle ga yeo o lekile go swara Lentšu.

²²¹ Seo se ya go laetša gore ke motlotšwa wa Modimo a nnoši a swanetšego go swara Lentšu lela. Dithutotumelo tše le dikereke tša maina ga di ne taba ya go swaragana le Lona. Moya wo Mokgethwa feela o na le tokelo go Lentšu lela, gomme ke lehu go e ka ba yo mongwe go Le kgwatha. Goba, gosedumele e ka ba eng ya Lona, goba go le ruta, “Wa go swana go tla tšewa, karolo ya gagwe, go tšwa Pukung ya Bophelo.” O se ke wa bea diatla tša gago godimo ga Lona. Dula kgole le Lona. Theetša. Dumela feela se Le se bolelago. O se ke wa tšea lentšu la yo mongwe gape. Tšea se Le se boletšego. Dula thwi le Lentšu. Ke lehu go dira e ka ba eng gape go Lona. Bjale, ka gobane ke . . .

²²² Tumelo e dira eng? E Le dumela feela ka tsela ye Le lego. Yeo ke tsela ye Modimo a Le bolokilego go theoga go kgabola lebaka, gomme šele Lona. Ke Lentšu la Modimo, go nna. Modimo o hlompha leo. Le nea tumelo ya go phethagala ka go therešo ya Lona.

²²³ O ka kgona bjang go tsoge wa nyala mosadi ge mosetsana yola ye moswa a be—a be—a be a kitima ntle le go dira se sengwe le se sengwe, le go phela ka bommalegogwana le se sengwe le se sengwe gape? Gomme—gomme, efela, o ile le go mo hwetša ka ntlong ya bommalegogwana. Go tla ntle, gomme o be a le . . . O re, “Gabotse, ke tla—ke tla leka go ba mo—mo mosetsana yo mokaonekoane.” O ka se kgone go ba le tumelo ka go mosadi yola. Le a bona? O ka se kgone go e dira. Mosadi a ka kgona bjang go ba le tumelo ka go monna yo a dirilego selo sa go swana? O ka se kgone go aga tumelo ya gago fao. Ga go selo go aga godimo ga sona. Le a a bona? O ka se kgone go e dira.

²²⁴ O ka kgona bjang go ya ntle mo le go re, “Sekepe sese sa go ba le mašoba a mantši kudu ka go sona, gomme ke tla bea masaka a mabjang ka go sona. Mohlomongwe, mohlampe a tla—a

tla thibela lephotho, go kgabaganya noka”? Gomme nka se nyake go leka mahlatse go sona, ge go le setee se dutše mo se agilwe gabotse. Nnete.

²²⁵ Gobaneng re tla tšea thutamodimo tsoko madirwa ke motho le mašoba gohle ka go yona? E netefadišwe gore e fošagetše. Le a bona? Ge, ye tee še e dutše mo, yeo ka kgonthe e lego Lentšu la Modimo, Yo a thibetšego lephotho, go kgabola ledimo le lengwe le le lengwe le lethata le phefo ye maatla. Le swareletše feela therešo ka mo le kgonnego go ba. Le tla dira ka mehla. Go lokile.

²²⁶ “Magodimo le lefase di tla feta,” go boletše Jesu, “eupša Lentšu la Ka le ka se ke.” Gobaneng? A ka Gosafelego. A be a le mathomong. O nno tla mo go hlagiša Lentšu la Modimo. O be a le boithlagišo bja Modimo. Modimo o be a itlhogiša Yenamong ka Morwa wa Gagwe.

²²⁷ Tšohle tše di thomile ka go Genesi, tema ya peu, gomme e sa le di le ge e sa le. Ge e sa le, go bile tiragalong, e bile selo sa go swana, ntwaga ga bohlale le tumelo, ka mehla di a lwa. Kafao, bohlale ke bja diabolo le bja bana ba gagwe.

²²⁸ A le kile la hlokomela? Bohle le bone dinku. Bohle le bone dipudi. Eupša, le a tseba, go lla ga tšona bobedi go batamelane, go tšea modiši wa kgonthe go bolela phapano. O bea pudi ya kgale ntle kua, e lese e lle, e lle. Morago eya godimo mo le go bea nku kua, le go e lesa e lle. E theetše. Di kwala go no swana. Eupša modiši wa kgonthe o tla kgona go swara segalontšu sela.

²²⁹ Jesu o rile, “Dinku tša Ka di tseba Segalontšu sa Ka.” Le a bona? Ba ka kgona go bolela ge eba ke pudi. Gabotse, Yena ke Nku, Yenamong. Uh-huh. Ga A. . . “Dinku tša Ka di tseba Segalontšu sa Ka. Basetsebe di ka se ba latele.” Segalontšu sa Gagwe ke eng? Sese sona, Lentšu. Le a bona? “Dinku tša Ka di tseba Segalontšu sa Ka.” Le a bona?

²³⁰ Ba ka se dumelele yo mongwe a re, “Oo, bjale, mo. Ke a bolela. Segalontšu sa Modimo, le nna. Yo o bolela se kua.” Eupša ke, le a bona, Sathane. Re tla go seo ka go feela nthathana ye nnyane, re le tšidifaletša seo. Le a bona?

²³¹ Bjale, bjale le a bona gore peu Lentšu e ka se kgone go mela ke boemong, gona, bja tsebo. A ke nnete? [Phuthego e re, “Amen.”—Mor.] Le a bona? Ka pejana ge tsebo e hlakana le tumelo, e hwa thwi fao.

²³² Efa o tlile gomme a re, “Morena Modimo o rile: ‘Letšatši le re jago woo, letšatši leo re a hwa.’” Morago a ema go bona se a bego a tla se bolela.

²³³ O rile, “Eupša, theetša, moratwa wa ka, wena selo se sennyane sa go ratega. O a bona? Nnete Modimo o go diretše morero. O a tseba yeo ke nnete. O a bona, o mosadi, o diretšwe morero wo. Seo ke se o lego. Ga o o tsebe bjale, eupša o diretšwe morero wo. Oo, o selo se sennyane sa go ratega, moratwa. Uh-

huh. Lebelela diatla tše nnyane tšeo tše botsana. O a bona? Gobaneng, nnete o tla dira. Nnete.”

“Eupša O rile, ge re—ge re dirile, re be re tla ‘hwa.’”

²³⁴ O rile, “Eupša, oo, a o nagana gore wa go loka, Tate wa lerato, Modimo, a ka dira selo se sebjalo ka seo?” O dirile eng? O theeditše lebaka, o tšere bohlae bja gagwe. O rile, “Ke mohlare, lethabolegolo. Wa go kganyogega.” Gomme o ile a e tšea. Seo ke tšwa. Gomme ge a dirile, go diregile eng? Boka go ka dira mosadi e ka ba mang. Ka pejana ge o e tšea, go fedile thwi fao. Yeo ke nnete.

²³⁵ Bjale, le a bona, peu ye a bego a e swere, gomme mafelelong a ka be a bile mme, ka thato ya Modimo, ka Lentšu le le boletšwego. Mafelelong a ka be a bile mme. Eupša, ga se a kgona go leta, o ile ka go yela.

²³⁶ Bjale, le a bona, ka gona, ka pejana ge a dirile seo, o amogetše bohlae le Lentšu, gomme bohlae bo be bo le kgahlanong le Lentšu. . . Le a kwešiša, e reng, “Amene.” [Phuthego e re, “Amene.”—Mor.] Le a bona? Ge bohlae bo ne Lentšu, gomme bo netefatša go ba le Lentšu, gomme Lentšu le itšweletša Lonamong ka selo sa go swana, gona ke Lentšu. Eupša ge bohlae bo le kgahlanong le Lentšu, gomme e sego le Lentšu, eupša bo leka go hwetša se sengwe go oketša go Lona goba go tloša go Lona, ke bja diabololo. [“Amene.”]

²³⁷ Gomme dipeu tša Moya wo Mokgethwa tša Beibele ga di kgone go mela ka boemong bja bohlae. Leo le bolaya seminare ye nngwe le ye nngwe ka nageng. Leo le thula mašoba thwi ntle go di kgabola, go di phontšha, gomme ka—ka kahlolo e elela ka gare. Yeo ke nnete. Le a dira ka nnete, le a bona, gobane Lentšu le ka se kgone go gola le bohlae, bohlae bja lefase. Le ka se e dire.

²³⁸ Efa o be a swanetše go dumela Lentšu bjalo ka ge Le be le filwe yena. A ke nnete? [Phuthego e re, “Amene.”—Mor.] O be a se a swanela go theetša le ge e ka ba mang gape a bolelago e ka ba eng ka Lona; feela ka tsela ye Le filwego go yena, yeo ke tsela ye a bego a swanetše go Le dumela. Go ka be go se gwa tsoge gwa ba lehu, ge a ka be a dumetše Leo. Yeo ke nnete.

²³⁹ Gomme monna goba mosadi yo a tla tšeago Lentšu la Modimo ka tsela ye Le filwego rena, a Le swara ka tsela ye Modimo a Le boletšwego, Ke Bophelo. Eupša go le hlakanya le bohlae tsoko bja mokgatlo tsoko, o hwa thwi fao, feela boka le dirile peleng. Leo ke Peu. Yeo ke tsela, yeo ke tsela Le dirilego nako ya pele, yeo ke tsela Le tla dirago nako ye nngwe le ye nngwe. Ka mehla Le dirile. Ge Modimo a dumelela, re tla netefatša seo ka Beibele, mosong wo. Yeo ke tsela e nnoši yeo Le ka kgonago go gola, ke go Le aroganya go go tšwa go go feng mabaka gohle, goba e ka ba eng gape, gomme feela go dumela Lentšu.

Efa o be a swanetše go Le tšea ka tsela ye Modimo a Le fago go rena.

²⁴⁰ Gomme ke hlagišitše gomme ke le boditše gore ke a dumela Modimo o bolokile le go lota Beibele ye, gomme ye ke tsela ye Modimo a mphago Yona mo. Ga ke nyake bohlae bjo bongwe. Ke nyaka feela tsela ye Modimo a e boletšego Mo.

²⁴¹ Bjale, ke a holofela ga ke le gobatše. Eupša ge Beibele e boletše gore ke swanetše go “sokologa,” E ra go sokologa; e sego go dira boipolelo, eupša go sokologa.

²⁴² Beibele e rile go nna ke swanetše go kolobetšwa, Leina la “Jesu Kriste,” ga se E re se sengwe gape. Ga se e re “Tate, Morwa, Moya wo Mokgethwa.” E boletše Seo.

²⁴³ “Gabotse,” o re, “Mateo 28:19 e rile, ‘Ba kolobetšeng Leineng la Tate, Morwa, Moya wo Mokgethwa.’” Yeo ke tlwa e bilego.

²⁴⁴ Bjale, ge yeo e se nnete, ge ba be ba se ba swara selo sa nnete, gona tumelo ye Petro a bilego le yona, go kolobetša Leineng la Jesu Kriste, le yohle Beibele ka moka, gona ba bile le ku—ku kutollo ya maaka yeo Modimo a e šegofaditšego. Yeo e Mo tliša thwi morago: A ka be a šegofaditše Efa mo mathomong, gona.

²⁴⁵ Leina la “Tate, Morwa, Moya wo Mokgethwa,” tšeo ke dithaetlele tše tharo. Go ne Leina le tee feela. O ka se kgone go kolobetša Leineng la Tate, Morwa, Moya wo Mokgethwa go fihla o kolobetša Leineng la “Jesu Kriste,” gobane leo ke Leina la Tate, Morwa, Moya wo Mokgethwa. Gomme Beibele yohle e ngwadilwe ntle bjalo. Motho mang kapa mang ka Beibeleng, a kilego a kolobetšwa, o kolobeditšwe Leineng la “Jesu Kriste.” Ga go motho ka Lengwalong, a kilego a ba kolobetša ka dithaetlele tša “Tate, Morwa, Moya wo Mokgethwa.” Gomme yo mongwe le yo mongwe o kolobeditšwe Leineng la—la “Morena Jesu Kriste” o kolobeditšwe Leineng la Tate, Morwa, Moya wo Mokgethwa.

²⁴⁶ Yo mongwe le yo mongwe o kolobeditšwe, dithaetlele tša “Tate, Morwa, Moya wo Mokgethwa,” o kolobeditšwe e sego ka go leina le gatee; thaetlele, boka modiredi, moruti, ngaka, eng go fetiša; tate, morwa, le motho, mosadimogatša. Dithaetlele!

O rile, “Ga e dire phapano ye e itšego.”

²⁴⁷ Gona bea thaetlele ya gago godimo ga tšheke ya gago, gomme e sego leina la gago, gomme o bone mo e yago. Uh-huh. O re, “Ke saena tšheke ye leineng la mosadimogatsantlo.” Gabotse, yeo e dira kgopolo ye ntši mo e tla e dirago gosedumele Lentšu la Modimo ge kutollo e robetše thwi fao pele ga gago. Nnete e tla dira. Le a bona? Nnete. Go lokile.

²⁴⁸ Le swanetše go Le dumela ka tsela ye Modimo a Le boletšego. Ga Le thulane Lonamong. Ge Le dira, o tle o mpontšhe. Uh-huh. Ga Le thulane Lonamong, le gatee. Sathane a ka Le thulanyo go wena, eupša a ka se kgone go Lentšu. Aowa. Kafao, Lentšu le ka se emele seo. Aowa, mohlomphegi. Ke selo sa lebaka la kgale,

gomme go nagannwe ka sona, eupša ga se sa tsoge sa netefatšwa le bjale.

249 A nke re lateleng methopo ye mebedi ye, goba ye o ka nogo e bitša maemo, gomme re bone se a se hlolago. A nke re a latele lebaka la metsotso e se makae. Boemo; bobedi methopo ye e tla hlola boemo.

250 Ke nyaka go le botšiša se sengwe. A o kile wa ya ka kerekeng. . . Ke—ke bolela se ka tlhomphokgolo bjale, le ka . . . go no dira ntlha; Modimo o a ganetša. A o kile wa ya ka kerekeng moo modiša ka nnete a lego kgokgorothwana? Phuthego e ka tsela ya go swana. Yeo ke nnete. Le a bona? Ke eng? Ke boemo bjalo bo e tlišitšego. Eya ka lefelong moo modiša a rego, “Bjale, ema motsotso, ga go selo se sebjalo ka ditšiebadimo tšeo. Ga ke dumele ka go selo se sebjalo bjalo ka phodišo Kgethwa, ka kolobetšo ya Moya wo Mokgethwa.” Le a tseba, o tla bona yo mongwe le yo mongwe, bona, phuthego. Ge ba sa . . .

251 Ge go ne ntšhu ka kua felotsoko, e tla tšwela ka ntle, magareng ga sehlopha sela sa mantsuana. Uh-huh. Nnete e tla dira. Therešo tlwa. O tla e tlogela. Ya. Ya. Ka nnete o tla dira. A ka se kgone go emela seo. Ke yena ntšhu. Ke yena nonyana ya go agelwa lefaufau, e sego ntlopolokelo. Ee, mohlomphegi. Bjale, šo yena.

252 Gomme bjale re hwetša ntle, gore, maemo ao. Gomme o tsena ka go e ka ba kae. . . dilo tšeo, fao tumelo e rutwago ka kerekeng, o tla hwetša kereke ka go boemo bjoo.

253 O Modimo! A nke—a nke ke tliše se go lena, kafao, o, ge le ka kgona go se bona. Le a bona? Eya . . . Ke lebaka leo batho ba tlogo magareng ga bakgethwa moo ba rapelago, badumedi. Paulo o rile ga se a hwetša le ge e ka ba ofe ka toropongkgolo, feela Timotheo, a bego a le wa Tumelo ye bohlokwa boka ye a bego a ne nayo, le a tseba. Ka moka ga bona ke makereke ya leina. Le a bona? Eupša ge a tsena ka boemong bjola, le a bona, o, o hwetša dilo di eya pele, tšeo boemo bo di hlotšego. O hwetša batho ba phela ka tumelo ge o tsena ka go lefelo moo e rego, “Nna, gobaneng, Beibele e a rereša. Modimo o a fodiša.” O sepela tikologong ya phuthego ya bona, o a hwetša, “Gobaneng, ke be ke ehwa ka kankere. Ke fodišitšwe.” “Ke be ke le sefofu. Ke a bona.”

254 Mosetsebj e re, “Fš! Nna! Eng, o ra . . . ? Bothata e be e le eng ka wena?”

255 “Ke tla go laetša go rekoto ya ka. Etna gae le nna. Etna, eja matena le nna gomme ke tla go laetša se sengwe. Ke ne rekoto godimo kua. Baagišani ba ka ba a tseba gore ke be ke le ka go mohuta wo wa seemo. Ke be ke golofetše, lebaka la mengwaga. Ke rapeletšwe.” Le a bona? Ke eng yona? Lentšu lela—lela ka kerekeng yela, sehlopha sela sa badumedi, se hlotše boemo bjalo.

256 Bjale, Lentšu le bjang, ka go bonolo bja Lona efela ka go go felela ga Lona, le ya go gola ka mehla ka go lefelo moo tsebo e

khupetšago Leo le go re, “Go ka se be bjalo”? Le a bona? Go ka se kgone. Kafao, moo tsebo e rerwago go tšwa seminarang, bana ba a hwa.

257 Moo tumelo e rerwago go tšwa go Lentšu, bana ba a phela. Amene. Yeo ke phapano, feela Bophelo le lehu.

258 Selo sa go swana se diregile ka serapeng sa Edene. Seo ke tlwa se diregilego go bona; maemo a mabedi fao. Ge Efa a tlogile go La nnete, go ya go la go fošagala, o hwile. Le a bona? E tla e dira, nako le nako.

259 Kafao, ga ba kgone go dula. Ge kereke ya gago e ne mohuta woo wa boemo, oo, ngwana, ge o nyaka go phela, dumela Lentšu.

260 Bjale, mo go ya go ba le lebola le lennyane bjale. Gomme ga ke ere ka tsela ya go kgadimola. Ke no . . . Ye ke go ruta. O swanetše, ge o thula mafelo a, o swanetše go tsetsemetša le go tšhuma, gannyane, le a bona.

261 Bjale ema. Go no swana le go swaya namane. Ke be ke hloile go dira seo, go swaya namane; moisa wa go šokiša yo monnyane. Re be re tla kitimela ntle kua. Gomme ga ke tsebe ge eba o kile wa kgoka namane, goba aowa, le—le—le—le go a bofa. O a a gwabela, le a bona, o fapakanya . . . Gomme moisa yo monnyane wa go šokiša! O kitimela tlase kua, o tšea tshipi ye ya go swaya ya go fiša, o e tshurumetša godimo ga gagwe. Oo, ngwanešu, go lebega go šiiša. Ge o fihla godimo, ka kgonthe e bile mantladima a go kitima. E no kitima le go raga, le go go goa le go golola, le go ya pele. Eupša, ke a le botša, ba tsebile, go tloga nako yeo go ya pele, ke ya mang. Yeo ke nnete. Ba tsebile ke ya afe—afe mafulo. Ga go metlae ka yona nako yeo.

Kafao, a re swayeng. A re swayeng. Ee, mohlomphegi.

262 Ge ba rile, le a tseba, le . . . Lena, ba bantši ba lena, le badile goba—goba le opetše *Cowboys Meditation*, le a bona. Gomme ya ngwaga o tee ye e timetšego, ge ba e gapela ka gare, la mafelelo kua, mo go kgobeleng; ya ngwaga o tee ye e timetšego, ba no dira moro ka yona, gobane ga a ne leswao godimo ga gagwe, le gatee. Gomme ka moka ga tšona di ya mafulong a tšona beng. Eupša molaodi wa kgoboketšo o tseba dikgomo tša gagwe, kafao ge o . . . Go swaya go a gobatša.

263 Bjale lebelelang. Sathane a ka kgona go netefatša ka saense, ka bohlale bja gagwe. . . Bjale ke ya go raloka karolo ya ngaka mo, metsotso e se mekae. Sathane a ka kgona go netefatša ka saense, ka bohlale bja gagwe, gore mobu wo a bego a eya go o fa, bakeng sa lešika la batho go bjala ka go wona, o be o ne divitamine. Nnete o dirile. O be a ka kgona go e netefatša ka saense. Ka saense ba ka kgona go netefatša e ka ba eng ba nyakago, go nyakile. Le a bona? Nnete.

264 O bile le vitamine B, “boipshino, botsebalegi.” Bjo bo ka go wona. Bjo bo ka mobung wa gagwe wa bohlale. Nnete. Nnete.

Boipshino bjohle bja bofefase, dipontšho tšohle tša diswantšho, ditanse tšohle, tšohle, eng kapa eng. “Eya pele. Yeo ke nnete. Go ka se kweše selo bohloko. Nnete.” Le a bona? Botsebalegi. “Oo, le kereke ye kgologolo e lego ka toropongkgolo.” Go lokile.

265 E na le vitamine M ka go wona, ye e bitšwago “monagano wa tlwaelo.” “Go dira lebaka, le a bona.” Ya.

266 E na le vitamine M ka go wona, e bego e ra “go fa mabaka.” Ya, o be a ka kgona go fa mabaka. Eupša, o a bona, yeo e ka se šome.

267 O bile le vitamine bots, B, ka go wona, e rago “botse.” Sathane ke yo mobotse. Sebe ke se sebotse. Gomme ge sebe se thoma go ba bontši le bontši, ke mo se bago botse go fetiša.

268 Re ne ngwako wo mokaonekaone bjang lehono go feta ngwako wa dikota? Ke wo mobotsebotse gakaakang? Basadi ba rena ke ba ba botsebotse gakaakang lehono go feta ka mo ba bego ba le? Le a bona? Florida ke ye botse gakaakang, e bego e le bjale, le ka mo Modimo a e hlotšego? Le a bona?

269 E ne bobotse. Ke ba bakae ba tsebago gore Sathane ke bobotse? Gomme o be a hlologetše bobotse, gomme o lekile go hlola bobotse, mmušo wo mobotse kudu, le go ya pele. Nnete. Re tseba seo. Sathane o ka go bobotse.

Bjale hlokomelang. O bile le vitamine M, e lego go fa “mabaka.”

Vitamine B, e lego “bobotse.”

270 Vitamine S, e lego “sebjalebja.” “Oo, o nyaka go ba wa sebjalebja.” E no tšea tsebo ya gagwe gomme o hwetša ntle ge eba ga o dumele dilo tšeo. E tla gola thwi ka go wena. Vitamine yeo e tla tla thwi godimo mo o dutšego.

271 Moisa tsoko o emela godimo, o go fa ye nngwe ya tsebo ya gagwe, “Bjale lebelelang, bagwera. E tla ba eng ge re tšere ye kgolo ye, ntlothapelo ya go ratega mo gomme re bile le go goeletša go gontši, le go lla, le go bolela ka maleme, le go kitima tletlolo le tlase lebatong, re pukutla lekebu ka molomo boka dimpša tša go gafa? Gomme—gomme le nagana meyara wa toropokgolo o tla reng, poto ya matikone, ge re dumelela dilo tše bjalo ka tšeo go tla ka mo?” Oo, nnete, ke sebjalebja.

272 “O nagana batho ba rena ba ka ema tlase kua mokgotheng, ka tamporine ka seatleng sa bona? Gomme go ka dira eng ge bokgaetšedi ba rena ba ka tla ka wo mogolo, moriri wo motelele o lekeletše fase? Gomme basadi ka moka ba kereke ba eya go kgabola toropo, ‘Lebelelang kua. Lebelelang kua.’ Gobaneng, mopresitente wa kereke ye, goba e ka ba efe, le a tseba, ‘Gabotse, lebelelang, lebelelang kua. O lebega boka mohuta wa kgale, a ga a? Thaere ya gagwe ya komana e phohlile ka morago.’” Le a bona? Le a tseba, sengwe boka seo.

273 “Re nyaka go ba ba sebjalebja.” Le a bona? Bjoo ke bohlale bja diabolo. Ke seo bo se godišago. Yeo ke vitamine yeo e leo ka mobung, yeo e tlogo ntle ka go setšweletšwa seo o se tšweletšago. Eya pele, wena Isebele wa sebjalebja. Go lokile. Sebjalebja, boka basadi ba lehono. Nnete. Oo, sebjalebja. “Gabotse, batho ba sebjalebja kudu ba toropo ba tla tla kerekeng.” Nnete. E ne . . . Gobaneng? Ba gola ka go vitamine yela ya sebjalebja.

274 Vitamine ya go fa mabaka, go lokile, ba gola ka go yeo. Le a bona? Ke seo e lego sona, go fa mabaka. Eupša ka pejana ge o thoma go golela ka go yeo, o hwile go Lentšu. O swanetše go gana Lentšu pele o ka kgona go ba seo. Le a bona?

275 Tsela e nnoši o ka tsogego wa ba modiradibe ke go gana Lentšu la Modimo. Sebe ke eng? Gosedumele. Gosedumele ka go eng? Lentšu la Modimo. Le a bona? O swanetše go gana Lentšu, pele.

Bjale, oo, ke na le e ka ba bontši divitamine tše lesome di ngwadilwe fase mo.

276 Eupša vitamine e tee še yeo a šitilwego go ba botša. O bile le vitamine L ka kua. Yeo ke vitamine ye kgolokgolo ka kua, dipoelo, “lehu.” Le a bona?

277 Ke sehlopha sa batho ba go apara botsebotse, ba sebjalebja kudukudu ba lego, kereke ye botse kudukudu, mokgatlo wo mogologolo, le a bona, wa sebjalebja kudukudu o le gona, wo mobotse kudukudu o bego o le gona, dilo tša go hlaka kudukudu di ka kgona go boletšwa. “Gobaneng go sa . . .”

278 “Ge Modimo a re dirile sebopiwa sa Gagwe, gobaneng A ka ahlola basadi ba go lebegeng bokaonekaone bja bona, go ba le moriri wo mokopana? Gobaneng A ka ahlola meikapo wo monnyane?”

279 Gabotse, O bile le o tee ka Beibeleng yo a o dirilego, gomme O mo lešitše dimpša. Kafao e nong go nagana ka seo, le a bona. Seo ke tlwa.

280 “Gobaneng a ka—gobaneng Modimo a ka? Gobaneng, nna, ga A re letela go phela ka morago ga Beibele yela.” Ka nnete O dirile. O boditše Efa o swanetše go phela . . . Goba, O boditše . . .

281 Jesu o boletše, gore, “Motho o phela ka Lentšu le lengwe le le lengwe, Lentšu le lengwe le le lengwe le tšwago molomong wa Modimo.” Ke mang a boletšego seo? Jesu. A ke nnete? O rile, “Ge motho le ge e ka ba mang a boletše eng go fapana, a ebe moaketši; Lentšu la Gagwe ebe therešo.” “Magodimo le lefase di tla feta, eupša Lentšu la Ka le ka se ke.” Ke lena bao.

Kafao vitamine L e robetše ka go fomula ya gagwe, sebjalebja. Yeo ke nnete.

282 Bjale, eupša, peu Lentšu ya Beibele e ka se kgone go gola ka mobung o mobjalo. Motho a ka kgona bjang go ya ka go e tee ya dikereke tšeo tša sebjalebja bjale? Moya wa Modimo o

etla godimo ga yona, gomme ba—ba nyaka go goelela, “Letago go Modimo! Haleluya!”

283 Le a tseba eng? Gobaneng, o tla dira moreri go metša thero ya gagwe. Gobaneng, ke a le botša. Ke—ke kgona go no mmona a re, “Uhm.”

284 Gomme tšona ditlhame tšohle kua, di tamola molala wola go dikologa, le a tseba, di lebelela tikologong, go bona. “Gabotse, ke eng e boletšego seo?”

285 Kagona, metsotso e se mekae, moreri o tla re, “Jesu Kriste, Morwa wa Modimo.”

“Letago go Modimo! Yeo ke nnete.”

286 “Uhm,” matikone. Huh! O, o mojako, metsotso e se mekae. Ba tla go lahlela thwi ka ntle. Le a bona?

287 Lentšu le ka se kgone go gola fao, le no se kgone go e dira. Aowa, le no se kgone go e dira. Le a bona? Gabonolo le no se kgone. Le a bona?

288 Gomme ka gona o a tla, o peita mpholo wa gagwe godimo ga Lona, go leka go bolaya tlhako ya Bophelo ka go wena. “Bjale go ne sehlopha sa batho ka nageng lehono, seo se dumelago gore Modimo o a fodiša. Gobaneng, nnete, re a tseba, kgopolo ya go hlaka e laetša gore Modimo o re file dingaka, go fodiša.”

289 Bjale, a botšiša ye botse, ya go kwega ngaka ge eba ke mofodiši. O tla go botša, “Aowa, mohlomphegi. Nka kgona go tloša leino, eupša nka se kgone go fodiša lešoba le le tšwelego go lona.” Yeo ke nnete. “Nka kgona go beakanya letsogo, eupša nka se kgone go le fodiša.” Nnete ka kgonthe. “Modimo ke Mofodiši.” Le a bona?

290 Bjale, selo se sengwe se ya go tsoge sa gola bjang ka go selo se sebjalo? Peu Lentšu e ka tsoge ya gola bjang ka go se sebjalo? E tla no se dire. E ka se kgone go gola ka go mohuta woo wa boemo. E tla no se dire ka nnete.

291 Eupša tumelo e gola ka go vitamine e tee feela. E ne vitamine e tee feela. Ga ya swanela go ba le motswako ofe, le gatee. Tumelo e gola ka go vitamine e tee, yeo ke Lentšu. Ke selo se nnoši seo tumelo e kgonago go gola ka go sona, ke Lentšu. Gomme tsela e nnoši e ka kgonago go gola ke ka gobane e dumela Lentšu, gomme e swanetše go tšea Lentšu lohle le go dumela. Ke therešo. Gomme vitamine ya tumelo e peletwa ka lentšu le lennyane la ditlhaka tše nne, B-o-p-h-e-l-o [Ka Seisimane: L-i-f-e—Mof.], “Bophelo.” E ne vitamine B, tumelo e nayo. Tumelo e ne vitamine B.

292 Bohlale bo na le vitamine B; vitamine M; boipshino; le vitamine go fa mabaka; vitamine, divitamine tšohle tše dingwe tše. Tšona, tum- . . . mab- . . . Tsebo e na le sohle seo. Le a bona? Bohlale bo ne sohle seo, bo e fela lebaka.

293 Eupša tumelo e ne selo se tee feela: Bophelo. Ke bjohle bo tla dulago. “Lentšu la Gago ke Bophelo. Lentšu la Gago ke Therešo. Ke Yena Lentšu, Tsela, Therešo, Seetša.” Tumelo e kadietše thwi fao feela. Ke phetho. Gomme e ka se e tšee. Bophelo bja Moya wo Mokgethwa, Bophelo bjo Bosafelego, fao ke ka moo tumelo e golago: Lentšu, Zoe, Bophelo bja Modimo Mong. Leo ke lefelo le nnoši leo tumelo e kgonago go šoma, ke ge tumelo e ekwa Lentšu gomme e dumela gore Ke Lentšu la Modimo. Gona, ka go Zoe yela, e a gola gomme e tšweletša se Lentšu le se boletšego.

294 Modimo, O dirile bjang lefase? A le a dumela gore lefase le be le le ka megopolong ya Modimo? Nnete, le be le le, le swanetše. O le dirile bjang? O nno bolela.

295 “O ya go hwetša kae dilo?” O ka tsoge wa kgona bjang go fana mabaka le Modimo, wa re, “Modimo, O ya go tšea kae materiale, go—go dira maswika go tšwa go wona? Ke kae mo O?” A tšwa digaseng. “O tšere kae gase, Morena?” Le a bona? “O dirile bjang meetse? Fomula ke eng? H₂O. O tšere kae haedrotšene, oksitšene kae?” Le a bona? Yeo ke yona. Le a bona? E no se dire tlhaologanyo.

296 Modimo o rileng? E be e le ka megopolong ya Gagwe. Gomme megopolo ya Gagwe ke Lentšu la Gagwe, pele Le hlagišwa. Ka gona ge megopolo ya Gagwe e rile, “A go be,” gomme go bile. Yeo ke yona. Fao ke mo tumelo e robalago.

297 “Ka . . . tu . . .” Bahebere 11 e rile, “Ka tumelo lefase le hlotšwe.” Lefase le dirilwe ka tumelo. “Modimo o dirile lefase go tšwa go dilo tše di sa bonalego.” Ka tumelo Modimo o boletše lefase go ba gona, gobane e be e le—e be e le Lentšu le le nagannwegopele. Eupša ka pejane ge A le boletše, la ba bophelo.

298 Bjale o ka kgona go re, “Ke dumela Leo, Ngwanešu Branham.” Ka pelong ya gago o ka kgona go Le dumela. Morago wa e hlagiša, “Ke a Le dumela.” O se tsoge wa Le fetola, le gatee. Dula thwi le Lona. Šetša se se tla melago go tšwa go lona. E tla tšweleletša Lentšu, gobane ke tumelo. Le a bona? Bohlale bo a go tloša. Tumelo e go tliša go Lona. Le bona seo?

299 Leo le ripa thutotumelo ye nngwe le ye nngwe ya madirwa ke motho, e ripa sekolo se sengwe le se sengwe sa go ithuta, ša thutamodimo ya madirwa ke motho, le no e ratha go tonya. Šebao fao, profesa ya bona, D.D., Ph.D., L.L., Q.U.D., gomme baisesa bohle ba ba swanetše go ya sekolong le go ithuta saekolotši le dilo tšohle tše dingwe tše. Go Selo se tee feela a se tlogelago ntle. O itšweletša bjang yenamong ka saekolotši, le mohuta wa diaparo go apara, le ka fao a swanetšego go re “amene” feela bjalo, gomme, oo, ditšiebadimo! A nke . . .

300 Išwang ke Moya wo Mokgethwa. Barwa ba Modimo ba išwa ke Moya wa Modimo, e sego bohlale bja seminare. Eupša Moya wa Modimo o iša barwa le barwedi ba Modimo. Nnete. Ke therešo. Amene.

301 Bjale, ntšhetša ntle thutotumelo ye nngwe le ye nngwe, sekolo se sengwe le se sengwe sa go ithuta, thutamodimo ye nngwe le ye nngwe ya madirwa ke motho. Ga go makatše ga ba kgone go dumela; ga go selo ka kua go Lona go gola go sona. Le a bona? Ba ne vitamine M, go fa mabaka, goo re swanetšego go go lahlela kgole. Vitamine botsebalegi, vitamine boipshino, “Go no swanela go ba le boithabišo bjo bonnyane.” Boithabišo bja mohuta mang? “Oo, go tšwela ntle le go hwetša go tagwa go gonyane, gatee ka lebakana, le a tseba. Go no ba le boithabišo bjo bonnyane; go ka se dire phapano efe.”

302 Le a tseba, dilo tše nnyane boka tšeo fao, di no ba tšeo tšohle, vitamine yeo yohle. Le a bona? Gomme vitamine ya mohuta woo e ya go tsoge ya godiša Lentšu bjang, le le ganago vitamine yeo? O ya go e dira bjang? Le a bona? Lentšu le gana yeo. “Ge o rata lefase, goba dilo tša lefase, lerato la Modimo ebile ga le ka go wena,” go boletše Beibele. Le a bona? Kafao la Modimo le bjang—bjang. . . Lentšu la Modimo le ya go gola bjang ka tlase ga divitamine boka tšeo?

303 Go tšea vitamine ye e itšego ka mobung go tšweletša thoro. E swanetše go ba ka go mohuta wa maleba wa mobu. Re ya go yona, nthathana gannyane. Le a bona? O swanetše go ba le mohuta wa maleba wa mobu, goba o ka se godiše thoro. O tšea mabu a a itšego, o ka se godiše *ye*, gomme o tla godiša se sengwe gape. Mobu wa lešabašaba, vitamine ya go fapana, le go ya pele, o godiša dilo tše di itšego. Ge e sa dire, gobaneng, o ka se e hwetše, e tla no se e godiše. Yeo ke phetho.

304 Bjale, ngwang o tla mela botse kgauswi le e ka ba kae, mohuta e ka ba ofe wa mobu. A yeo ga se nnete? [Phuthego e re, “Amene.”—Mor.] Ngwang wa kgale wa kereke ya leina o tla gola mo gohle.

305 Eupša, ke a go botša, ngwanešu, ge o nyaka go tšweletša dikenywa tša Bophelo, e swanetše go tšwa go Lentšu. Yeo ke nnete. Yeo ke nnete. Nnete. Go lokile.

306 Ke a holofela ga ke le tšee botelele kudu, mosong wo. [Phuthego e re, “Aowa.”—Mor.] Le a bona? Bjale, o se ke. . . Le a bona? Go lokile.

307 Ga go makatše ga ba kgone go dumela; ga ba ne selo go phela ka go sona. Jesu o boletše ka bona ka go Mateo tema ya 13 gomme temana ya 1. A re nong go phetla godimo mo le go bona ka mo Jesu a boletšego ka yona, dilo tše tšeo re bolelago ka tšona. Mateo tema ya 13, gomme ka gona temana ya 1.

Letšatši la go swana Jesu o ile ka ntle ga ntlo, gomme a dula thoko ga lewatle.

Gomme mašaba a magolo a be a kgobokane. . . go yena, go fihla a ile sekepeng, gomme a dula fase; gomme lešaba ka moka la ema lešing.

Gomme a bolela dilo go bona, gomme a bolela dilo tše dintši go bona ka diswantšho, a re, Bonang, mobjadi o ile pele le go bjala peu;

Gomme ge a šetše a bjetše, peu ye nngwe ya wela thoko ga tsela, gomme dinonyana tša tla tša di metša:

Tše dingwe di wetše mabung a lekgwara, gomme ge di se ne mobu o montši: gomme ka gore le tšona di medile godimo, gobane di be di se ne matebo a lefase:

Gomme ge letšatši le le godimo, tša tlaboga; gomme di tlile. . . gomme ka gobane di be di se ne modu, tša omelela.

. . . tše dingwe di wetše magareng ga meetlwa; gomme meetlwa ya tabogela godimo, gomme ya di kgama ntle:

. . . dingwe tša wela ka mobung wo mobotse, gomme tša tšweletša tše dingwe, tša tšweletša dikenywa, tše dingwe lekgolo, . . . masometshele- . . . le masometharo.

Yo a nago le tsebe ya go kwa, a a kwe.

308 E sego bohlale. "Ditsebe," le a bona, go lokile, "go kwa." Go lokile.

309 Hlokomelang. O rile tše dingwe di ile pele, ge Peu e ile pele, rerile Lentšu.

310 Tše dingwe di wetše thoko ga tsela; go no swana le meetse mokokotlong wa lepidipidi, a kitima thwi go theoga.

311 Tše dingwe di wetše godimo ga mobu wa lekgwara, lekgwara, o no ba le lerole le lennyane le foketšwe godimo kua. Gomme ya tabogela godimo, eupša ga se ya ba le medu, ga go lefelo go bea medu ya yona. Bjale ke ya go swantšha mo, gomme ke a holofela ga ke gobatše maikutlo. Le a bona?

312 Yeo e be e le kereke ya Katoliki. Ba rile ba agilwe godimo ga leswika. Ke tla dumelelana le bona. Ka nnete ke tla dumelelana le bona. Yeo ke nnete. Yeo ke nnete. Ga go lefase ka fase ga yona, le gatee, ga go lefase godimo ga yona go gola go tšwa go lona. Gobaneng? E be e ka se kgone go tšweletša. . . Ba be ba ka se kgone go tšweletša vitamine ya Beibele, gobane ebile ga ba dumele ka go Yona. Thuto ya bona ke dithutotaelo, yeo ke nnete, thutotaelo ya Roma, ga go Lentšu ka go yona, le gatee. Le a bona? E wetše godimo ga maswika; bjoo e be e le bohlale bja godimo. Oo, ngwanešu, ke a go botša, ba na le yona ka tsela ya godimo. Ba e neela ka tsela ya saekolotši, le meago metona ye megolo, le roko ye kaone, e lebega boka badimo ba bakgethwa, ya baprista le se sengwe le se sengwe gape.

313 Ke ba bakae ba kwelego bopaki bja lenune le lennyane lela le sa tšwago go ya ka ntle? Le na le bjona mo? Ke nyaka bjoo bo ralokwa Laboraro le lengwe bošego mo kerekeng, gomme motho

yo mongwe le yo mongwe mo o swanetše go ba le bopaki. Yo mongwe wa bona o ntatetše nako ye telele. Ka fao ba . . .

314 Ke ile tlase ka kua Mexico, nnamong, le go bona yona melete wa kalaka, melete moo wona masea a manune; ge baprista ba eba le wona ka bona, masea; moo ba fišitšwego ka go yona melete ya kalaka, le dilo boka tšeo. Seo ke se se dirilego bokomonisi go tsogela godimo ka Mexico. Ba thubile botlaela bjola. Seo ke se se dirilego bokomonisi go tsogela godimo ka mošola.

315 Le se ke la tsoge la boifa bokomonisi. Modimo o šomiša bokomonisi. Ga ke dumele ka go bjona. Ke bja diabololo. Eupša Modimo o tšea diabololo le go tla morago go dikologa, boka A dirile ka Kgoši Nebukadinetsara, le go tla godimo le go swara Israele. Le a bona? Ya. Šetšeng le go bona ge eba Beibele ga e e netefatše. Le lengwe la matsatši a re tla ya ka go yona. Modimo o e tsoeditše godimo, go lefetša bana ba Modimo, go mmalegogwana yola wa kgale. Seo ke tlwa se Beibele e se boletšego. Ya. E rile, “Ba tla mo fiša ka mollo, gomme o tla tla go bofelolo bja tshenyego ya gagwe.” Seo ke tlwa se yago go direga go yena, le yena. Šoo fao.

316 Yeo ke yona e wetšego godimo ga matlapa, feela mobu wo monnyane bjalo go fihla selo se sa kgone go gola. Se hwile. Ka gona, bjoo e be e le bohlale bja ka godimo.

317 Ka gona tše dingwe di wetše godimo ga mobu wa Protestant, eupša, morago ga lebakana, bohlale bjo bogolo bja dikereke tša maina tše kgolo bja di kgama, bo kgamile Moya ntle. “Matšatši a mehlolo a fetile. Ngak. *Semangmang* o boletše *bjalo le bjalo*. Le a bona? Ga go selo se sebjalo.” Go no phethagala, go kgama tšohle. Go kgama eng ntle? Go kgama Moya ntle, bakeng sa bohlale. Le a bona?

318 Moya wo Mokgethwa o wele ka matšatšing a Martin Luther. Moya wo Mokgethwa o wele ka matšatšing a John Wesley. Moya wo Mokgethwa o wele ka matšatšing a pelepele a kereke ya Pentecostal. Eupša dikereke tša maina di dirile eng? Ka bohlale bja tšona, di O kgamile ntle. Di kgamile ntle eng? Peu. Peu ke eng? Lentšu. “Ga Le re Seo. Le ra se, fao.” Le a bona? Ba e hweditše. . .

319 Bjale, banna ba bantši ba pelo tša go botega ba badiredi bao, ke kopane le bona, ka dula fase le go bolela le bona, ebile le ka thuto ya kolobetšo le dilo tše dintši. Ke kgopetše e ka ba mang go tla, go e ahlahlala. Ba rile, “Ngwanešu Branham, ge re ka dira seo, kereke ya rena e tla re bea ka ntle.”

320 Ke rile, “Ke mang? Ke mang a lego kudu go wena, Lentšu la Modimo goba kereke ya gago?” O ka se tsoge wa ya kgolekgole, ka go lerole leo la kereke ya leina. Le a bona? Le a bona? Go lokile. Ge e gana Lentšu, e fošagetše. Le a bona? E laetša bohlale bja yona bja madirwa ke motho.

³²¹ Bjale, Maprotestant ba le dirile go kgamega ntle. E kgamile Moya thwi go tšwa go bona, ge ba thoma go tšea bohlale sebakeng sa tumelo ka go Lentšu; bohlale ka go mokgatlo, bohlale bja mokgatlo sebakeng sa tumelo ka go Lentšu. Bohle le kwešišago seo, e reng, “Amené.” [Phuthego e re, “Amené.”—Mor.] Le a bona? Tumelo ka go seo se—se sehlopha sa banna, ba Methodist, Baptist, Presbyterian, Pentecostal, Maebangelical, le bohle ba tlilego mmogo. Gomme ka pejana ke ba go bopa mohlakanelwa wa kereke, wo o tla bago “seswantšho sa sebata.” Gomme o tla ba le maatla a go swana ka go setšhaba se, Kutollo 13:11, wo ba nago le wona godimo kua; gomme o tla hlola tlaišo godimo ga bakgethwa, go no swana le ge ba dirile mathomong, ke—ke kereke ya Roma. Le a bona? Fao ke mo e lebantšego thwi godimo bjale.

³²² Gomme ke ka baka le Lentšu le bjalgwago thwi bjale, mogohle, “Tlogang go tšwa go go yona. Tšwelang ka ntle ga yona.” Le a bona?

³²³ Bjale, bohlale bo o kgamile ntle. Bohlale bja bona beng bo kgama Moya wo Mokgethwa go tloga go bona. A nke ke e netefatše go lena, ka Beibeleng, Kutollo, tema ya 3; moo re sa tšwago go ya go kgabola mabaka a kereke. Jesu o kgamilwe go tšwa go Kereke ya Gagwe, gomme o be a le ka ntle; a leka go kokota mojako, go tla morago ka gare. [Ngwanešu Branham o kokota godimo ga phuluphithi—Mor.] Uh-huh. Seo ke tlwa E se bolelago. “Ke eme mojako le go kokota. Ge motho e ka ba mang a ka nyorwa, ge a ka no Ntumelela ka gare, Ke tla tla.” Eupša ga go yo a butšego mojako. Le a bona? Ba Mmeile ka ntle. E be e le eng? Ba bile . . . Peu e wetše godimo ga bona. Le a bona? Le a bona?

³²⁴ Eupša tše dingwe di wetše ka moeding wa tšaišego. Peu ye nngwe e ile godimo ka go moedi wa tšaišego. Bjale, ke moeding mo o hwetšago meetse, mobu wo mokaonekaone. Ge o tšea yo mongwe a iteilwego tlase go fihla a bile le thutamodimo yohle e iteilwe go tšwa go yena, e segilwe go tšwa go yena, go dirilwe metlae ka yena, moo a kgabotšego ditšhilo le go e šila yohle go tšwa go yena, go fihla tšhipi e le komana go šoma, o tla hwetša ntle go ne monola tsoko tikologong fao. Yeo ke nnete. Ka moeding, moisa yoo o hlomilwe godimo ka moeding, o ragetšwe ka ntle ga mokgatlo wa gagwe. O “fase ka ditlakaleng,” ba e bitša. Le a bona? E sego ditlakala, eupša “moedi,” re a rutwa. Tlase ka moeding, le a tseba, fao ke mo Lili e golago, le gona, le a tseba. Uh-huh. Uh-huh. Yeo ke nnete, le a bona, “Ka moeding.” Go lokile. Tše dingwe di wetše ka moeding wa ditšaišego, moleko wo mothata. Tše dingwe tša tšona Peu di wetše ka kua, moedi wa ditšaišego, meleko ye methata, go bitšwa se sengwe le se sengwe boka Lili e biditšwe, “Beletsebubu,” e dirilwe metlae.

³²⁵ Eupša ka moeding ke dinoka tša meetse. Pesaleme 1, e rile, “Mošegofatšwa ke monna.” A nke ke no e bala. A nke ke no le laetša se se lego ka moeding wo. Se, Dipesaleme . . . Ke naganne

ke be nka se be le nako, eupša re tla no tšea nako, le a bona, go bala ye, le a bona, go ba le ye mo. Re ya go bala ye le go bona se monna yo a lego tlase mo, feela fao a bjetšego. Ge a bjetšwe godimo ga . . . godimo ga leswika la leganata la lerole, moo go sego mobu le gatee, goba o bjetšwe ka moeding? Go lokile.

Mošegofatšwa ke monna yo a sa sepelego a lailwe, bohlale . . .

Amene. Amene. Amene. Amene.

. . . a sa sepele a lailwe ke bahlokamodimo, . . . emego ka tseleng ya badiradibe, . . . dulago setulong le bakweri.

Eupša lethabo la gagwe ke ka go molao wa MORENA, Lentšu; gomme ka go molao, Lentšu, a o akanya mosegare le bošego.

Gomme o tla ba bjalo ka mohlare wo o bjetšwego dinokeng tša meetse, . . .

326 “Dinoka.” Ke eng seo? Dimpho tše senyane tša moya. Dinoka tša “Meetse” a matee, Moya wo motee. Meetse a matee, eupša a etšwa methopong ye senyane ya go fapana, dinoka tša Meetse. Le a bona?

. . . dinoka tša meetse, se se tšweletšago kenywa ya gagwe, kenywa ya Moya, ka sehla sa gagwe; matlakala a gagwe gape a ka se pone; gomme tšohle a di dirago, di tla atlega.

327 Le a bona, tše dingwe di wetše fase ka go moedi wola kua, moo dinoko tše di lego. Gomme di tlišitše. . . A le lemogile? Ke nyaka go hwetša se sengwe gape. E dirile eng? E wetše fase, ka nokeng. . .

328 Ga se ya bewa ntle. O tla ba bjalo ka mohlare wo o “beilwego ntle, tlošitšwe go tšwa go *le go ya go lela*”? O “bjetšwe.” Eng? Kgethelopele. Mogopolo wola wa Modimo, pele ga motheo wa lefase, e mmeile kua. Le a bona? E sego go kgomaretšwa ntle, e sego ka mahlatse; eupša o “bjetšwe,” o kgethetšwepele (eng?) go dinoka tša Meetse. Oo!

329 “Modu wa gagwe o ka se pone.” Oo, haleluya! “Le ge a ka hwa, Ke tla mo tsošetša godimo gape ka letšatši la mafelelo.” Yeo ke nnete.

330 O kgethetšwepele go ba Kua, e sego feela ka mahlatse. O kgethetšwepele go swara Lentšu lela ge Le be le bjalwa. Gomme o tla ba thwi kua. Ge e kgomarela, o kua. O bjetšwe, e sego feela go kgomaretšwa fase. O bjetšwe ka nnete. Yeo ke nnete. Phapano ye ntši: go hlomela phata ka mobung, go na le go bjala se sengwe. Ke phapano. Peu e bjetšwe; E hwetša mašoba a modu wa Yona mong. Ge Meetse a thoma go tla ka gare le go thuba Bophelo bja yona, Moya, e thoma go re . . .

O re, “Go ne dimpho tše senyane tša moya.”

O rile, “Amene.”

“Jesu, wa go swana maabane le go ya go ile.”

“Amene.”

“O sa fodiša feela boka ka mehla A dirile.”

“Amene. Amene. Amene.” Le a bona?

³³¹ O bjetšwe dinokeng, dinoka di tla go tšwa lehlakoreng le lengwe le le lengwe, dinoka tša Meetse. Ga go makatše o ka se pone. Ga go makatše, o bjetšwe. Tše dingwe tša tšona Peu e wetše godimo kua. A ka se hwe. E thwi ka go moela wa Bophelo. O tšweletšapele o tšweletša. Yeo ke nnete. O goga Bophelo bja wona go tšwa go tšona dinoka, “dinoka,” Testamente ye Mpsaha, Testamente ya Kgale. Amene. Go no fepša, thwi go ya pele go kgabola! Oo, ngwanešu!

A le ya go Mo rata? Amene.

A le ya go Mo tumiša? Amene.

A le ya go Mo rapela? Amene.

Amene. Amene.

³³² Ee, mohlomphegi. Ee, mohlomphegi. Oo, ke rata seo! A ga le? [Phuthego e re, “Amene.”—Mor.] Ee.

. . . tšweletša pele ya gagwe, tšweletša *pele ya gagwe* kenywa *ka go sehla sa gagwe*; . . . (Genesi 1:11)

³³³ “Tšweletša pele dikenywa tša gagwe.” Dikenywa tša eng? Tša eng dikenywa? Dikenywa tša gagwe. Dikenywa tša eng? Dikenywa tša Gagwe Mong. Ke kenywa ya eng? Beibele. Le a bona? Yona yohle e mo. Kenywa, lerato, le mo ka Beibeleng. Lethabo, mo ka Beibeleng. Maatla, Moya wo Mokgethwa, dilo tšohle tše mo, phodišo Kgethwa, ditshepišo tša Modimo, tšeo ke dikenywa. Šo Wona. Gomme ge a bjetše ka go Wo, wo o bjetšwe ka go mo—mo mohuta wa maleba wa mobu, ka go tumelo. Tumelo e dira eng? Tumelo e thoma go O godiša, amene, thoma go o sepedišetša godimo mo. Le a bona? Yeo ke yona; o e sepediša godimo. Nnete. “O tla ba bjalo ka mohlare wo o bjetšwego meetseng; o tšweletša pele kenywa ya gagwe ka go sehla.”

³³⁴ Bjale, ke mohuta mang wa kenywa o tla e tšweletšago pele? Johane 14:11, Johane 14:12, O rile, Jesu o rile, “Yo. . .” Ke a dumela ke Johane 14:12. Gomme Jesu o rile “Yo a dumelago go Nna, mediro ye Ke e dirago o tla e dira le yena.” Gobaneng? Lentšu la go swana le ka go yena. O be a le Lentšu. A ke nnete? [Phuthego e re, “Amene.”—Mor.] “Gomme ge le dula ka go Nna, gomme Mantšu a Ka ka go lena, kgopelang se le se ratago.”

³³⁵ Ke be ke bolela le Ngwanešu Evans morago mo, e sego telele go fetile. O tla godimo mo. O otlela bokgole bjo! O lahlegetšwe ke koloi ya gagwe. O dula godimo kua ga Miller, o tlogetše senotlelo ka go yona, yo mongwe o tlile mmogo gomme a e utswa. O be a ne se sengwe le se sengwe a bego a ne sona, ka go yona. O tlile godimo. O, yena le Ngwanešu Fred, le Ngwanešu Tom, bangwe ba

bona, ba tlile godimo ntlong. Gomme ba rile. . . Gabotse, o be a lebega boka segotlane se sennyane se tšeetšwe pongpong ya sona go tloga go yena; yena, a nno otlwa gohle ntle, le a tseba. O rile, “Ke no se tsebe se ke yago go se dira.” Ke rile, “Gabotse, . . .”

³³⁶ Bjale ke eng? Bjale, ba etla, selo sa pele ke eng? Go ya go Lentšu; go kgopela Tate. “Ge le dula ka go Nna, gomme Lentšu la Ka ka go lena, kgopelang se le se ratago.” Eng? Dulang le Lentšu, e nno go dula thwi le Lentšu.

³³⁷ Ke rile, “A re rapeleng.” Re ile fase godimo ga lebatso, gomme ra thoma, go rapela.

³³⁸ Gomme ge re sale fao, re be re rapela, ke rile, “Tate, ke tla go Wena, ka Leina la Morena Jesu. Ngwanešu šo yo a fetšago, šomago feela matšatši a se makae ka beke. Diatla tša gagwe, tšohle di teilwe godimo, go tšwa go lokišeng mantlhekege a kgale a dikoloi le dilo boka tšeo, go hwetša tšhelete ya go lekanela go otlela dimaele tše makgolo a lesomenne goba lesometlhano Lamorena le lengwe le le lengwe, go tla ka gare dikopanong. O ne sehlopha sa bana go ba fepa. Go mmitša e ka ba, tikologong ya masometlhano goba masomešupa tlhano a ditolaro ka beke, go dira leeto leo, go no tla kerekeng. Le a bona? Nnete. O tla godimo mo, go leka go kwa Lentšu, bjalo ka ge re leka go phegelela go Le hlabanela.” Gomme ke rile, “Bjale, motho tsoko yo mobe o utswitše koloi ya gagwe.” E be e le eng Yona? Ke rile, “Bjale, Morena, ke rapela Wena, mo fe morago koloi ya gagwe, ka Leina la Jesu Kriste.”

³³⁹ Ke dirile eng? Ke beile Lentšu lela, tshepišo yela, pele ga Modimo, ka Le tswalela ka Leina la Jesu, le go romela Lentšu pele. Thwi go theoga tsela Le ile, tsela ntle kua, la hwetša lefelo mo e thomilego; boka mpša ya go tsoma mohlaleng wa mmutla. Le a bona? Šo O a tla, thwi go theoga tsela, a ngaula. O ile tlase kua, e ka ba seripagare sa tsela go ya Bowling Green, Kentucky. Ke eng e tšweletšego pele? Lentšu le mo hweditše.

³⁴⁰ Feela yona nako yeo pono e fofetše morago. Ke bone monna, a apere hempe ya go lebega bosorolwana, a otlela, moisa yo moswa, yo a kilego a ba Mokriste. Lentšu le mo rathile. “O dira phošo.” Lentšu le mo swere. O rometše Lentšu la Gagwe pele, le a bona, le a bona, gomme le mo swere. “O ya go swarwa ka go ye, letšatši le lengwe, gomme molao o ya go go hwetša bakeng sa go dira se. Retologa gomme o e bušetše morago.” Lentšu le mo hweditše. O kile a ba Mokriste. Ke mmone a e tliša godimo mo, a e bea ka thoko ga mokgotha.

³⁴¹ Ke rile, “Bjale, baena, e nong go ya thwi ntle, tseleng ye e itšego mo, le tla hwetša koloi ya gago. Letang mo lebakana, go le bjalo, go fihla a e tliša morago. Bjale, o be o ne tanka ya go tlala petrole?”

“Ee,” o boletše.

342 Ke rile, “Go ka se be selo se tshwentšwego. Eupša go tla ba seripa sa petrole yeo, gobane e tšere seripa sa yona, go kitima. O be a le e ka ba seripa sa tsela go ya Bowling Green, e ka ba—e ka ba dimaele tše lekgolo tša yona di fedile.”

343 Ge a e hwetša, yeo ke tsela ye e bego e dutše, e le thwi tlwa. E be e le eng? Lentšu le ile le go mo hwetša.

344 Ba tla morago le gore, e sego telele morago ga fao, monna tsoko o rekile koloi go tšwa go yena. O ngwegile gomme ga se a e lefa. Le a bona? O rile, “Ngwanešu Branham . . .”

345 Ke naganne, “Monna wa go šokiša!” O mo kolota ditolaro tše makgolonne. Ke rile, “Ke a rapela.” Ke rometše Lentšu. Lentšu le ile, la ya mohlaleng wa gagwe, la mo hwetša.

346 Ge, re ile tlase go hwetša monna. O, ga se a tsoge a ba Mokriste, le a bona, o dirile—o dirile . . . O segile. Ba mo kgopetše, eya kerekeng, nako e tee. O rile, “Gabotse, ge moreri a rera, ke tla lebelela bohlogopudutšwana ba babotsana.” Kafao, le a bona, o ka se kgone go hwetša . . . Ya. Yoo ke—yoo ke—yoo ke diabololo, yoo ke, le a bona. Kafao Lentšu ga se la kgona go swara go yena.

347 Lentšu le dirile eng? Le mmolokile leihlong. Le a bona? Feela e no se . . . Ngwanešu Welch o nno tšwelapele a swaretše, o rile, “Go tla loka. Go tla loka.” Lentšu le ile morago ga gagwe. Le a bona? “Ge le dula ka go Nna, le Lentšu la Ka ka go lena, kgopelang se le se ratago.” Le a bona? Lentšu le ile morago ga gagwe.

348 Selo sa pele le a tseba, yo mongwe wa bašemane ba gagwe o be a otlela mmogo, tlase mo tseleng, gomme e be e le fao. O bone monna ka koloing, o tšere nomoro ya gagwe, a retologa, a tla ka gare, go Ngwanešu Wood. Ba e beditše, ba hwetša mo e bego e le. O be a le ka Bowling Green.

349 Modimo Legodimong o a tseba, ga se ka tsoge ka kwa lentšu le tee ka yona, ke be ke sa tsebe selo ka yona.

350 Lamorena la go feta, e be e le beka ya go feta, morago ga sekgalela, ge re fetša go rera mo, ke ile godimo kua go fetola diaparo tša ka, le go ba komana go ya Florida, bakeng sa . . . goba tlase . . . Ngwanešu Welch, bakeng sa kopano bošego bja go latela. Ge ke tsene ka koloing, ke bone monna yola. Ke rile, “Ngwanešu Welch . . .” Ga se ke kgone go mmotša, bjale. O swanetše go dira mosepelo, yenamong, le a bona, go no swana le Meda a ile a swanelwa ke go dira sephetho sa gagwe kua. Le a bona? Ke rile, “Re ya go kgabola Bowling Green.”

O rile, “Yeo e ka ba dimaele tše masometharo go tšwa tseleng.”

351 Ke ile pele go theoga tsela. Ke naganne, “Oo, o—o, o tla—o tla e hwetša. Le a bona? O tla e hwetša. Le a bona? O tla swanela ke go e hwetša.”

352 Re ile pele go theoga. Kgaetšedi Evans le nna. . . Gomme morago ga lebakana, o rile, “O a tseba, Ngwanešu Branham,” o rile, “a ke bile hlogokoto?” O rile, “O boletše Bowling Green, lebakana la go feta.”

“Ya.”

353 O rile, “A o tseba monna yola a tšerego tšhelete ya ka, a tšhaba le yona?”

“Ee.”

354 O rile, “O ka Bowling Green. Ke be ke nagana ka yona. Feela. . . Ke ne selo mo. Ke ya go se gotetša, go bona mo a lego. Ka gona ke ya go retologa. . .” Ke rile. . .

355 Ke rile, “O ya go dira eng? A o tla ya tlase kua, go tšea tšhelete ya gago?”

356 Bjale, le a bona, ge nka mmotša, gona. . . Le a bona, o ne se se sengwe go dira, yenamong. Le a bona? O ne se sengwe go dira. Ga se ka mmotša. Ge nkabe ke dirile, e be e tla kgaola pono thwi fao. Le a bona? Kafao ke ile ka swanela go tlogela. . . Le a bona? Go no swana. . .

357 Gobaneng Jesu a eme kua, a re go Maria le Mareta, “Tlošang letlapa lena?” Gobaneng, O be a le Modimo. A ka be a rile, “Letlapa, se hlwe o eba gona,” gomme le be le ka se be fao. Eupša o bile le se sengwe go dira.

358 Gobaneng A ema kua, a lebelela puno? Le a dumela O be a le Morena wa puno? [Phuthego e re, “Amene.”—Mor.] O rile go barutiwa ba Gagwe, “Lena rapelang Morena wa puno, gore A romele bašomi ka punong ya Gagwe.” Ka mantšu a mangwe, “Lena kgopelang Nna go dira se Ke yago go se dira.” Le a bona?

359 Re bašomišani. Re—re. . . Ke Kereke. Re ne se sengwe go dira, renabeng. O ne se sengwe go dira. Ebangedi še, ke a E tseba, eupša ge o no dula mo gomme o sa E rere, ke botse bofe E yago go bo dira? Le a bona? O ne se sengwe go dira. O swanetše go dira matsapa. O swanetše. . . O re, “Gabotse, ke a dumela Modimo o kgona go fodiša, eupša ke no se tsebe.” Emelela gomme o dire Lentšu lela go ba lentšu la gago. Le dumele. Se Le fe mabaka; e no Le dumela.

360 Ke rile, “Gabotse. . .” Ke tsebile, ge a be a ka se ye, o be a eya go e loba. Ke rile, “Ge e be e le nna, ge e be e le nna, ke be ke tla ya go tšea tšhelete ya ka gonabjale.” Gomme o dirile. Ge a hweditše monna godimo ka ntle ga malao, o be a ne tšhelete tsoko. O nno bitša godimo go moagišani, a hwetša ka moka ga yona, a e lefa go fetša.

361 Ke eng? Ke Lentšu. Le a bona, ge Le ka kgona go hwetša lefelo, Le kgona go retologa. Bjale, selo sa go swana ka phodišo Kgethwa.

³⁶² Bjale, go ka reng ge Ngwanešu Welch a ka be a rile, “Gabotse, ga ke nagane ke tla ya tlase; ke no nagana ke tla ya ka tsela ye nngwe.” Go ka reng ge moisa yola a re, “Gabotse, ga ke ye ntle kua moo koloi yela e sego gona”? Le a bona? E ka se direge.

³⁶³ Eupša o swanetše go dumela. O swanetše go e dumela. Gomme seo ke . . . Ka gona seo se wela ka go boemo bja tumelo, gomme bo swanetše go e tšweletša. E swanetše. Oo, seo ke . . .

³⁶⁴ A o kile wa nagana ka, ge yo mongwe a tsošitšwe go tšwa bahung, go direga eng? A o kile wa nagana, ka Finland kua, nako ye mošemane yo monnyane yola a go tsošwa go tšwa bahung? Moya wa gagwe o be o tlogile go yena. Bjale, Lentšu le swanetše go ya ntle, go kgabola sebaka sa go go hloka magomo mošola, le go topa godimo soulo ye nnyane yela le go e tliša morago. Le ka kgona go e dira bjang? Ke Lentšu, “Go fodiša balwetši. Go tsoša bahu.” Le a bona? O ya go e dira bjang? E swanetše go tla ka Lentšu le le nošeditšwego. O laeditše pono, gomme e swanetše go direga. Mošemane o be a robetše fale. Se sengwe le se sengwe se be se robetše fale ka tsela ye A se boletšego, mengwaga ye mebedi pele. Gomme se be se robetše fale. Ke ka baka leo ke bolelago ka bera e etla go theoga thaba, e ka ba eng e bego e le: e be e swanetše go direga, e be e swanetše go no ba bjalo. Le a bona? Le dirile eng? Lentšu!

³⁶⁵ Ke rile, “Tate wa Magodimong, ka dinagalegaeng, O rile go nna, e ka ba mengwaga ye mebedi ya go feta, gore mošemane yo monnyane yo o tla tsošwa go tšwa bahung. Kagona, godimo ga motheo wa Lentšu la Gago, tshepišo ya Gago. Sa pele, Lentšu le rile, ‘Maswao a a tla latela bona ba ba dumelago.’ O romile barutiwa ba Gago pele, Wena, le go ba botša go ‘fodiša balwetši, go tsoša bahu, go lelekela bodiabololo ntle.’ Ka gona, ka pono, O ntaeditše ka go nagalegae gore mošemane yo monnyane yo o . . . o be a eya go boela morago bophelong gape.”

³⁶⁶ “Ka gona, lehu, o ka se sa kgona go mo swara botelele bofe. Ke ne Lentšu la Morena.”

³⁶⁷ E sego nna; nna ga ke Lentšu. Yena ke Lentšu. Le a bona? Ge nkabe ke be ke le Lentšu. . . Go ne Motho yo Motee feela a kgonnego go ba Lentšu, yo e bile Jesu. O be a le Lentšu le le boletšwego la Modimo, ka tswalo ya kgarebe. Nna ke phapogo, le a bona, ke nna—ke nna dipoelo tša kopano gare ga tate le mme wa ka. Wo o swanetše go hwa; woo ke nna, le a bona, mmele wo o swanetšego go hwa.

³⁶⁸ Go be go se bjalo, ka Jesu. O be a le Lentšu. O tswetšwe, kgarebe. Ngwanešu, ga go mosadi, monna, goba ga go selo gape, ga go selo go dira le Yena. Mosadi e be e le sealamedi, yeo ke nnete, gomme O amule letswele la gagwe, le go ya pele. Yeo e ka no ba therešo ka seo. Eupša, a nke ke go botše, O be a le Modimo. Ke Yo A bego a le. Go be go se thobalano ka yona, le gatee. O ile a swanela go lokologa go tšwa go thobalano, go tšweletša Bophelo

ka Madi a le; bjalo ka ge re tla ya go yona, metsotso e se mekae. Gomme ka gona, lebelelang, O be a le Lentšu.

369 “Eupša Lentšu la Morena . . .” Baprofeta ba be a se Lentšu. “Eupša Lentšu la Morena le tlile go baprofeta.” E sego . . . Ba be ba se Lentšu. Lentšu le tlile go bona.

370 Yeo ke tsela ye Le re dirago lehono. Ge Lentšu le tletše mošemane yo monnyane yola, e be e le eng? Pono. E be e le eng bakeng sa bera? E be e le eng bakeng sa dilo tše dingwe tše? Tšohle, pono. Ke Lentšu la Morena, le tlile go yona. Ka gona le dira eng? Le swere kua.

371 Bjale, le swanetše go bolelwa, pele. “Lehu, mo neela morago. Leineng la Jesu Kriste, ke romela Lentšu lela pele.” Le a swara, feela boka Le swere mošemane yola a bego a eya tlase mo ka Bowling Green, ka koloi yela ya go utswiwa. Šele Le ya godimo mo gomme le swara gape. Le dira eng? Le swara wola—moya wola wo monnyane, le o tliša thwi morago mo, le go tliša ka mmeleng, bjalo ka ge Lentšu le rile Le tla dira. Šeo yona. E dira eng? Tumelo, e sego tsebo.

372 O re, “Bjale a re bone. Moya o dirilwe ka *bjalo le bjalo*. Go ne esiti ye kaaka. Go ne gase e kaaka. Go ne seetša sa khosimiki se se kaaka. Ke kgona go eleletša seo ntle. Gomme mohlomongwe ge ke . . .” Oo, o—o . . . O sepediša nako.

373 E sego bohlale; tumelo! E sego bohlale; bo tla le botša seo se ka se kgone go dirwa. Tumelo e a netefatša se a dirwa, le a bona, yeo ke nnete, go laetša O a swana maabane, lehono, le go ya go ile. Go lokile.

A re hlaganeleng bjale. Re swanetše go hlaganela.

374 “O tšweletša pele dikenywa tša mohuta wa Gagwe.” Johane 14 e bolela, gore, “Yo a dirago ya Ka . . . Yo a dumelago go Nna, mediro, maswao ao Ke a dirago . . .”

Bjale, le re, “A ao ke maswao ao A a dirago?”

375 O ile ka ntlong moo mosetsana yo monnyane, morwedi a nnoši wa modiredi, a bego a robetše; a hwile, a tonya, a sehlefetše, a robaditšwe ntle. Go a kgonega o be a hwile diiri tše mmalwa pele A fihla kua. Ba be ba mo robaditše sofeng ye nnyane, ba lokišetša go mo tšea, go mo manega. Jesu o sepeletše thwi ka kamoreng mo a bego a le, ka mokgwa woo. Ba be ba bokolla le go lla ka mokgwa woo. O ba ntšheditše ntle bohle, o rile, “Tšwang ka mo. Tšwelang ntle.” O rile, “Tlang mo, Petro, Jakobo, le Johane. Ke a tseba le a dumela.” O rile go tate, “O dumetše, goba o be o ka se tle ka morago ga Ka.”

Gomme mme o rile, “Morena, ke a dumela.” Le a bona?

O rile, “Ema mo.”

376 O lebeletše. Ntle fale go be go eme mosetsana yo monnyane—monnyane. O rile, “Thabitha,” seo ke, “mothešana.” Haleluya! O ile a se swanelwe ke go rapela. O be a le Lentšu. Uh-huh.

377 Ga ka swanela go rapela, ge nka kgona go bona pono, gobane Lentšu le šetše le dirile komana. Ke swanetše go rapela, go hwetša Lentšu, go hwetša se Modimo a se boletlago. Gona nka kgona go Le bolela, morago ga ge ke hweditše se A se boletšego.

378 Eupša O be a le Lentšu. Amene. “Mothepana, Ke re go wena, tsoga.” A mo topela godimo, ka seatla. Yeo ke yona. Le a bona? Oo, nna!

379 Yeo ke ponagatšo. “Go tšweletša pele mohuta wa lona.” Jesu o rile, “Yo a dumelago go Nna, mediro ye Ke e dirago o tla e dira le yena.”

380 Kafao, tše, le a bona, dilo tšohle tše tša dikereke tše tša maina le dilo, di išitše dilo tše bjalo ka go tlhakahlakano ye bjalo ya tebetebe le sebe, feela boka popelo ya lefase e išitše tlholo. Yeo ke nnete. Oo, nna! E ka kgona go direga bjang? Lentšu la Modimo le ka kgona go gola bjang ka go ba ba go kota moriri, ba go apara dišothi, ba go kgoga sekerete, bahlwa mafelong a go paola, ba go tšoena kereke? Le ka kgona go dira bjang, ge baratamaipshino ba ba bjalo, -lešaba lenyaka bjalo ka leo, le ehlwa ntle le go rata dilo tše bjalo ka tšeo, le go rata lefase? Lerato la Modimo la therešo le ka kgona bjang go tla ka gare? Peu ya Modimo e ka kgona bjang go gola ka mobung o mobjalo ka woo? E ka se tsoge ya mela modu. E ka se tsoge ya tliša Bophelo bofe go yona. E ka robala kua godimo ga wona maswika a lerole a kgale a dikereke tša maina le go bola, eupša e ka se tsoge ya tšweletša Bophelo. Ee, mohlomphegi. Ee, mohlomphegi.

381 Ba nyaka maipshino, “Ba go rata maipshino go feta barata Modimo.” Go šiiša! Efela, ke ditswerere. Ke ditswerere go menagane bjalo ka—bjalo ka legoro le lengwe. Nnete. Ditswerere, dirutegi, dinyaka bohlale, feela boka Efa a be a le, gomme ba hweditše tekanyo ya go swana a e hweditšego, feela tlwa. Ke Therešo.

382 Lili e ka kgona go phela bjang, Peu ya lili e phela le go gola, ge e nyakalala ka meetse, go gola ka go dikereke tšeo tša lerole tša maina? E ka kgona bjang go e dira, ge e nyakalala ka Meetse. Meetse ke Moya. “Ba ne sebopego sa bomodimo, eupša ba gana maatla a Moya.” Le a bona? Le ge Lentšu le wela godimo ga bona, ga Le kgone go gola. Ga Le kgone go gola. Feela boka Lentšu le bile ka Efa, eupša Ga se la kgona go gola. Gobaneng? O amogetše bohlale, bohlale bja Sathane. Lentšu le tla go bona. Lentšu le wela godimo ga bona. Nnete, Le a dira. Ee, mohlomphegi. Gola. . .Le, Le tla wela godimo ga bona. Ba kgona go kwa Lentšu le rerwa.

383 A o kile wa bona batho ba dutše ka kerekeng, ba ka se tsoge ba šutha? Rerela basadi ka moriri wa go kotwa; ngwaga morago ga ngwaga, o a feta, ba sa no ba le moriri wa go kotwa. Bolela le banna ka go kgoga, basadi ka go nwa; ba nwa thwi go ya pele, go no swana. Go no ba boka o tšhela meetse godimo ga mokokotlo

wa lepidipidi. Ga le ne lefelo la go gola. Le a bona? Ke go nyaka maipshino mola ga kgale, botsebalegi, “Gabotse, a basadi ka moka ba e dire pele, morago ke tla dira.” Ga ke kgathale se ba se dirago. Ke mošomo wa gago go latela Lentšu la Modimo. Yeo ke nnete. Le a bona?

³⁸⁴ Le ge Lentšu le wela godimo ga bona, ga Le kgone go gola. Bohlale bja Sathane, le a bona, kafao bo no ba lerole la kereke ya leina. Ga ba kgone go dumela ka go Bahebere 13:8, bohle ba tlalelane ka bohlale, ga go selo sa Lona go gola ka gare. Le a bona? Ba ka kgona bjang go dumela Bahebere 13:8, “Jesu Kriste wa go swana maabane, lehono, le go ya go ile”? Ga ba kgone go e dira. Le a bona?

³⁸⁵ Oo, ba re ba a Le dumela. Oo, o ba botša Leo, ba re, “Nnete, re a Le dumela.” Gona ntaetšeng dikenywa tša lona. A nke ke e bone. A nke ke e bone e dirwa. A nke ke bone kereke ye o e rerelago, e dira se ba se dirilego ka go Kereke ya baapostola nako yela, ba bego ba dumela Lentšu.

³⁸⁶ Le phetla dikolobetšo tša lena. Le phetla mabohlatse a lena. Le bo dira bo swanele mohuta tsoko wa thutotumelo; sebakeng sa go tšea Lentšu, a nke Lentšu le enywe kenywa ya Lona mong. O dira mohuta tsoko wa selo se o swanetšego go se dira, go go tlišetša bohlatse bja Lona. Gomme Sathane a ka kgona go hlatholla bohlatse bjo bongwe le bjo bongwe o nyakago go bo tšweletša. Nnete, a ka kgona, ka kgonthe a ka kgona. Eupša a ka se kgone go tšweletša Lentšu. Leo ke selo se tee se mo fišago. O no se kgone go dira seo. Ee, mohlomphegi. Oo, ya.

³⁸⁷ Bjale lebelelang Kaine le Abele. Bobedi bja bona ba be ba hlokofetše. Kaine o tšere, ka bohlale bja gagwe, morago ga kereke ya mmagwe, Efa. Yoo e be e le mmagwe. Ke ba bakae ba tsebago gore Efa e be le mmago Kaine? [Phuthego e re, “Amene.”—Mor.] Nnete. Go lokile. Boka mmagwe, o tšere go fa mabaka, le a bona, bohlale, bohlale bja gagwe mong. Sehlabelo se sebotse; o bile le matšoba. O bile le kenywa ya tšhemo. O rile, “Gabotse, bjale, nnete, le a bona,” o rile, “Modimo . . .” E bile feela boka Sathane a boletše go—go Efa, “Ka nnete, ka nnete . . .” “Ka nnete Modimo o tla amogela sehlabelo sa ka. Ke agile aletara ya go ratega. Ke tla e dira botse bjalo. E kgabišitšwe kudu.”

³⁸⁸ Feela boka ka mo Paseka ye e tla bago, ba tla šomiša dimilione tša ditolaro, go kgabaganya setšhaba, go bea matšoba a Paseka godimo ga dialetara tsoko. Aletara ga ya direlwa matšoba; ke ya sehlabelo. Le a bona? Go no laetša moya wa kgale wa go swana wa Kaine, le a bona, wa go swana wa kgale—wa kgale diabololo go tšwa Edene. Le a bona?

³⁸⁹ Go—go diregile eng? Kaine o naganne, “Ka nnete . . .” Le a tseba monna o be a hlokofetše, gobane e be e era Bophelo goba lehu, go yena.

³⁹⁰ Gomme, bona batho, o se nagane ke baikaketši. Ba hlokofetše. Le re, “Gona, a ba ka kgona go hlokofala gomme ba ba phošo?” Nnete. Motho a ka nwa aseniki, ka tlhokofalo a nagana gore o nwa kasteroli goba se sengwe, se sengwe gape. Le a bona? Go hlokofala; goo ga go e dire. Ke Therešo, e sego tlhokofalo. Therešo!

³⁹¹ Bona basadi godimo ka kua Afrika, ba direla badimo sehlabelo ka masea a bona, dikwena. A o hlokofetšego? Aowa. Ke ba bakae ba bona ba emego, Machina, ba roba marapo a bona, go badimo ba kheše! Gomme go reng ka Bomohomedan le godimo kua, le basepelamollong? Gomme bo bea dilo, oo, go aka nama, ka molomong wa bona, gomme bo roka molomo wa bona godimo.

³⁹² Gomme ba bangwe ba bona ba bea phata...Ke ne sehswaseeme godimo kua, sebopego se sennyane, tselo ye a direlago modimo wa gagwe sehlabelo, go nagana o tla ya Legodimong. Moprasta o bea phata ka molomong wa gagwe, o e tatetša go dikologa hlogo ya gagwe, ka ketane; o tla fase, o bea diatla tša gagwe ka morago ga gagwe, o tlema maoto a gagwe ka ketane. Ga a kgone go nwa, go bolela, go ja, le eng gape, go fihla a ehwa.

³⁹³ A o bone Bakriste e ka ba bafe ba dira sehlabelo ka mokgwa woo? E bile le ka se dumele Therešo, Lentšu. Le a bona?

³⁹⁴ Bjale, “Bobotse,” o rile, “ka nnete Modimo o tla amogela. Lebelela ka mo aletara ya ka e lego botse.”

³⁹⁵ A le bona moya woo wa go swana lehono, wa bohla! “Gabotse, ge re aga kereke ye ya leina ye kgolo, ka nnete Modimo o tla re amogela.” A ka se amogele selo eupša Lentšu la Gagwe. Aowa. Le a bona?

³⁹⁶ “Gabotse,” ba re, “bjale, lebelela, Ngwanešu Branham, ge re—ge re bea ntle bontši *bjalo* bja badiredi ngwaga ka ngwaga. Lenaneo la rena la boromiwa, ngwaga wa go feta, le kitimela ka godimo ga ditolaro tše dikete tše lekgolo.” Seo ka mehla se ka ba botse bjalo, ngwanešu, eupša o hwile go fihla o amogela Lentšu lela le go tla go Lona. Yeo ke tlwa.

³⁹⁷ “Gobaneng, Ngwanešu Branham, kereke ya rena! O nagana gore o eng, feela bjoko bja tokomane bjo bonnyane tlase kua?”

³⁹⁸ Yeo ke therešo. Bjale, yeo ke nnete tlwa. Yeo ke therešo. Eupša, e ka bang ke lego yona, a nke ke dule le Lentšu lela. Le tla gola go ba se sengwe, letšatši le lengwe. Le a bona? E no dula le Lentšu lela, ga go kgathale ke eng. Ga re ne selo eupša tabarenekele ye nnyane ye mo. Yeo ke bontši re e hlokgago, thwi ka nako ye ya bjale, feela lefelo go dula, gobane re lebeletše Jesu go tla.

³⁹⁹ Ga re nyake ye kgolo kereke ya leina ye kgolo go šomiša dimilione ngwaga wo mongwe le wo mongwe, go meago le dilo tša go swana le tšeo; le batho ba leka go rera Lentšu, ba tlaišega

ntle kua, ba se ne selo sa go ja, le dilo boka tšeo. Bothata ke eng ka batho? A ga se. . . Oo, go lebeга o ka re batho ba ka phafoga.

⁴⁰⁰ Eupša, mang kapa mang a ka kgona go amogela Bokatoliki, a ka kgona go fofala go lekanela go amogela e ka ba eng. Ke tla le botša Therešo. Mang kapa mang o tla dumelela seo go theoga mogolong wa bona, go kgona—go kgona. . . “Banna ba bohlale,” ga go makatše, Beibele e rile, “ebile le dikgoši tša lefase di dirile bohlotlolo le yena.” Gomme banna ba bohlale, tsebo, le a bona, gomme ba bo dirile, bona baprista, banna ba ditswerere. Oo, monna, o bolela ka go rutega? Mošemane, ba swanetše go ba le mengwaga, morago ga mengwaga, morago ga mengwaga, morago ga mengwaga.

⁴⁰¹ Ba rile ga ba dule le manune ale. Gona ke nyaka go le botšiša se sengwe. Gobaneng ba sa palelwe ke go belegiša? Uh-huh. Uh-huh. Uh-huh. “Bona ke Monyalwa, bale kua. Manune ke Monyalwa. Gomme bao ke Monyadi, nnete, le a bona.” Yeo ke nnete. Mme yo Mogologolo o bolaya masea ale ka sepipamoya le go ba bea ka go yona melete ya kalaka. Ga le e dumele? Theetšang ya kgonthe, ke be ke le ka kua, ke paka ka yona. Ka re, “Bjale etlang pele, a nke molao o ntshware.”

⁴⁰² Gomme o rile, “Gabotse re tla dira selo sa go swana ba dirilego ka Russia, selo sa go swana se dirilwego ka Mexico. Re tla phatlola selo seo go bulega pha, ge se fihla go mmušo.”

⁴⁰³ Eupša le ya go se dira bjang bjale ge re ne hlogo ya sona thwi kua ka mmušong? Le a bona? Le a bona? Seo ke gore Lentšu lela le swanetše go phethagatšwa. “Ba beakantše seswantšho godimo mo, go sebata sela se se dutšego kua. Gomme bobedi ba boledišane mmogo le go fa maatla go sebata se, go bolela.” Oo, ngwanešu, Lentšu lela le ya go ema thwi kua. E sego bokomonisi bo ya go tšea taolo, eupša Boroma ke bjona. Uh-huh.

⁴⁰⁴ Bjale lebelelang se mo. Kaine o rile, “Ka nnete O tla amogela sehlabelo sa ka.” Eupša mohuta mang? O rile “Ke dirile sehlabelo.” Eupša e be e le sehlabelo sa mohuta mang? Bophelo bja dimela: dimela, matšoba, merogo. Bophelo bja dimela, (eng?) ga go go tlaišega go bjona, ga go kotlo.

⁴⁰⁵ Batho ga ba nyake go tlaišega. Bjo ke bjo e lego bothata lehono. Ba a tla, ba tla thwi bjale le go dumela Lentšu le, ge e se go tšwa ka kerekeng ya bona, ge ba be ba se ba swanela go segwa, go dirwa metlae. Aowa. Ba nyaka bophelo bja dimela, mohuta tsoko wa bohlale. “Gabotse, bophelo *bjo* bo no ba gabotse bjalo ka Bjola.” Ga bo bjalo. Ke tla le laetša mo bjo bo tšwago, feela mo motsotsong, Morena ge a rata.

Eupša, “Abele, ka tumelo.” Letago!

⁴⁰⁶ Kaine, ka bohlale, o rile, “Ka nnete Modimo o tla amogela se. Aletara še. Ke ne kereke.” Seo ke se kereke e lego, aletara, lefelo la go rapela. Go lokile. “Ke ne aletara. Ke tla rapela feela ka tlhokofalo bjalo ka ngwanešu. Gomme ke ne selo se sebotse

mo sa yona. Ka nnete Modimo o tla se amogela.” Seo ke selo sa go swana diabololo a se boditšego mmagwe; maaka a go swana, bohlale.

407 Bjale, Abele. Bahebere 11 e rile:

Ka tumelo Abele o neetše go Modimo sehlabelo se sekaone phetelela go feta sela sa Kaine, . . . yena efela le ge a hwile, efela se a bolela.

408 Le a bona? “Abele. . .” Ka eng? Bohlale? Ka thutamodimo? “Ka tumelo o neetše go Modimo sehlabelo se sekaone phetelela.” Ka tumelo ka go eng? Ka tumelo ka go eng? Ka. . . O bile le tumelo ya gagwe kae?

409 Kua, feela tatagwe le mmagwe, yena le ngwanabo seripa, e kgonengile go ba bjang ka lefaseng? Ke kae a kgonnegogo—ke kae a kgonnegogo e hwetša? O bile le tumelo ka go eng? Tumelo ka go dimela, tumelo ka go se? Aowa, mohlomphegi. O bile le tumelo ka go Lentšu. Gobane, o be a nyaka go tseba gobaneng a tšwele ka serapeng sela. “Gobaneng re ntšheditšwe ntle?”

410 Mme o swanetše go be a rile, “Gobane ke theeditše maaka a diabololo. Gobane mošemane *yo* mo o belegwe ka tsela ye *bjalo le bjalo*, ke ka tsela ye Modimo a re ntšheditšego ntle.”

411 “Gabotse,” o rile, “ebile ga ke kgone go ya tikologong ya kgoro. Go ne Mokerubi kua, ka tšhoša, o hlapeditše Mohlare wola wa Bophelo.” Kafao, ka tumelo!

412 Le a bona, ka bohlale, Kaine o neetše, le a tseba, a sa tsebe Lentšu, eupša mogopolo feela, ka bohlale. O dirile lefelo le lekaone, le go le dira le lebotsana le le lebotse.

413 Eupša, “Abele,” ga go yo a mmoditšego, bjale, e no ba mošemane, “ka tumelo o bone gore e be e se bophelo bja dimela; e be e le taba ya thobalano, ka madi.” Ke wena fao, ngwanešu. Tlhaphutlha godimo ga ntlhora ya Leo, nako ye nngwe.

414 Ka tumelo bana ba Gagwe ba sa e bona. Ga se a tsoge a e ruta ka bohlale tsoko bjale. Ga e tle ka bohlale. E tla ka tumelo. Beibele e rile, “Abele, ka tumelo.”

O neetše eng? Madi, go tšwa go bophelo bja go phela, bophelo bja phoofolo.

415 Re phoofolo, renabeng. Re phoofolo ya madi a borutho. Yeo ke nnete tlwa. Mohuta wa godimodimo, phoofolo ya godimodimo kudu, eupša ka soulo ka kua. Bjo ke bjo e lego bophelo.

416 Bjale hlokomelang. Ka tumelo Abele o bone kutollo, pono, gomme a tliša a go phela, madi a go kitima, gobane bophelo bo be bo le ka mading.

417 Bophelo bo ka kutong ya le—ya le letšoba. Gomme ke bophelo bja dimela, bjo bo se nego maikutlo. Ke be ke le ka dikholofelong seo se tla nwelela ka gare. [Phuthego e re, “Amene.”—Mor.]

418 “Abele, ka tumelo,” a dutše le Lentšu. Ka tumelo, e sego ka bohlale. “Ka tumelo o bone gore e be e le thobalano, madi.” Sele ya madi e tšwa go tona. Monna o ne sele ya madi ka go tlhaku. Hemotlolopine ke madi, e tla ka tona. Gomme Adama o tsebile gore e be se diapola, le diperekisi, le matapola, goba e ka ba eng e bilego, se se ba ntšheditšego ka ntle ga serapa sa Edene, se se hlotšego sebe. E be e le thobalano, madi, gomme o neetše madi morago. Ka tumelo o e dirile, e sego ka bohlale.

419 Ke ka mokgwa ofe woo motho, ka bohlale, a yago go e kwešiša, ge Beibele ka moka le Kereke ya Modimo ka moka e agilwe godimo ga kutollo Kgethwa, ka tumelo? “Godimo ga leswika le Ke tla aga Kereke ya Ka.” Le a bona?

420 Huh! “Oo,” ba re, “nnete, re dumela Leo.” Gona Bophelo bja Kriste bokae ka go dibopego tše? Bophelo bja Kriste bokae? Sa bobedi. . . Le nyaka go bea a mangwe a Mangwalo a fase. Le a bona? Bophelo bokae? Ge. . . Ba re, “Gabotse, re a dumela. Re a dumela. Re a dumela.” Ge le dira, gona. . .

421 Jesu o rile, “Maswao a a tla,” e sego a ka, “a tla latela bona ba ba dumelago.” Jesu o rile, “Ge motho a dumela go Nna, mediro ye Ke e dirago, o tla e dira le yena. Yo a dumelago go Nna, mediro ye Ke e dirago o tla e dira le yena.”

422 O no se bapale tikologong. O tla e dira. E ka kgona go direga bjang? Gobane, fao go bjona Bophelo bjo bo lego ka go Kriste, bo ka go wena. Bo ka se hlagiše bohlale bofe; bo ka se gole ka go bjona. Bo swanetše go gana bohlale, go tšea tu—tu tumelo. Tumelo ka go Lentšu, e sego bohlale ka go Lentšu. Tumelo ka go Lentšu!

423 Sathane o ne bohlale bjo bontši ka go Lentšu lela go feta e ka ba mang, bareri bohle ba lahletšwe mmogo, baprista le se sengwe le se sengwe.

424 O ne bohlale bjo bontši, eupša a ka se kgone go ba le tumelo. Tumelo e tla Le dira le phele. Tumelo e tla mo dira a sokologe, e tla mo dira a ye kgole le mokgatlo wa gagwe. Hmm! O ne bohlale, kafao o no dula le bjona. Go lokile.

425 “Eupša Abele ka tumelo o bone e be e le tiro ya thobalano, gomme o neetše madi, bophelo bja madi, gomme Modimo o bo amogetše.”

426 Bjale, Timotheo wa Bobedi 2, 3, e rile. . . Lentšu le tla go bona bjale. Le tla wela mobung wo mobe go le bjalo. Le a bona? “Ba ne sebopego sa bomodimo, eupša ba gana maatla a bjona,” maatla a Moya. Timotheo wa Bobedi 3, ge le e bea fase. Go lokile. “Go ba le sebopego sa bomodimo.”

427 Maswao a Moya wo Mokgethwa a Bophelo bjo Bosafelego, ba gana Ao. “Batho ga ba bolele ka maleme. Aowa. Ga go selo se sebjalo ka phodišo Kgethwa, kolobetšo ya Moya wo Mokgethwa. Dilo tšeo e be e le tša baapostola.” Go ba le sebopego!

428 Paulo o boletše, a e profeta. “Ka matšatšing a mafelelo, dinako tša mafelelo, dilo tše di tla direga.” E sego ka go wona matšatši. “Gomme Moya o bolela ka go hlagiša: ka matšatšing a mafelelo, matšatši a moragorago, ba bangwe ba tla tlogela Tumelo,” le dilo tšohle tše. Le a bona? Seo yona. “Go ba le sebopego seo sa bomodimo.”

429 Bjale, maswao a Moya wo Mokgethwa a Bophelo bjo Bosafelego a ka kgona bjang go gola ka go lerole lela la kereke, moo go sego Moya wa meetse, le gatee? Le a bona? A ka se kgone go gola ka mašemong a motlae wa kereke ya leina, le bohlae, le nyakollo. Maswao le dimaka tša Modimo wa go phela di ka kgona go gola bjang ka go mo—mo mosadi wa go se be le tlhomphego ya tlwaelo go itshwara boka mohumagadi? Ke nyaka go le botšiša seo. O ka kgona bjang go gola ka go monna yo a tla emago ka phuluphithing gomme, bakeng sa thekethe ya dijo tše nnyane goba lerato la kereke tsoko ya leina, a tla fetago ka thoko Therešo ya Modimo? Maswao a semoya a ka latela bjang seo? A ka se kgone go e dira.

430 O ka kgona bjang—O ka kgona bjang go gola ka go moreri yo a tla tšeelago kereke ya gagwe ya leina tlase, a ba hlobola thoso, mo lešing kua? Gomme mo bošego bjo bongwe, ka go lefelo tsoko ke nno feta bošego bja go feta, ka pheriši ye e itšego, gomme ba be ba ne motanso wo mogolo wa phathi ka kua, ba eya pele, dikenywa tša Moya di ka kgona bjang go gola ka lefelong le lebjalo ka leo? Ke godimo ga leswika la kereke, yeo ke nnete, gomme e sego ka go moedi wa ditlaišego, go segwa le go dirwa metlae.

431 Lili e katana ka maatla. Le elelwa thero ya ka e sego telele go fetile, mengwaga e se mekae ya go feta, ka Mna. Lili. O a katana. Moo, Jesu o rile, “Kafao a . . . katanago, ebile ga a ohle, efela Ke re go lena: gore Salomo, letago la gagwe lohle, ga se a ke a tšhepha boka e tee.” Kafao lili e gogago, go itira ye botsana yonamong, (bakeng sa eng?) go no ba e e fa ntle. Mofeti, o a dupa, o nkgelela phefume. Nosi e fofela thwi ka go pelo ya gagwe le go tšea yona todi thwi go tloga go yena. O no efa mahala. Katane, go e dira.

432 Haleluya! Yoo ke monna wa kgonthe wa Modimo, Modiša Lili, Mor. Mna. Lili, ee, mohlomphegi, yo a katanago go Lentšu, o robala ka sefahlego sa gagwe le go llela ntle go Modimo, “Modimo, ga ke kgone go bona mo se se tla kopanago *mo, mo*. Se swanetše go tla ka Lentšu.” Ge o se bona, gomme Modimo o go fa sona, gona eya o lokologile. E sego go ba le lesolo tsoko le legolo, “Ge o ntišeletša ditolarā tše sekete se sekaaka, ke tla tla.” Eupša, mahala, “Ge e le Timbuktu goba e ka ba kae e lego, Modimo, mo O nnyakago go bjala Peu, ke tla E fa mahala.” Haleluya!

433 Jesu o rile, “Salomo, ka go letago la gagwe lohle, ga se a tšhepa boka lona.” O rile, “Hlokomela lili.”

434 Moisa yo monnyane wa go šokiša, o swanetše go tlaišega boka se sengwe le se sengwe, go hwetša se a se hwetšago, le go segiwa le go dirwa metlae. Gomme tšohle dikereke tše dikgolo di mo raketše ntle, le go mmitša mehuta yohle ya maina a ditšhila. Eupša o dula thwi le Lentšu lela, a katana, mosegare le bošego, o robala ka moeding. Eng? O—o ka lefelong mo a ka kgonago go goga go tšwa go “dinoka tša Meetse.” O a katana (bakeng sa eng?) go le feng ntle. “Le amogetše mahala, fang mahala.” Ee, mohlomphegi. Oo, nna!

E ka kgona go gola bjang ka go tšhemo yela ya lerole godimo ga leswika la kereke?

435 Bana ba Kaine ba be ba le bohlale, ba saense. Šetša bana ba Kaine bjale ge ba etla godimo. A re ba šetšeng motsotso. Bana ba Kaine, ba be ba le eng? Baagi, bathomi, banna ba bagolo ba saense. Ba be ba ne bohlale. Le a bona? Ba—ba—ba be ebile ba aga meago, le go dira tshipi, le go hlakanya dilo mmogo. Ba be ba le borasaense, ditswerere, dirutegi, le bodumedi.

436 Eupša lebele leo la bohlale le tšweleditše eng? Lehu, go morafe ka moka, ge dikahlolo tša Modimo di wele. A ke nnete? [Phuthego e re, “Amene.”—Mor.] Ke eng seo—ke eng seo sehlopha se se dirilego? Se tšweleditše lehu. Le ge, ka go bohlale bjohle bja bona le botswerere, go diregile eng? Ba hwile. Yo mongwe le yo mongwe wa bona o senyegile ka go kahlolo ya Modimo. A ke therešo? [“Amene.”] Modimo o boletše bjalo. Ba be ba le ditswerere, ba rutegile kudukudu, ba pholetšhitšwe, ba bodumedi, ba bakaone kudu. Ditswerere, dirutegi, ba itshamile ka bohlale bja bona, gomme ba bolaile morafe ka moka wa batho.

437 Selo sa go swana ba a se dira bjale, dipomo tša bona tša athomo le dilo, tšeo borasaense ba ba ditswerere le dilo ba tla—ba tla fediša morafe ka moka. Ba ne go wela ntle thwi bjale. Ke—ke. . . O no fiša mahlo a gago ntle, go go fa kankere, se sengwe le se sengwe. Ba—ba lokolotše ya go lekanela ya yona, ka gare ga lewatlekgolo, ebile ga ba sa e hwetša gape. “Ge e lokollwa, e tla fediša lefase ka moka,” ba a bolela. “Batho ba tla swa, ka nameng ya bona beng.”

438 Ga go makatše, Beibele e rile, “Gomme dinonyana tša moyeng di tla ja nama ya dikapotene,” le go ya pele; go bola, go tšwa go go wela ntle, se sengwe le se sengwe gape.

439 Ba e dira, bonabeng, bohlale bja bona bja botswerere. Bjo ke bjo bo dirilego lehu go tla: bohlale bja botswerere. Eba bonolo, dumela Lentšu la Modimo, gomme o phele. Tšea bohlale bja gago, gomme o hwe. Go lokile. Puno, nako ya bofelo, ba a senyega.

440 Gabotse, bana ba Abele ba be ba kokobetše, balemi, badiši; badiša, le a tseba. Badiši, balemi, ba be ba kokobetše, ba be ba sa tleleime go ba ditswerere, eupša ba be ba nno dula le Lentšu.

Ba tšweleditše eng bofelong? Moprofeta? E dirile. Moprofeta, bakeng sa eng? Maswao a nako ya mafelelo.

441 Ge Noage a be a eme ka mojakong wola, moago godimo ga areka yela, o rile, “E a tla, pula.” O be a bitšwa lehlanya, eupša o be a le moprofeta. Amene. O dirile eng? O tlišitše phološo go bona ba ba dumelago, le bona ba ba bego ba nyaka go phonyokga. Seo ke se wa go kokobela, morafe wa goserutege o se tšweleditšego, woo o dumetšego ka go tumelo. Ba bangwe ba dumetše ka go tsebo, ba tšweleditše lehu, go morafe ka moka. Ke eng—ke eng se ba go kokobela ba se dirilego ka tumelo? Ba tšweleditše phološo, moprofeta wa Morena, yo a ba filego leswao gore nako ya bofelo e be e le fao.

442 A o nagana dirutege di be di tla e dumela? Ba be ba tla šonya nko ya bona le go tloga, ba re, “Pula e tšwa kae? Netefatša ka saense moo meetse e ka ba afe a lego godimo kua.” Borasaense bale, sehlopha sa ditswerere tša go šišimiša, se a leka, ka saense go netefatša ga go Modimo. Go leka!

443 Ge seswantšho *sela* se be se tšewa, seo se ba tšere thwi go tloga setulong sa bona mo ba bego ba dutše. Ga se a kgona go kwešiša. O rile, “Go bile le mohuta wa Seetša wo o rathilego lense.” Sedirišwa sa bona beng sa saense seseo, se tšere seswantšho sa Sona, khamera. Boka George Lacy a boletše, o rile, “Mohlomphegi,” o rile, “khamera ye e ka se tšee saekolotši. Seetša se rathile lense. Se be se le fa.” O rile, “E be e le eng, nka se kgone go le botša, eupša Se be se le fao.” O rile, “Ke tla ngwala leina la ka go yona.” O dirile. Gomme le na le yona, lenabeng. Ee, mohlomphegi. E be e ne FBI. Le a bona?

444 Modimo wa rena, ka go letšatši le la mafelelo, ga a tlogele letlapa le tee le se la ribollwa, eupša se A se laetšego lefase le le ka se kgone go ema. Bohlale le tsebo di golela pele, di thunya go kgabola lefaufau boka dintšhi, le—le difofane tša tšete, le go lwa ka fase ga meetse. Le mehuta yohle ya tshenyego, le go phela ka sebeng, go leka go aga se sengwe se tla ba šireletšago.

445 Go selo se tee feela: toko ya Modimo e eme ka Mojakong wa Areka. Mojako ke mang? Kriste o rile, “Ke nna Mojako go ya lešakeng la dinku.” Ke badile tema ya ka. “Dinku tša Ka di tla kwa Segalontšu sa Ka. Mosetsebje di ka se mo latele.” O ka se tsoge wa phetla yo motee ka go mekgatlo yohle yela ntle kua. O tla tšwela ka ntle ga wona, ka nnete bjalo ka lefase. “Ke tla di tšea go tšwa lešakeng, gomme Ke tla di etapele. Ke tla ya pele ga tšona.” Amene. “Di tla tseba ke Nna. Ga go yo a ka kgonago go sepela boka Nna, ga go yo a kgonago go dira dilo tše Ke di dirago,” O tla re. Amene.

446 “Rabi, bjale re a tseba Wena o tšwa go Modimo, gobane ga go motho a ka kgonago go dira mehlolo ye O e dirago ntle le ge Modimo a na le yena.” Le a bona? Yeo ke nnete. Bjoon ke boipolelo bja Nikodemo. Yeo ke yona.

447 Morafe wo monnyane wola wa go kokobela o tšweleditše moprofeta. Gomme moprofeta yola, ka go matšatši a mafelelo a bana ba Abele, o tšweleditše moprofeta yo a laeditšego maswao a matšatši a mafelelo le go fa tshebotšo.

448 Feela e ka ba go swana bjale, ke a nagana. “Yo a nago le tsebe ya go kwa, a a kwe se Moya o se bolelago go rena.”

449 Kafao, le a bona, Peu Lentšu la Bophelo e ka se kgone go gola ka go boemo bjoo bja bohlale. E ka se kgone go e dira.

450 Moshe le Joshua ba bile le tumelo ka go Lentšu. Ba bangwe ba be ba nyaka go bina le go hlobola basadi thososo; Kora, (gobaneng?) ka bohlale bja gagwe bja Egepeta. Moshe o be a sa nyake seo.

451 Lebelelang bona boKora lehono, ba dira tsela ye bonolo, go bina, diphatši tša bošego bjohle; basadi: meriri ya go kotwa, diroko tše dikopana, eng kapa eng. “Ga e dire phapano e ka ba efe. Seo se lokile.” Ga se sa loka. Lentšu le re ga se sa loka. Yeo ke nnete. Selo sa go swana. Le a bona?

452 Le ge yo mongwe le yo mongwe wa bona a be a kolobeditšwe, yo mongwe le yo mongwe, Kora le bohle ba be ba kolobeditšwe, go laetša gore go na le mohuta wola wa kereke gape.

O re, “A ba be ba kolobeditšwe?”

453 Bakorinthe ba Pele 10:1 go fihla go 2. A re nong go e bala. Re. . .Ke a tseba go ba thari, eupša matena a ka se swe. A matena a tšea nako ye teleletelele gannyane, ge Morena a ka no tšwelapele a re fepa. Le a bona? Bakorinthe ba Pele 10. Bjale lebelelang mo. Bakorinthe ba Pele 10:1 go fihla go 2, ke nayo. Bjale, ke ne Bakorinthe ba Bobedi. Bakorinthe ba Pele 10:1 go fihla go 2.

Ka go fetišiša, baena, ga ke nyake—ga ke nyake gore le hloke tsebo, ka fao ba rena. . .botatawešu bohle ba bile ka tlase ga leru, gomme bohle ba fetile go kgabola lewatle;

Gomme bohle ba kolobeditšwe ka go Moshe ka go leru le ka go lewatle;

454 Kora o bile le kolobetšo ya go swana yeo bohle ba bona ba dirilego. Eupša o be a nyaka go dira eng? Go tlogela basadi go no bina, gomme ba be ba enwa beine ye nnyane le go ba le nako ye nnyane, go ba hlobola thososo le go ba le bootswa, le go ba le seo. Le a tseba Beibele e rile ba dirile seo. Ba tšere basadi bale ba ba hlobola diaparo tša bona thososo, le go ba dira ba bine, le dilo tša go swana le tšeo. Gomme Moshe a ba kwatela. Le elelwa nako? [Phuthego e re, “Amene.”—Mor.] Gobaneng? Ba be ba na le Ngak. Kora mmogo, a bego a ne bohlale. O rile, “Ke tla le bušetša Egepeta.” Moo ke mo ba ka bego ba ile, le bona.

455 Eupša, Ngwanešu Moshe, ge a etla fase, go be go fapana. Yena le Joshua ba dutše le Lentšu. Modimo o file tshepišo; ba dutše le yona. Go lokile.

456 Ba bangwe ba be ba nyaka go bina le go apola diaparo tša bona thososo, le go tšwa, ka bohlale bja Kora. Gomme bohle ba kolobeditšwe, yo motee.

457 Israele le Moaba. Oo, ke no . . . le . . . Ke kgabotše yeo, gatee. Ga re tšee yeo. Ke swanetše go hlaganela. Go lokile. Israele le Moaba, le tseba ka fao go bilego kua. Yo motee, e no ba yo mokaone, yo motee le bohle, dikereke tša maina tše kgolo gagolo. Ye nngwe, ye nnyane, mohlakanelwa wa dikereke tša maina.

458 Ka gona, letšatši le lengwe; e lego mo ke yago bjale pele re tswalela. Letšatši le lengwe, methopo ye mebedi ye megolo ye, goba maatla, a ile a kopana bakeng sa makgaolakgang ka Lentšu la Modimo.

459 Bjale re ya go ya go sehloa. Re ka kgona go ya morago. Nka kgona go tšea tasene. Nka kgona go ema mo lebaka la beke, ka se tsoege ebile le go kgwatha bofase bja yona, ka fao nka kgonago go netefatša yeo thwi fao, se ke bolelago ka sona. Eupša ke a holofela le a se hwetša. Le a bona?

460 Letšatši le lengwe, e tšile go makgaolakgang. Bohlale le tumelo di tšile go makgaolakgang. Jesu le Sathane ba kopane. Yeo ke nnete. Jesu le Sathane ba kopane. Maatla a mabedi a magolo a, bohlale le tsebo, a tšile go makgaolakgang. Le a bona?

461 Bjale, bobedi bja bona ba šomišitše Lentšu. A ke nnete? [Phuthego e re, “Amene.”—Mor.] Oo, ngwanešu, se se ba botse, go nna. Le a bona? O se se foše, bjale. Oo! E re, “Modimo, bula pelo ya ka.” [“Modimo, bula pelo ya ka.”]

462 Bobedi bja bona ba šomišitše Lentšu la Modimo, Beibele ya go swana. Eupša Le ka se šome ka go tšhanele ya go se sokologe. Ka kgonthe Le ka se ke. Ke nnete Le ka se. Bobedi bja bona ba šomišitše Lentšu la Modimo. Eupša Sathane o Le šomišitše go tšwa go tsebo ya hlogo, le a bona, tsebo ya hlogo, gomme La se ke la šoma.

463 Ke ne Lengwalo mo. A le a tshwenyega ge ke le bala? [Phuthego e re, “Aowa.”—Mor.] A re tšeeng Bahebere, tema ya 4, thwi ka pela, motsotso feela. Ke nyaka go bala ye. Le lebega botse kudu go nna, thwi mo, Bahebere 4. Gomme a re hwetšeng Bahebere 4, gomme re thome, 1 go fihla go 2.

A re boifeng ge, gore, tshepišo ye re e šietšwego . . . go tsena ka go khutšo ya gagwe, gore go se be le yo a bonalago a e hlaelela.

Ka gobane go rena ebangedi e rerilwe, gammogo le go bona: eupša lentšu le le rerilwego ga se la ba thuša selo, ka gore le se la hlakana le (tsebo, bohlale?) tumelo ka go bona . . . tumelo yeo ka go bona ba (eng?) ba le kwelego.

464 O ka kgona go ba le Lentšu lohle, o ka kgona go tseba Lentšu leo go tloga go A go fihla go Z, gomme Le ka se tsoge la go šomela. A le kile la bona banna ba tšea Lentšu lela le go leka go Le dira le šome, ba re, “Ngwanešu, letago go Modimo”? Le tla no se šome. O ka se kgone go dira bošilo ka Lentšu. Aowa, aowa. Aowa, aowa. Ga go kgathale se o se bolelago, Lentšu le ipaka Lonamong. Ga go kgathale seo o se tleimago, Lentšu le fa bopaki. Yeo ke nnete.

465 Bjale, Sathane o tseba Lentšu. O Le tseba go tloga go A go fihla go Z. Gabotse, le a tseba ke eng? Ke a eleletša, ge a be a ka ba le grata, o be a ka ba le dithaetlele tša go lekanela go naba go kbagaganya matlakala a mane goba a mahlano a lephepha, “Ngak., Mor., Mogolo, Ph., L.L., Q.D.,” alefapete yohle ka tsela ye nngwe le ye nngwe. Grata ya gagwe e be e tla ba ka go Beibele yela. O tseba Lentšu le lengwe le le lengwe la Yona. Ka nnete o a dira. Le a bona? Kafao, Sathane o rile, “Bjale, ke tseba Lentšu.” Ke a tseba gore o be a tseba Lentšu ge a be a etla go Efa. Kafao, o bile le Lona ka tsebo ya hlogo, eupša Lona ga se la šoma.

466 Jesu o Le tsebile ka tumelo, ka go kutollo ya Lentšu la Modimo ka go Bophelo bja kgethelopele bja Gagwe Mong. Letago! Ke a holofela seo se nwelela thwi ka go pelo ya gago. Jesu o tsebile O be a le Mang. Sathane o be a makala. O tsebile O be a le Sebopiwa sa kgethelopele sa Modimo, seo Modimo Yenamong a bonagaditšwego ka go Yena. E be e se Yena a bego a dirago mediro. E be e le Tate yo a bego a dula ka go Yena. Amene.

467 A nke diabolo a fofe ka thutamodimo yohle ya gagwe. Jesu; Sathane o Le tsebile. O tsebile Lentšu. Bjale, o be a kgona go tsopola Lengwalo lela, mošemane, feela boka Beibele ye e sepelago. O be a kgona go no Le tsopola ka mokgwa *woo*. [Ngwanešu Branham o thwantšha monwana wa gagwe ka pela makga a mantši—Mor.] Le a bona?

468 Eupša Jesu o be a nno šišimala, gobane O be a tseba mo A bego a eme. O tsebile gore O be a kgethetšwepele, “a le Kwana ye e hlabilwego pele ga motheo wa lefase.” O tsebile O be a le Motho yoo. Oo! Oo, ngwanešu! “Yo a nago le tsebe, a a kwe.” O tsebile gore O be a kgethetšwepele go seo, gomme ke tsela yeo A tsebilego Lentšu. Le a bona? Gomme Le šomile. Nnete.

469 Sathane o Le tsebile ka bohla. Le šitilwe. O tsopotše Lentšu la go swana Jesu a le tsopotšego, Beibele ya go swana. O tsopotše go tšwa go Dipesaleme. “O tla fa. . . Go ngwadilwe,” Sathane o rile, “O tla fa Barongwa ba Gagwe tlhokomelo mabapi le Wena, gore nako efe kapa efe O se thitše leoto la Gago kgahlanong le letlapa. Ba tla Go rwalela godimo.”

O rile, “Gomme gape go ngwadilwe. . .” Oo! Le a bona?

Sathane o Le tsebile ka tsebo.

470 Jesu o Le tsebile ka boitemogelo. O Le tsebile ka kutollo. O tsebile gore O be a le Morwa wa Modimo yo a bego a le wa go

tla lefaseng. O tsebile boemo bja Gagwe. O tsebile O tswetšwe ka mo lefaseng le bakeng sa morero woo. Gomme ke lebaka leo Lentšu la Modimo le kgonneggo go šoma ka Yena, gobane O tsebile se A bego a le sona. Letago! A le e swere bjale? [Phuthego e re, "Amene."—Mor.] O tsebile se A bego a le sona.

⁴⁷¹ Sathane, ka morago ga yona, o be a tseba se a bego a le sona. Gomme o tsebile o be a se ne taba, ka bohlaile bja gagwe, go Lentšu, gobane Lentšu e be e le Modimo. Le a e hwetša? [Phuthego e re, "Amene."—Mor.]

⁴⁷² Bjale, ge Jesu a tsebile O be a le Mang. . . O be a le Sebopiwa sa nako sa kgethelopele. A le dumela seo? [Phuthego e re, "Amene."—Mor.] Jesu, mmele, O tsebile gore O be a le Lentšu le le kgethetšwegopele, Motho wa Modimo a bego a le wa go ema ka go letšatši leo, go ba Sehlabelo sa sebe. Gomme O be a tseba moganyetši wa Gagwe. (Bjalo ka ge ke rerile ka yona, Malamorena a mmalwa a go feta.) O be a tseba moganyetši wa Gagwe; gomme O be a tseba O be a le Mang. Kafao, maatla a mabedi a magolo ale a tlile mmogo, tsebo le tumelo. Jesu o tsebile O be a le Mang.

⁴⁷³ Sathane o be a tseba Beibele botse go swana le Jesu a be a dirile, eupša Ga se ya šomela Sathane. Le a bona?

⁴⁷⁴ Ga go kgathale o ne tsebo ye kae, e ka se šome. Bjale, iša seo morago go ye mengwe ya mekgatlo ye megolo ye. Nagana ka yona, motsotso. Ba re, "Gabotse, re ne Lentšu." A nke ke le bone le šoma. Lena Makatoliki, le re le ba setlogo. A re le boneng. Ntaetšeng mediro ya lena, ntle le ya lena. . . Goba, ntaetšeng mediro ya lena, ka, goba, ntle le tumelo ya lena, gomme ke tla le laetša ya ka, ka tumelo ya ka. Le a bona? Bonang se Lentšu le se boletšego.

⁴⁷⁵ A o ka kgona go bjala peu ntle le yona go bonagatša se e lego sona, ge e gola? A o ka kgona go bjala thoro ya lebele ntle le go dira lebele, ge e gola? A o ka kgona go bjala letapola ntle le ge le tšweletša letapola? A o ka kgona go bjala letšoba ntle le go ba mohuta wa letšoba leo? Le a bona?

⁴⁷⁶ Ka gona, ge o bjetšwe, gomme Peu ya Modimo e le ka pelong ya gago, E swanetše go tšweletša Leo. Jesu o rile, "O tla dira mediro ya Ka, ge a Ntumela." Ge a re o a Le dumela, gomme ye ga e mo latele, ke moaketši. "Yo a dumelago go Nna, mediro ye Ke e dirago o tla e dira le yena; ebile ye mentši go feta wo, gobane Ke ya go Tate wa Ka." Gobaneng, E kgwahlile! Ge ba sa no thula lefelo la go sekama le go thedimogela, godimo go leswikatsoko felotsoko! Ba no wela fase ka moeding gore diphefo di se kgone go E budula go tloga, gomme dinonyana di ka se kgone go E hwetša, E tla gola.

⁴⁷⁷ Le ute tlase ka pelong ya gago. Dafida o rile, "Molao wa Gago ke o utile ka pelong ya ka," kafao ga go kereke ya leina e ka kgona go Le ntšhetša ntle, dinonyana di ka se kgone go Le topa. "Ke ne

le Lona le utilwe *mo*. Ke naganišiša ka Lona, mosegare le bošego. A ngwadilwe godimo ga dikota tša malao a ka le mogohle. Ke na le Wona, ke na le Wona a tlamilwe godimo ga menwana ya ka. A ka go . . .”

478 Gomme Jesu o rile, “Leina la gago le ka go legoswi la seatla sa Ka.” Kafao, bjang, le ya go lebalwa bjang? Le ka se kgone go ba. Bjale, go lokile.

479 Ka gona, ge Jesu a fentše Sathane godimo ga tumelo, go tseba O be a le Mang, O be a le Sebopiwa sa kgethelopele. A le komana? [Phuthego e re, “Amene.”—Mor.] Go reng ka Monyalwa wa Kriste wa kgethelopele bjale? A le a dumela Monyalwa o kgethetšwepele? [“Amene.”] Monyalwa wa Kriste wa kgethelopele bjale, Kereke, Peu Lentšu, le se sengwe le se sengwe seo Modimo a tshepišitšego go se bea ka Kerekeng, ka go Yona thwi bjale. Le ka go Yona bjale. Se sengwe le se sengwe se ka lenaneo. Moya wo Mokgethwa o filwe. Peu e bjetšwe. Dietša tša mantšiboa di be di phadima. Leswao la Sodoma, leo Jesu a le tshepišitšego, le mo, le Maleaki 4. Kereke ya kgethelopele!

Oo, diabololo!

480 Kereke ya Modimo wa go phela, mo le godimo go theipi, le wena, a le tseba mo le emego? A le a tseba gore le biditšwe ke Modimo, gore Moya wo Mokgethwa o rena ka pelong ya gago, gomme Lentšu le lengwe le le lengwe la Modimo ke kgonthe go wena? [Phuthego e re, “Amene.”—Mor.] Oo, ngwanešu! Sathane o ya go ema bjang kgahlanong le leo? O ya go kgona bjang go emiša leo go gola? O ya go kgona bjang go swara wona maswao go Le latela? Gobaneng, o ka ba lahlela ka kgolegong. Bona, ge o ka kgona, ga ke tshwenyege o dira eng, ba šetše ba e lekile. Ba boletše ka dikgolegong. Ba lešitšwe ditau. Ba ile ba segwa go putlagana. Ba ile ba kgonolwa diripana. O ka se kgone go E bolaya, therešo, Kereke ye e kgethetšwegopele. “Bao A ba tsebilegopele,” boka A dirile Jesu, “O ba biditše. Bao A ba biditšego, O ba lokafaditše. Gomme bao A ba lokafaditšego, O šetše a ba tagafaditše, kgethetšepele.”

481 Gomme bjale, ka matšatšing a mafelelo, ka peu ye nngwe le ye nngwe e bjetšwego; se sengwe le se sengwe ka go lenaneo, lefase ka lenaneo la lona, nako e agegile, Kereke ka go lenaneo la Yona, Peu, Dietša tša mantšiboa, maswao boka A boletše, “Bjalo ka ge go bile ka matšatšing a Sodoma.” Morongwa wa Modimo, Moya wo Mokgethwa, o tlile fase, wa sepela, wa dira maswao ao A a dirilego nako yela. Maleaki 4 e tshepišitše O tla romela, ka matšatšing a mafelelo, se A se tshepišitšego. Gomme re bona sohle seo thwi mo. Kae? Kae? [Phuthego e re, “Amene.”—Mor.]

Amene. Amene. Amene. Amene. Amene.
A le a Mo rata? Amene.

482 Nnete, thwi mo ka matšatšing a mafelelo, Kereke ya kgethelopele, ba tsebago mo ba emego, ba bjetšwego le Peu, Moya wo Mokgethwa ka Kerekeng.

Sathane, hlokomela.

483 Go diregile eng? Motsotso feela bjale. Go diregile eng, ka se sengwe le se sengwe se tshepišitšwego go Yona, ebile le ditshepišo tša Maleaki 4?

484 Sathane o—o dirile eng ge a kopane le Jesu? O fofetše ka go Yena, ka maatla ohle a kereke a bego a ne nao. “Ke tseba Lentšu, le nna,” a fofela ka go Yena. Lerole lela la kereke ya leina a bego a na le lona! Re Le lahletše ntle godimo ga gagwe; eupša o be a se ne Bophelo e ka ba bofe. A o ile a fofa go tšhaba! O tlogile ka pelapela kudu go feta ge a be a fofela godimo. Gobaneng? O thutše Lethale lela la dibolete tše bilione tše lekgolo kua. O ripa mafafa a gagwe. O tšwele go Yena. O tšwele go Yena, gobane Lethale lela le be le ne bolete ka go Lona.

485 Elelwang, Sathane o bile le lethale, le yena. Eupša, ga go kgathale lethale le koporo le botse bjang, ga le ne bophelo ka go lona, le hwile. A ka se dire. Lethale la go swana.

486 Le tee le swanetše go maatlafatšwa go tšwa go Dynamo, gomme le lengwe ga le ne kopanyo, le gatee. Yeo ke nnete. Ke ka baka leo Le tla šoma ka go sebjana sa kgethelopele. Ke ka baka leo Lentšu le tla šoma moo Le kopantšwego. Le kopantšwe kae, le kereke ya leina? Aowa, mohlomphegi. Ke sokete ya go hwa, “Go ba le sebopego sa bomodimo, go gana maatla a bjona.” Eupša le kopantšwe le Lentšu, le le ka se tsogego la feta, gomme le kgona go tšweletša maatla a go swana ao A nago nao. Ke mo le lego. Letago!

Amene. Amene.

A le a Mo rata? [Phuthego e re, “Amene.”—Mor.] A le tla Mo direla? [Amene.”] Amene. Nnete.

487 E sego go kgokwa ka go mokgatlo tsoko, eupša go kgokwa ka go dy—dy—dy—dy Dynamo ye. Ngwanešu, ke a go botša, Le a šoma fao, gobane Le kgokilwe godimo, Lentšu la go swana.

488 Moaba e be e kgokilwe ka gare, le yona; le Israele e be e le, le yona. Moaba e be e se ne selo eupša sehlopha sa dithutotumelo tša go hwa le moprofa wa maaka.

489 Eupša Israele e be e ne leswika le le iteilwego, sephente ya mphiri, Pilara ya Mollo, haleluya, maswao a Modimo wa go phela. Amene. Yeo ke tlwa. Le šomile. Gobaneng? E be e le godimo ga tumelo. Ee, mohlomphegi. E sego godimo ga tsebo, thutotumelo ya motho tsoko; eupša godimo ga tumelo ka go Lentšu, Lentšu Lonamong. Bophelo bo tšwa go Lentšu. “Lentšu la Ka ke Bophelo.” Moela wola o tla ka Lentšu.

490 Sathane o tlogile fao, thwi ka pela. Lerole la thutamodimo ya gagwe ga se le ye gabotse kudu thwi fao. Lethale la Sathane

le be le se ne moela ka go lona. E be e le dithutotumelo tša go hwa. Le ka se ke. Le ka se be moela.

⁴⁹¹ Bjale, bonang, ke lethale la go swana. Jesu o šomišitše Lentšu la Tate; Sathane o šomišitše Lentšu la Tate. Sathane o be a le Sathane. Jesu o be ale Modimo, yeo ke phapano, yeo ke Therešo. Ye tee ke thutotumelo, gomme ye nngwe e Tee ke Lentšu. Ye tee ke Therešo, gomme ye nngwe ke maaka. Ye tee e tla e tšweletša; ye nngwe e ka se kgone go e tšweletša. A le a e hwetša? [Phuthego e re, “Amene.”—Mor.] Mohuta wa go swana wa mathale, bjale, yeo ke nnete tlwa, mathale a go swana. Bahebere 2, re nno ba . . . Goba, Bahebere 4:2, re sa tšwa go ba le yona. Le a bona? Boka, ya kereke ya leina, boka dikereke tša maina di bolela, ka bohlale. Le a bona? Dikereke tša maina, ka bohlale, di bolela se, “Matšatši a moela a fetile.”

A le a Mo rata? Amene.
A le tla Mo direla? Amene.
A le a Mo dumela? Amene.
Amene. Amene.

Ke a Mo dumela. Ee, mohlomphegi. *Amene* e ra “a go be bjalo.”

⁴⁹² Morena, thapelo ya ka, mosong wo, tšea modumedi yo mongwe le yo mongwe ka mo gomme o mo gogele ka go moela. Oo! Bea Bophelo ka go yena, a nke a bobole le go phadimiša pele letago la Modimo. Ee, mohlomphegi. Gotetša moela.

⁴⁹³ A le a tseba se ke se dumelago? Peu e bjetšwe (A le dumela seo?) [Phuthego e re, “Amene.”—Mor.] bakeng sa Kereke ye kgolo yela. Go no swana le mathale ao a adilwego go kgabola moago, sokete ye nngwe le ye nngwe e lekilwe ka Lentšu, oo, nna, lešobana le lengwe le le lengwe le lekilwe ka Lentšu. “Le se nagane ke go se tlwaelege ge meleko ya go fiša e etla. Ke go le leka.”

⁴⁹⁴ Go ne tlhaelelo ye nnyane fao, e tla emiša, ya thuthupiša switšhe ka moka. Modimo ga a di nyake ka Kerekeng ya Gagwe. Ga go ye go ba switšhe ye e thunyago gomme ga go fiose ye e thunyago ka go matšatši a a mafelelo. Aowa, mohlomphegi.

⁴⁹⁵ O tla morago le go mo weletela thwi ka kua. Ee, mohlomphegi. Go lokile. Lebone le lengwe le le lengwe le lekeletše ka go lefelo la lona. Selo se nnoši, le letile Makgone morago kua go gotetša switšhe. Yeo ke nnete. Ee, mohlomphegi. Ka go Lentšu! Nnete. E ka ba thwi bjale, ngwanešu. Ge o hloka phodišo, e no kgwatha switšhe. Ke sohle o swanetšego go se dira, ge o ne lethale la kgonthe. Ge mobu wa gago . . . “Ge mothalo wa gago o epetšwe, le makopanyo, gape, a timetše ka go Jesu, ke tla go botša o dire eng.” Amene. Yeo ke nnete.

⁴⁹⁶ Bjale, bohlale bja kereke ya leina bo re, “Matšatši a mehlolo a fetile.” Ga go moela ka gare ga lethale.

497 Eupša tumelo e tseba bokaonekaone. Ba a e ekwa. Ba e bona e šoma. Ba e tseba e a bonega. Ba tseba se e se dirago. Tumelo ke moela, moela, Moya.

Gomme bohlale ke dibopego tša kereke ya leina.

498 Sathane o lekile go leka Jesu, go tloga go tumelo ka go Lentšu la Tate. Sese se a se dirilego. O lekile go Mo laetša ya gagwe ye megolo, mekgatlo ye megolo ya kereke ya lefase. Eupša ga se a kgone go Mo leka. “Etle godimo gomme o tšoenne ya ka. Ke tla go dira pišopo godimo ga bona bohle.”

499 “Go ngwadilwe...” go boletše Jesu. Ee, mohlomphegi. Sathane ga se a kgona go Mo leka. Aowa, mohlomphegi. O fetile woo. Eupša, Jesu o be a le Lentšu. Tumelo ya Gagwe ka go tsebo ya Yenamong, gore O be a le Lentšu.

500 Go no swana le Moshe. Gobaneng, Moshe o tsebile o be a le mang. Moshe o tsebile o be a le mohlanka wa Modimo, o tsebile o be a biditšwe ke Modimo. O tsebile se a bego a eya go se dira. Ke ka baka leo o be a sa tšhoge se Sathane a se boletšego. Sathane o lekile go mo leka, go mo tšhošetša ka ntle ga sona. Eupša, aowa. Moshe o tsebile mo a bego a eme. Yeo ke nnete.

Bjale ke swanetše go hlaganela. Ke tshela ka godimo, letlakala ka morago ga letlakala, mo.

501 Paulo. Selo se tee ke nyaka go se hwetša mo, pele ga go tswalela. Paulo o e beile molaleng go karolo ya gagwe ya Monyalwa yo a tla mo neelago. Paulo o tla neela karolo ya Monyalwa. A le dumela seo? [Phuthego e re, “Amene.”—Mor.] Paulo o e dirile go bonagala go karolo ya gagwe ya Monyalwa yo a tla mo neelago go Jesu Kriste ka go matšatši a mafelelo, ka bohlale goba tumelo.

502 A re nong go bala nthathana gannyane. Ke le nyaka le phetle go Bakorinthe ba Pele, tema ya 4. Bakorinthe ba Pele, tema ya 4, re no bala. Gomme re ya go tswalela feela ka go di—di dinakwana di se kae, Morena ge a rata. Bakorinthe ba Pele, tema ya 4, gomme ke nyaka go bala temana ya 18 go fihla go ya 20. Go lokile. Ke rena ba.

Bjale bangwe ba ikgogomoša, mo o ka rego—mo o ka rego nka se tle go lena.

Eupša ke tla tla go lena ka pejana, ge Morena a rata, gomme ke tla rata go tseba, e sego polelo ya e ka ba mang wa bona wa go ikgogomoša, eupša maatla.

503 Le a tseba, go tla tšea . . . Bjale, yeo e be e le kereke ya Roma e thoma go tla, thwi ka kua, e thoma go tla. Le a bona? O be a tseba eng. . . Le a tseba, Beibele e rile, “Ba tšwele go rena, gobane e be e se ba rena,” le a bona. Yeo ke nnete.

Kagobane mmušo wa Modimo ga o ka go lentšu, eupša ka go maatla.

504 Le a bona, “E sego ka go Lentšu.” Go no re, “Gabotse, ke, ke rutegile, ngwanešu. Ke ne thuto ye ntši go feta o kilego wa ba. Ke nna—ke nna moprista. Ke nna . . .” Seo ga se ne selo go dira le Lona. Se ra go se fete gore o “kolobe,” goba eng gape; le a bona, le a bona, ga se ne selo go dira le Lona. Le a bona? Diabolo o bile le tsebo ye ntši, le yena. Le a bona? Go lokile. Le a bona?

Ka gobane mmušo wa Modimo ga o . . . lentšu, eupša . . . maatla. Le a bona?

Le rata eng gona? a le tla rata ke tla go lena ka lepara, goba lerato, goba ka . . . moya wa boleta?

505 Bjale, tema ya 2. Ke nyaka go fetša ye, motsotso feela, gona, pele re tswalela. Tema ya 2; phetlang ka kua ga letlakala. A re thomeng thwi mo ka go ya 1. Bjale bonang eng, Paulo, se a se botšago Monyalwa bjale. O ya go neela karolo ye ya Monyalwa go Kriste, gomme o nyaka ba tsebe. Bjale, elelwang, Paulo a ka be a bile le mohuta tsoko wa botswerere. O be a le setswerere, o ile, eupša o “ile a swanelwa ka go bo lebala,” o boletše. O bile le mehuta yohle ya digratala le thuto, eupša o ile a swanela ke go e lebala, bjale, lebelelang, go ithuta Kriste.

Gomme le nna, baena, ge ke etla go lena, ke tlile, ga ka tla ka bokgwari bja polelo goba . . . bohlale. Le a bona? Ga ka tla ka bohlale, ge ke le tsebiša bopaki bja Modimo.

506 “Ke nna Ngak. *Semangmang*, gomme ke ne tšohle. Ke nna . . . Re rutwa ka diseminarang, *bjalo le bjalo*”? Aowa, aowa. Paulo o rile, “Ga se ka tla go lena ka mokwa woo, ka bohlale.” Bjale, gomme eng . . .

Sehlogo sa ka ke eng? *Bohlale Thulanong Le Tumelo*. Le a bona?

507 “Ga ka tla go lena ka bohlale,” Paulo o rile, “go le fa bopaki bja Modimo ka bohlale, o re, ‘Bjale lebelelang mo. Ke tla le botša. Re ithutile ka seminarang gore matsatši a mehlolo a fetile. Re ithutile ka seminarang gore dilo tše ka kgonthe di be di sa re *Se*.’” O rile, “Ga se ka tla ka mokgwa woo, baena.” Bjale o rile eng?

Gobane ke ikemišeditše go se tsebe le ge e ka ba selo magareng ga lena, ge e se Jesu . . . gomme yena mmapolwa.

Gomme (ge) ke be ke ne lena ka bofokoding, gomme ka poifo, le ka tlašego ye ntši ke be ke ne lena.

Gomme polelo ya ka le thero ya ka e be e se ka wona mantšu a go gokagoketša a bohlale bja motho, . . .

508 Huh? Bjalo ka ge Booth Clibborn a rile, “Halo?” Ke mang a kokotilego gona?

Ga ka tla go lena ka bohlale tsoko bja seminari, eupša ka tšhupetšo ya Moya le ya maatla:

Gore ya lena (t-u-m-e-l-o) tumelo e se ke ya ema ka bohlale bja batho, eupša ka go maatla a Modimo.

509 [Ngwanešu Branham o letša molodi—Mor.] “Fše!” Amene. A le a e dumela? [Phuthego e re, “Amene.”]

Gore tumelo ya lena e se eme ka go bohlale bja mokgatlo tsoko, eupša ka go maatla a Modimo.

510 Tumelo ka go maatla a Modimo! Dikholofelo tša lena ga tša . . .

511 Methopo ye mebedi ye e lwele ge e sa le go tloga Edene; tumelo ya Modimo kgahlanong le bohlale bja Sathane. Modimo o netefaditše, ka go mabaka ohle, gore E ka se tsoge ya tswakana. E swanetše go aroganywa, gore e gole.

512 Bjale, ka pela, a ke kitime godimo feela—feela lentšu goba a mabedi, go ye nngwe le ye nngwe, feela go tšea dilo di se kae ke nago di ngwadilwe mo.

513 Esau le Jakobo e be e le sekai sa go phethagala: bobedi bja bona, ba bodumedi; bobedi bja bona, mafahla.

514 Esau e be e le mohuta wa kereke. O be a le monna yo a bego a le setswerere. O be a ne—ne maemo a mabotse a maitshwaro le dilo boka tšeo, eupša o be a sa iše felo ka tokelo yela ya tswalo.

515 Jakobo o be a sa tshwenyega se a bego a swanetše go se dira, feela gore a hwetše tokelo ya tswalo. Gomme ge feela ba be ba le mmogo, ba be ba sa kgone go tšweletša. A ke nnete? Yo motee o be a le kgahlanong le yo mongwe.

516 A le e swere? [Phuthego e re, “Amene.”—Mor.] Amene. “Tšwelang ntle go tšwa magareng ga yona. Aroganang,” go rialo Modimo. “Le se sware dilo tša ditšhila tša bona. Ke tla le amogela.” Le a bona?

517 Jakobo o ile a swanela ke go ikaroganya yenamong go tloga go ngwanabo wa kereke ya leina pele Modimo a be a ka tsoge a mo šegofatša. Modimo o boditše Abraham selo sa go swana.

Israele; le Moaba.

518 Bapofeta ba makgolonne ba Israele ba eme pele ga Mika. Gomme Mika o ikarogantše yenamong go tloga go bona, le go ba le Lentšu la Morena, le go tla morago le Lona.

519 Moshe, le Kora, selo sa go swana, ga se ba tswakana. Ba ile ba swanelwa ke go arogana. A ke therešo? [Phuthego e re, “Amene.”—Mor.]

520 Abraham; le Loto. Loto e be e le monna wa bodumedi, sekai sa kereke ya go itlhopha. Eupša ge feela Loto a be a ne Abraham, o sepetše mengwaga le yena. Eupša O ile . . . Modimo o ile a se mo šegofatše go fihla a Mo obamela ka botlalo le go ikaroganya yenamong go tloga go Loto, kereke ya leina. Morago, ka pejana ge Abraham a ikarogantše yenamong le go tšwela ntle, go sepela a nnoši, Modimo o rile, “Bjale, Abraham, emelela. Lebelela

bohlabela, bodikela, leboa, borwa.” O rile, “Yohle ke ya gago.” Eupša Ga se a kgona go e dira go fihla a ikaroganya ka botlalo yenamong. Yeo ke nnete tlwa.

⁵²¹ Modimo ga se a kgona go šegofatša Sethe go fihla A mo arogantše go tloga go Kaine. O swaile Kaine le go mo romela go naga ya Nod. Gomme Kaine, ka bohlaile bja gagwe bja botswerere, o bile borasaense le sengwe le se sengwe gape, a bjala lebele la yeo. Gomme Sethe, ka tlase ga toko ya gagwe, le lerato le tumelo ka go Lentšu la Modimo, o godišitše lebele leo le tšweleditšego moprofeta yo a seboditšego matsatši a mafelelo, yeo ke nnete, o phološitše modumedi yo mongwe le yo mongwe. Gomme bohlaile bo fedišitše yo mongwe le yo mongwe wa bona. Bona, yo mongwe le yo mongwe, ba hwile. Yo mongwe le yo mongwe, ga go kgathale ke digrata tše kae le saekolotši ba bilego natšo, se sengwe le se sengwe gape, ba senyegile ka dikahlolong tša Modimo.

⁵²² Gomme se sengwe le se sengwe ka ntle ga sa therešo, sa go tswalwa gape ke Moya wa Modimo, seo se dumelago Lentšu le lengwe le le lengwe la Leo le go ema thwi ka Lona, se tla senyega ka go dikahlolo tša Modimo. Le bona bamenekani ba bannyane ba ba yago go theoga mokgotha, le go ya pele gohle go, le go ya pele ka mokgwa woo, elelwang, ga se selo ka lefaseng eupša dijo tša kahlolo. Di tla bola. E swanetše. E tlemegile. Basadi, phafogang.

⁵²³ Ke ne bopaki bjo bonnyane, eupša ga ke ne nako go bo bolela, bja mohumagadi yo monnyane mo e sego telele go fetile, ka California. Ke be ke otlela go rotoga tsela, ke letile go bitšwa ka tenteng. Go kitima go bapa kua, nthathana ye nnyane. . . Ke—ke kgobogo. Ntle le pelaelo, mosetsana yo monnyane yo mobotsana. Gomme o be a eya go bapa kua, a menekana, a rwele kefa ye nnyane ye ya makhapoye, diputsu le marala a lekeletše godimo, a menekana go rotoga tsela. Monna yo mongwe le yo mongwe a mo lletša, a mo emišetša seatla, bona bohle ka mokgwa woo.

⁵²⁴ Ka nagana, “Ke be ke swanetše go ema, ge ke be ke se moreri. Meda o be a le mmogo, ke be ke tla. Ka re, “Lebelela, kgaetšedi, ke nyaka go go botša se sengwe. O ka no ba yo mobotsana. O ka kgona go netefatša seo. O a bona? O ka no ba o kgona go dira dikoloi go tlema diporiki, le go menekana tikologong mo, le bašemane ba letša melodi boka diphiri, se sengwe le se sengwe. Eupša le lengwe la matsatši a, mmele wo monnyane woo, dikhunkhwane le diboko di tla nanampa ka go wona le go o ja. Gomme mohlomongwe ka dibeke tše tshela go tloga bjale o tla be o le ka tsela yeo, o bodile, o robetše ka kua lebitleng. Eupša soulo yela e lego ka go wena, e iphepa ka kganyogo yela, e tla phela ka go hele ya diabolo lebaka—lebaka la mabaka a a tlogo.”

525 Moshe; le Kora. Loto; Abraham. Johane Mokolobetši; le balekgetho. Jesu; le dikereke tša maina tša matšatši a Gagwe. Le a bona? Tumelo; bohlale.

Gabotse, bona baprista ba be ba ka kgona go ema, ba re, “Rena . . .”

O rile, “Ee.”

“Re ne se. Oo, tatawešu, re dirile *bjalo le bjalo*.”

526 O rile, “Ee. Lena, ka ditšo tša lena, le dirile melao ya Modimo go hloka khuetšo, go ruta Thuto ya melao ya batho.”

527 Ba rile, “Gabotse, o Mang, go re ruta? O tšwa sekolong sefe?”

528 O rile, “Mediro ye Ke e dirago, e paka ka Nna. Ge Ke sa dire mediro ya Mesia, gona le se ke la Ntumela. Gomme ge Ke dira mediro ya Mesia, gona le a tseba, dumelelang mediro.” O rile, “E paka ka Nna. Ge Ke sa dire mediro gona se e dumeleng.”

529 O bile le tšona dikereke tša maina, le bona, morago kua, ka bohlale bja bona. Jesu o bile le tumelo. Tumelo ka go eng? Se A bego a le sona: Morwa wa Modimo. Le a bona? Go lokile.

530 Mokgethwa Martin; le kereke ya Roma, ka matšatšing a mpshafatšo. Eupša ke ra ge, bona, ge pele ba eya ka go Roma ya medimo, ge a thoma go ba kereke ya Roma. Martin o eme ntle kua le go ngangana le thutotaelo yela ya kereke ya Katoliki; o dirile maswao, le dimaka, le mehlolo. Gomme—gomme dikereke tša gagwe, tšona tšohle, di boletše ka maleme, le go profeta, le dilo tše dikgolo. Gomme maatla a Modimo a be a na le yena. O tšoišše bahu le go fodiša balwetši, le se sengwe le se sengwe gape. Gomme go be go le kereke yela ya Katoliki godimo kua, e ngangana le yena ka mokgwa woo, le go leka go mo fiša, le se sengwe le se sengwe gape. E be e le eng? Bohlale; tumelo. Go swana bjale.

531 A re kweng setswalelo sa yona yohle. Sakaria 4:6 ke mo ke yago go tswalela ntshe, thwi mo. Beibele e rile, “E sego ka maatla, e sego ka thata, eupša ka Moya wa Ka, go rialo Morena. E sego ka bohlale, e sego ka tsebo, e sego ka go hlaola, eupša ka Moya wa Ka Ke tla (eng?) maatlafatša Lentšu la Ka.” Barutiwa ba bile le Lona le bjetšwe ka go bona, ka gona Moya o tla go maatlafatša Lentšu. Le a bona? “E sego ka maatla, e sego ka thata, e sego ka bohlale, e sego ka kwešišo, e sego ka se, e sego ka sela, eupša ka Moya wa Ka Ke tla maatlafatša Lentšu la Ka. Ka Moya wa Ka, go rialo Morena.” Ke Meetse a Lentšu la tumelo ao a maatlafatšago Lentšu la Modimo le go Le dira le šome.

532 Go ya go thopa efe? Go lebega o ka re, thwi bjale, nnete, gore bohlale bo ya go šoma. Eupša, bo ka se ke. Bo ka se ke.

533 Go lebega o ka re, thwi bjale, gore Kereke ye nnyane ye e dumelago Lentšu la go tlala la Modimo ka kgonthe e—e ka bonnyaneng. Eupša o se tshwenyega. Beibele e rile, “Se boife, Mohlape wo monnyane. Ke thato botse ya Tate go le fa Mmušo.”

Uh-huh. Yeo ke nnete. Le a bona? Gomme se boife. E no dula ka tumelong. Dula thwi le Lentšu. O se tlogele Lentšu. Dula le Lentšu.

A le a Mo rata? Amene.
 A le tla Mo direla? Amene.
 A le tla Mo dumela? Amene.
 Amene. Amene.

A re e opeleng.

A le a Mo rata? [Phuthego e re, “Amene.”—Mor.]
 A le tla Mo direla? Amene.
 A le a Mo dumela? Amene.
 Amene. Amene.
 A le a Mo rata? Amene.
 A le tla Mo direla? Amene.
 A le tla Mo dumela? Amene.
 Amene. Amene

⁵³⁴ Oo, ke a Mo rata! A ga le? [Phuthego e re, “Amene.”—Mor.] Ke eng? Ka tumelo, e sego ka bohla! “Re phološwa ka tumelo.” A ke nnete? [“Amene.”] “E sego ka bohla, e sego ka tsebo; ka Moya wa Ka, go rialo Morena.”

⁵³⁵ Bjale a nke A nwelele fase ka go Kereke yela. Lethale lela la koporo, e lego sesepediši. Bjale, lethale la aluminiamo ga se sesepediši. Le a bona? Ga se sona. Aowa. Lethopo la raba ga se sesepediši; ke seapeši. Kota ke seapeši. Ga re nyake diapeši e ka ba dife. Re na le bontši kudu bja sona bjale, gomme se dira go beela thoko. Kafao re—re nyaka . . . Re nyaka disepediši, banna le basadi ba ba tswetšego gape ba ba dumelago Lentšu la Modimo.

⁵³⁶ Bjale, Dynamo e rileng? “Kgopelang Tate eng kapa eng ka Leina la Ka, Ke tla e dira.”

⁵³⁷ Gomme o dira eng? Pholaka ka gara. Amene. A ke nnete? [Phuthego e re, “Amene.”—Mor.] E no pholaka ka gare, seo ke sohle o swanetšego go se dira, gomme moela o tla o ela thwi go theoga mothalo.

⁵³⁸ Go direga eng? Lentšu le thoma go gola. “Gomme o tla ba bjalo ka mohlare wo o bjetšwego dinokeng tša meetse; matlakala a gagwe a ka se ke a pona; eng kapa eng a e dirago e tla atlega. Mohlokamodimo ga a bjalo.”

⁵³⁹ “Mohlokamodimo ga a bjalo.” Bjale, ga e re, “modiradibe,” bjale. “Mohlokamodimo,” le a bona, ke yo a tleimago go ba, gomme ke mohlokamodimo ka Lona, le a bona. Yeo ke nnete. “Mohlokamodimo ga a bjalo. Ba ka se eme kahlolong le baloki.” Aowa, mohlomphegi. Ka nnete ba ka se kgone.

⁵⁴⁰ Kafao, nako e tlile. Peu e bjetšwe, go le bjalo, bao ba kgethšwegopele. “Kgethelopele” ke tsela e nnoši e lego fao. Nka kgona go tšea Kutollo 12, thwi bjale, le 13, le go netefatša seo go lena, feela bao. Beibele e boletše, gore, “Molwalekriste

yo a bego a etla lefaseng o tla fora bohle,” (b-o-h-l-e), “bohle ba bego a le sefahlegong sa lefase, ka dikereke tše tša maina le dithutotumelo. O tla fora bohle godimo ga sefahlego sa lefase, yo mongwe le yo mongwe wa bona, ntle le bao ba kgethetšwegopele pele ga motheo wa lefase.” Kafao, ngwanešu, o ka se kgone go dira selo ka yona. E nong go goelesa, “Amene.” [Phuthego e re, “Amene.”—Mor.] Oo, nna! Ke rata yeo. Ee, mohlomphegi.

A le a Mo rata? Amene.
A le tla Mo direla? Amene.
A le a Mo dumela? Amene.
Amene. Amene.

⁵⁴¹ Ke le nyaka le itlwaetše yeo nthathana gannyane tikologong mo, lena bohle. Ke rata pina yela. A ga le? [Phuthego e re, “Amene.”—Mor.] Yeo e be e le ya ya rena ya Phoenix, pina ya khonferense. Oo! Ke a e rata. Ke a e rata. A re e opeleng gape.

A le a Mo rata? Amene.
A le tla Mo direla? Amene.
A le tla Mo dumela? Amene.
Amene. Amene.

⁵⁴² Gabotse, o ka no tšwelapele o eya, le a tseba. “A le tla Mo rapela?” Gomme bona bohle ba no tšwelapele ba eya, gape le gape. Nna! Re bile le yona e thomile kua ka Phoenix; re nyakile go kgeila lefelo diripa. Ee, mohlomphegi. “Amene. Amene. Amene.”

A o pholakilwe ka gare mosong wo? Amene.
Gotetša switšhe. Amene.
O ne moela. Amene.
Amene. Amene.
Bjale E tla gola. Amene.
Ya enywa kenywa. Amene.
O tla E bontšha. Amene.
Amene. Amene.

⁵⁴³ Oo, a seo ga se makatše? [Phuthego e re, “Amene.”—Mor.] Amene. Go makatša kudu. Tshwarelo go le swarelela bohle mo, nako yohle ye, eupša ke no ba le megobo, nnamong, feela nako ya go makatša. Go lokile.

Lamorena la go latela, bjale, yo mongwe le yo mongwe yo a lego tikologong. . .

⁵⁴⁴ Bjale, bjale ke ya godimo go ya Ngwanešu Littlefield, go phatlalatša Lentšu le lennyane, ka kgonagalo go no tšea le lengwe la Lentšu le mo le go Le phatlalatša godimo magareng ga tšona, kereke ya Modimo, ka mokgwa woo. Gomme ka go kgonagala ke tla no bolela ka se sengwe ke se dirilego mo. Nnete, le amogetšwe go tla. Eupša ba ne kereke ye nnyane ya nthathana kua, e dudiša makgolo a lesometlhano. Ke sa tšwa go e gafela, gomme e ka ba mengwaga ye mmalwa ya go feta. E ya go ba semenyamanya. Eupša ke tshepišitše Ngwanešu Littlefield. Ke

ngwanešu yo bohlokwa. Gomme monna o boloka tshepišo ya gagwe ge a kgona. Morena ge a rata, ke tla ya godimo kua.

⁵⁴⁵ Go tla ba kereke mo ka tabarenekeleng. Lena batho tlang thwi mo ka tabarenekeleng, bao le lego tikologong le dilo, le go kgona. Tlang thwi pele.

⁵⁴⁶ Gomme ka gona, Lamorena la go latela, elelwang, Ngwanešu Arganbright o tla be a le mo bjale le Ngwanešu Rowe. Ka nnete le tla ipshina ka Ngwanešu Rowe. [Ga go selo godimo ga theipi—Mor.] Go lokile.

⁵⁴⁷ A re bušetšeng tirelo bjale go Ngwanešu Neville, go bona se a nago naso go re botša bjale. Morena a le šegofatše. 

BOHLALE THULANONG LE TUMELO NST62-0401
(Wisdom Versus Faith)

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Aporele 1, 1962, mo Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2020 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org